

652/
1968/2

საქართველო
ბიბლიოთეკა

საბჭოთავადად

საქართველო

98-11

1968 4

ლიტერატურული მსაჯულები

საქართველოს
საბჭოთავო
4

საქართველო

10.835

1968

ივლინი - აბინსკი

ლიტერატურულ-მსაჯულები და
საზოგადოებრივ-პოლიტიკური აქტუალური

საქართველოს მწიკრითა კავშირის
აზარის განყოფილების ორბანო



ნაკო, ნაკუნაკო...

საკანში მაღალი ახალგაზრდა ოფიცერი შემოვიდა ორი მეციხოვნის თანხლებით. ტუსალები ფეხზე წამოიშალნენ.

— რომელია აბაშიძე? — იკითხა ოფიცერმა.

მკვრივი, ფართომხარბეჭიანი პატიმარი წარუდგა და მიაჩერდა.

— ნუთუ ვერ მიცნო, — გაივლო გულში პატიმარმა.

— თქვენი საჩივარი მოვიდა, რას ითხოვთ? — ჰკითხა ოფიცერმა.

— ბევრს არაფერს, სუფთა წყალსა და ხეირიან ნარს, — მშვიდად მიუგო პატიმარმა და დასძინა:

— ვიდრე ჩვენი დანაშაული გაურკვეველია, ღირსებას ნუ ჩამოგვართმევთ.

— იქნებ გვიბრძანოთ ხალიჩები და ატლასის ბალიშები მოგიფინოთ, — დაცინვით უპასუხა ოფიცერმა და ფეხზე კოხტად მორგებული ჩექმის წვერით ნარის კიდე ასწია. — არც ისე დასაწუნი ჩანს.

— ნახევარი სიცოცხლე ზედ გამიტარებია, ცნობა არ მეშლება! — ოღნავ ხმას აუწია პატიმარმა, — ჩვენ კიდევ მოვითმენთ, მაგრამ დროულ კაცს მაინც ეციოთ პატივი.

ოფიცერმა მზერა თეთრწვერა მოხუცზე შეაჩერა და მეციხოვნეებს უბრძანა:

— შეუცვალეთ!

მეციხოვნეებმა სწრაფად გაიტანეს ნარები საკანიდან.

ოფიცერი უცებ ერთი ნახტომით პატიმრის გვერდით გაჩნდა, რევოლვერი მიაჩეხა და წასჩურჩულა: — მემედ-ეფენდი, თოკი ნარში იქნება დაბალული, ამაღამვე გაიპარებით, ციხის მცველთა რაზმის უფროსი ჩვენია... შემდეგ ლაზებში გადახვალთ, მეთევზეებთან... აბა თქვენ იცით!

მემედმა სიტყვის ამოღებაც ვერ მოასწრო, რომ მეციხოვნეები შემოიძურწნენ.

— ახალ ნარებს მალე მიიღებთ, — ხმამაღლა წარმოთქვა ოფიცერმა და გავიდა.

საკანის კარი მძიმედ მიიხურა და ჩაიკეტა. როცა ფეხის ხმები მიწ-
ყდა, პატიმრები მემედს შემოეხვივნენ.

— ვინ იყო? — იკითხა ჯემალმა.

— ნუ თუ ვერ იცანით?! ალი ჯაფარიძე, ჩვენებურია, ამათთან მსა-
ხურობს.

— არ გამიკვირდა! — აღმოხდა ხასან ლორთქიფანიძეს.

— ამაზეა ნათქვამი — ძმა ძმისთვისო, — ჩაილაპარაკა მოხუცმა
დაუთ-ეფენდიმ.

მემედს სახე მოექუფრა, დუმდა, ახალი საფიქრალი აწამებდა. ციხ-
იდან მისი გაქცევის საქმის მოგვარებამ უფრო ააფორიაქა. მემედს არას-
ოდეს უფიქრია მარტოოდენ თავის თავზე. თავისთვის ეშველა და სხვები
განსაცდელში მიეტოვებინა...

თავკაცის აწეწილ ფიქრებს სხვებიც გრძნობდნენ და ხმას არ იღებ-
დნენ.

დაუთ-ეფენდის ქარვის კრიალოსანი ნელ-ნელა მარცვლავდა დროს.
როცა საღამოს ნარებიც მოიტანეს, ერთ-ერთ მათგანში საგულდაგულოდ
დამალული თოკი აღმოჩნდა.

— დაყოვნება არ შეიძლება, მემედ! — წამოიწყო ბოლოს მოხუცმა
და ნარზე მოირთხა.

მემედს არაფერი უთქვამს. მხოლოდ წარბებს ქვემოდან გამოიხედა.
მისი მზერა დიდ შინაგან აფორიაქებას ამხელდა.

— ასეთი შემთხვევის ხელიდან გამგება არ ივარგებს, — ურჩია
ხასანმაც.

— ყველაზე მეტი საფრთხე თქვენ გემუქრებათ, მემედ-ეფენდი! —
შეწუხდა ჯემალი, — ჩვენ ისეთი რა უნდა გვიყონ.

მემედი კვლავ უხერხულად დუმდა. ახლა ყოველგვარი სიტყვა უქ-
ლური ეჩვენებოდა, თუმცა კარგად იცოდა სიკვდილი ელოდა... ამხანაგე-
ბმაც იცოდნენ, ალი ჯაფარიძემაც ამიტომ გარისკა. სწორედ ესაა ახლა
რომ აფორიაქებს და აიძულებს გაქცევას დამორჩილდეს. დარწმუნებუ-
ლია, არაფერ აპატიებს მემედს იმ გაბედულ საქციელს, რომელმაც მთელი
ქვეყანა ალაპარაკა. სიტყვები, რომლებიც დამპყრობლების მთავარსარ-
დალს უთხრა მემედმა, ყველას თვალში საცნაურს ხდის მთელი აჭარლო-
ბის აზრსა და ფიქრს:

— აჭარა იგივე საქართველოა, თქვენ აქ სტუმრები ხართ, ჩვენ კი მა-
სპინძლები. ამიტომ მოგესალმებით, როგორც სტუმრებს და იმედი გვაქვს
მოკლე დროში ბათუმსა და მის ოლქს დატოვებთ, გარდა ამისა, მოსახლე-
ობის სახელით გთხოვთ სისხლის ღვრა შესწყვიტოთ!

სარდალს ზაფრანისფერი დაედო სახეზე. იქნებ ჯობდა არაფერი ეთ-
ქვა მაშინ ასეთ ვითარებაში. ეს ხომ სიმხდალე იქნებოდა, არსებული ის-

ტორიული უკუღმართობისათვის დასტურის მიცემა, არა, ამას ვიღებოდა მისი მამულიშვილური სინდისი!

მაშინ, საჯაროდ ვერაფერი გაუბედეს მემედს, მაგრამ მალე იპოვეს „მიზეზი“ და მის თანამოაზრეებთან ერთად ტრაპიზონის ციხეში ამოაყოფინეს თავი. ალბათ მთელი საქართველოს საზოგადოებრიობა შეშფოთებულია...

არა, გაქცევა აუცილებელია, მაგრამ რა პირით მიატოვოს განსაცდელში მყოფი ღვიძლი ძმები?!

ათი წლის წინათაც იჯდა ამ ციხეში ზია, რიზა და ფეიხულ აბაშიძეებთან ერთად. მაშინ მეფის მოხელეების დევნას გამოექცნენ, მაგრამ საზღვარზე გადმოსვლისთანავე დაატუსაღეს. ჯერ ზოფისა და ათინას ციხის კედლები ახეხინეს, შემდეგ — ტრაპეზუნდისა, ათათურქის მიერ მოწყობილმა გადატრიალებამ იხსნა.

ციხიდან გამოსულები უნდობლობასა და შევიწროვებას მაინც ვერ გაექცნენ, როცა შვილები ავად გაუხდა, მემედს წამლის ფულიც არ აღმოაჩნდა. ორი ვაჟიშვილი აქაურ მიწას მიაბარა. ალბათ იბრაჰიმც დაედუბებოდა მშობლიურ მხარეს რომ არ დაბრუნებოდა. არც იქ დაუფენიათ ია-ვარდი. მეფის ხელისუფლებამ მაშინვე დააბატონა, ჯერ ნოვოჩერკასკში გადასახლეს, შემდეგ ენისეის გუბერნიაში. ისევ ქართველმა თანამოძმეებმა იხსნეს და თბილისში დააბრუნეს. თებერვლის რევოლუციამ იმედი არ გაუმართლა.

ცხადია, აპჯერად ვეღარ გადაურჩება, თუ არ გაიქცა. სხვა გზა არ არის...

მამლებმა მეორედ იყვილეს, მაგრამ საკანში თვალი არავის მოუხუჭავს. ამხანაგების დაჟინებულმა მოთხოვნამ გასჭრა. სათითაოდ გულში ჩაიკრა მეგობრები და საოცრად აღელვებულმა ჩაბნელებული საკნის სარკმელს ხელი მოუფათურა... ძლივს გაატია გოლიათური ტანი და თოკს მაგრად ჩაეკიდა. პირველ სართულს რომ გაუსწორდა, თოკიც გათავდა. მკლავებს ძალა აღარ შესწევდათ შეემარებინათ დამძიმებული სხეული. დაფლეთილი ხელისგულები და წვავები ედაგებოდა. მიიხედ-მოიხედა, უკანასკნელი ღონე მოიკრიბა და თოკს ხელი უშვა, სიმაღლე ნავარაუდევზე მეტი აღმოჩნდა. მიწაზე ზღართანია მოადინა.

„მორჩა. გუშაგმა ვაიგო და ეგაა“, — გაუელვა თავში და გაიტრუნა, ილიაში რაღაც საშინელმა ტკივილმა დაუარა. — „ალბათ ვიღრძე“. უსიამო მოლოდინში გავიდა წუთი, მაგრამ არაფერი გაფაჩუნებულა. მძიმედ წამოიმართა, გასწორდა და კედელს გაეკრა. თვალი სიბნელეს შეჩვევოდა. ღრმა თხრილი შენიშნა, ციხის კედელს შიგნიდან რომ გასდევდნენ თხრილის თავზე ქვიტკირის მაღალი კედელი აღმართულიყო.

(სიბნელე თვალთ გაზომა, ცოტათი უკან დაიხია და თხრილის ზემოთ გაქანდა. ძველი მონადირის ნახტომი მარჯვე გამოდგა. მიდამო დაზვერა,



„დავიღუპე, ვერ ავცოცდები“—უცებ იქვე, ათიოდე ნაბიჯზე კედლის ბურჯთან მიყუდებული კასრი შენიშნა. ისევ ხოხვით წავიდა... კასრს ხელი შეავლო. კედელს ერთხელ კიდევ ახედა და ყველაფერს მიხვდა. რკინის სამაგრებს შორის გაჭიმული ეკლიანი მავთულის პირველი ორი მწკრივი გაგლეჯილი იყო, შიგ ადამიანი თავისუფლად გაეტეოდა. „ყველაფერი კარგადაა მოფიქრებული.. ეს ცარიელი კასრიც, ალბათ, საგანგებოდ აღმოჩნდა აქ“...

მემედი ბურჯს აყვა, კასრზე აფორთხდა და კედელს შეახტა. მარცხენა ფეხი მარჯვედ გაპყო გაგლეჯილ მავთულებს შორის, თავს კიდევ ერთხელ ძალა დაატანა, სხეული მეორე მხარეზე გადაიტანა და ძირს ჩახტა.

ვიწრო, მიხვეულ-მოხვეულ ქუჩას შეუყვია. ორივე მხარეზე პატარა აივნისანი სახლები ერთმანეთს მიკვროდნენ.

„რამდენიმე ასეთი ქუჩა და მერე ეშმაკიც ვერ მიბოვის“. ქალაქს კარგად იცნობდა. მთელი უბანი ისე გაიარა, სულდგმულს არ გადაყრია. ჩქარობდა, რომ გათენებამდე აქაურობას გაცლოდა, შემდეგ გზა-კვალს უფრო ადვილად გაიგნებდა. მთავარი იყო რამდენიმე დღით შეეფარებინა თავი სადმე და შემდეგ არქაბელი მეთევზეები თუნდაც ქვეყნის კიდემდე გაიყვანდნენ.

* * *

ბიჭმა გრძელი ჯოხი მოაფათურა. ბალახებში რაღაც შეინძრა. მის მკლავზე დასკუპულმა მიმინომ ყვითელი თვალები დააბრიალა და გამოენტო. მწყერმა ფრთის გაშლაც ვერ მოასწრო, რომ მიმინოს კლანჭებში აფართხალდა. კმაყოფილმა მტაცებელმა თავისი მსხვერპლით ადგილზე შეინავარდა და პატრონის მოლოდინში მიწაზე დაეშვა.

ბიჭი ყიყინით მოწყდა ადგილს, მოხარშული კვერცხი ჰაერში აისროლა. მიმინო მოუთმენლად შეფართხალდა.

ბიჭმა კვერცხის მოზრდილი ნაჭერი მოუტეხა, ბრჭყალებიდან გამოტყავებულ ცოცხალ-მკვდარ მწყერს თავი წააწყვიტა და გადაკიდებულ ჩანთაში ჩააგდო. მერე მიმინოს დაუწრუპუნა და მკლავზე ჩამოსკუპა.

ზვინში ჩაწოლილი მემედი სწორედ ამ ბიჭის ყიყინმა გააღვიძა. რადრო გასულა, ზვინებიდან გადმოფენილი ჩრდილები დაგრძელებულან.

მთელ ტანს თითქოს ცეცხლი შეგზნებია, შემუშუპებული ხელისგულები უხურს. ხელებზე შემობლანდული პერანგის ნახევი სისხლით გაჟღენთილა, წყურვილი კლავს, ყურები უწივის, განძრევის ღონე აღარა აქვს. თავს ძალა დაატანა. როცა დარწმუნდა მონადირე ბიჭის მეტი ახლო არავინ იყო, ზვინი გადასწია.

ბიჭის გამახვილებულ სმენას ეს არ გამოპარვია, ზვინიდან გამოსულ უცნობს გაოცებით მიაჩერდა.

— ყმაწვილო, წყალი გექნება, — ძლივს უთხრა.

ბიჭმა მკვირცხლად გადაიგდო კისრიდან მათარის თასმა და უცნობ-
თან გაჩნდა.

მემედმა მათარა სულმოუთქმელად გამოსცალა.

— ღმერთმა გიშველოს! — აქაური ხარ?

ბიჭმა თავი დაუქნია.

— რა გქვია?

— მემედი.

— მაშ, სეხნიები ვყოფილვართ, — გაუცინა ბიჭს, დაბუყებული ფეხებით რამდენიმე ნაბიჯის გადადგმაც მოინდომა, მაგრამ ვერ შესძლო.

ბიჭმა მიმინო ზვინზე შესვა და მიშველება მოიწადინა. მემედმა დაასწრო, დამძიმებული მკლავი მხარზე დაადო და ზვინის ჩატკეპნილ კიდეზე ჩამოჯდა.

— დიდი ხანია მოხვედი?

— კარგა ხანია ვნადირობ... აი, ნანადირევიც, — თქვა ბიჭმა და საესე ჩანთას გარედან ხელი მიუტყაპუნა.

— ყოჩაღ! — კარგი მონადირე ჩანხარ. — გახალისდა მემედი.

— მიმინო ვისია?

— ვისი უნდა იყოს, — იწყინა ბიჭმა.

— კარგი ჯიშისაა... შენც კარგი ბიჭი ჩანხარ... ახლა ეს მითხარი, მამაშენი რა საქმის კაცია?

— ბაბა არ მყავს, ომში მოკლეს.

— დიდი ხანია?

— მე არც კი მახსოვს... არზრუმთან მოუკლავთ ვიაურებს.

— ვინ გზრდის აბა?

— ვინ უნდა მზრდიდეს... ნანა... ნანა და პაპული.

— კიდეუ ოჯახში ვინ გყავს? — არ ერიდებოდა კითხვებს მემედი, რაკი ბიჭი ლაპარაკში აპყვა.

— ჯუმა და დიდი ნანა.

— ძმა შენზე უმცროსია?

— უმცროსი? — ბიჭმა დამცინავად გაიღიმა, — ჩემი ჯუმა პირველი მონადირე და მეთევზეა.

— ძალიან კარგი, — დაუყვავა მემედმა და შემდეგ ვითომდა სხვათაშორის ჰკითხა: — დღეს სოფელში პოლიციელები ხომ არ ამოსულან?

— იყვნენ დილით, ვილაც კაცი ციხიდან გამოქცევიათ და იმას დაეძებდნენ — უთხრა ბიჭმა და გამომცდელად თვალი თვალში გაუყარა.

— ციხიდანო? — ცოტა არ იყოს დაიბნა მემედი. კარგად ვერ მიმხვდარიყო რას ნიშნავდა ბიჭის ასეთი გამოხედვა.

— მერე?

— რას ნახავდნენ, — ბიჭის თვალები ახლა სხვაგვარად აენათ.
თქვენ ხომ არ გეძებდნენ?

— თუნდაც მე, მერე რა? — ახლა მემედმა გაუყარა თვალი თვალში.

— არც არაფერი, — ხმაში აშკარა წყენა დაეტყო ბიჭს. — ხომ არ გგონიათ, გაცემთ, ჩვენს ჯილაგში ლალატი არ მოდის..

— აფერუმ! შენ მართლა ვაჟკაცი ყოფილხარ... — აღელვებით უთხრა მემედმა და ბიჭი გულზე მიიხუტა.

მზის მოყვითალო შუქი დაჰფენოდა ტყის კორომებით მოხუჭუჭყებულ სერებს, თხილნარით შემოქობილი ფერდობიდან, სადაც მემედის ვადამარჩენი ზვინი იდგა, ხელისგულივით გადაშლილიყო ასეთივე ზვინებით მოფენილი დამრეცი. მას მთელ სიგრძეზე საურმე გზა სერავდა. იგი წყდებოდა ყველაზე მაღალი სერის ძირში. აქედან უკვე საცალფეხო ბილიკი მიდიოდა დანგრეულ ვალავნის შუაგულში აღმართული გუმბათოვანი საყდრისაკენ. სერის ნახევრადგაშლვლებულ ფერდობზე ბალახებს შორის ეყარა ხავსმოკიდებული დიდრონი თლილი ქვები — ეკლესიის ნაპერანგალი. იქვე ძველისძველი ცაცხვების ზემოთ თავი ამოეყო მკერდშენგრეულ სამრეკლოს.

— აქ რა არის? — ხელი გაიშვირა მემედმა ნანგრევებისაკენ.

— ეს ჩვენი ძველი ოხვამეა.

— საიდან იცი?

— როგორ თუ საიდან! აქ ხშირად ამოდიან ქალები — ავადმყოფის მორჩენას, შვილების სიკეთეს ეხვეწებიან. პაპული ამბობს, ამ ოხვამეში ლოცულობდნენ, უფრო ზევით კლდისძირში მეორე ოხვამეა. ამბობენ იმის კედლებზე ღვთისმობელი მერიემი და თამარ მეფე ხატიაო... წინათ ჩვენ თურმე ქრისტიანები ვყოფილვართ, ისიც მსმენია ქართველები ჩვენი ძმები ყოფილანო.

— თურქი ხარ თუ ლაზი?

— ლაზი ვარ! — ხმა გაუფიცხდა ბიჭს.

— მაშ, ქართველი შენი რა იქნება?

— ქართველი? — დაიბნა მემედი, — ქართველი ხომ გიაურია!

— მაგრამ ქართველებშიც არიან ისეთები, რომელთაც ალაჰი სწამთ, აი, მაგალითად მე, ჰოდა ჩემსავით გიაური ომში რომ შეგხვდეს ესვრი?

— მაშ! — უყოყმანოდ მიუგო ბიჭმა.

— იმ გიაურმა შორიდან ლაზურად რომ დაგიყვიროს, — არ მესროლო, ძმა ვარ შენით, მაშინ?

— ლაზი გიაური როგორ იქნება! ლაზი ლაზია.

— კარგად მომისმინე, მემედ! — ჩააცივდა მემედი ბიჭს, — აი, მე აჭარელი ვარ, შენ კიდევ ლაზი. ორივენი კი ქართველები, რომელსაც სხვა ღმერთი სწამთ. ამიტომ ეძახი შენ მათ გიაურებს. ჩვენ ერთმანეთს ტყვია არ უნდა ვესროლოთ!

ბიჭმა ხშირი წამწამები ააფაფხულა და დადუმდა. მემედი ფიქრებს მიეცა. როგორ გინდა გააგებინო, ეროვნებაც გეყოფს და ღმერთიც. ეტყობა ყველა ღმერთი როდი სტყუის, თორემ ქართველები და თურქები ასე უსაშველოდ რად გადაეკიდებოდნენ ერთმანეთს. განა ასეზის არ აჯობებდა ისევ კეთილმეზობლობა და ურთიერთგაგება ყოფილიყო?! უკვე კარგად ჩამოლამდა.

— აბა, წავიდეთ! — მიუბრუნდა ბიჭს მემედი.

— სად?

— შენს პაპულისთან.

...მოხუცმა ბექირმა მემედი უყოყმანოდ შეიკვდლა.

ბექირი ბათუმსა და ფოთში მრავალგზის ნამყოფი აღმოჩნდა. მისი ნავი რიონისა და ჭოროხის ზვირთებითაც განზანილა. ხელმადლიან მეთევზეს, ღურგალსა და ქვისხუროს — ყველგან თავისი მკლავის ნაღვაწი დაუტოვებია და ძმა და მეგობარი გაუჩენია.

როცა სტუმრის ვინაობა გაიგო, ცას ეწია სიხარულით. თქვენი გვარის ხალხს აჭარაში კი არა, ლაზისტანშიც დიდ პატივს სცემენო. ნამეტურ მას შემდეგ, რაც პაიდარ-ეფენდიმ დამშეულ ლაზებს ორი წლის წინათ სამშობლოდან რამდენიმე ნავით ჩვენი მარჩენალი ლაზუტი მოგვაშველა.

მემედს ლაზური სახლის ყველაზე საპატიო სამყოფი — ოჯახის უფროსისათვის განკუთვნილი „პაპულიში ოდა“ მიუჩინა. უცხო თვალთაგან უფრო დაფარულიც იქნებოდა აქ, რადგან ბექირის ოთახში მის დაუკითხავად ვერავინ შეიხედავდა. ამ ოთახში რომ მოხვედრილიყო გრძელი აივანი, გვერდითი და სასტუმრო ოთახები უნდა გაეკლო. სამაგიეროდ, ადამიანს რომ დაჭირვებოდა ჩამოსაშვები კიბით უკანა კარებიდან ისე გავიდოდა, მის ფეხის ხმასაც ვერ გაიგონებდით.

ბექირის მეუღლე — დიდი ნანა ჩინებული მკურნალი გამოდგა. ბალახებისაგან ისეთი მალამო შეამზადა, რომ იარები ორ დღეში დაუამდა.

ბიჭის დედას მხოლოდ ერთხელ მოჰკრა თვალი პაპასქირების ოჯახში, მაგრამ მის კარგ ქალობას უმადლოდა ზრუნვასა და პატივისცემას. მემედის საწოლის წინ, ლაზური ჩუქურთმებით დამშვენებულ ხის მრგვალ მაგიდაზე, მუდამ ელაგა კეცზე გამომცხვარი ჭადი, ნიგვზიანი მწვანე ლობიო, ერბოში მცურავი ფლავი, ხილი...

ბიჭი კი სახლიდან რისთვის გადაიკარგა მემედი კარგად ზედებოდა, იგი სოფლის მისადგომებთან სტუმრის სიმშვიდისა და ხელშეუხებლობის დარაჯად იდგა.

ბიჭს ბაბუამ სტუმრის ოთახში შესვლა აუკრძალა, მაგრამ მალხაზი ბიჭი თავის ყურადღებას არ აკლებდა — ხან ნანადირევს შეუგზავნიდა. ხანაც ყასიდად თოფს გაისვრიდა ან სიმღერას ჩაარაკრავებდა, განსაკუთრებით ერთი სიმღერა ჰქონდა ამოჩემებული:



— ფელუკა იალქენინი,
გენთი, მენდა მიუონი..

ამ სიტყვებს თარგმნა არ სჭირდება, სხვა რაზე უნდა ემღერა ლაზს. თუ არა იალქანგაშლილ ნაგზე, რომელიც სადღაც მიისწრაფვის, რომელსაც ვიღაც დიდი ხნის მტანჯავი მოლოდინით, იმედითა და სასოებით ელოდება...

ნავო, იალქნიანო...
ნავო, იალქნიანო...

თითქოს ამ სიმღერის იღუმალი ჰანგის ფარული იმედითა და დარდით სუნთქავდა ირგვლივ ყველაფერი. როცა სოფელს ღრმა ძილით ძინავდა და ბრჭყვიალა ცა ქვეყანას იისფერი შუქით ავსებდა, ბალიშზე თვალმილულულ ვაჟკაცს იალქნიანი ნავი ელანდებოდა. უპირქუბო სივრცის წინაშე, ბობოქარი ზღვის აკვანში ეულად მოქანავე პატარა ნავს თითქოს ვიღაც უხმობდა ნაპირისაკენ, რომელიც ჯერ კიდევ არ ჩანდა.

ამ სიმღერის, ამ ხმების, ამ მოლანდებების გავრძელება იყო ისიც, რასაც ღამ-ღამობით ბეჭირისაგან ისმენდა. მის ბებერ სხეულში თითქოს ლაზური სულის მოუთოკავი სწრაფვა ჩაკირულიყო, ელადის ნაპირებთან დანთქმული ხომალდების საიდუმლოებით.

ამბები იწყებოდა შორიდან, ძალიან შორიდან...

— ოდეს რომის კეისარმა ლაზთა ტომის დამორჩილება მოიწადინა...

— რუსთაველი ტრამტიდან ათინას რომ მიბრძანდებოდა...

— მაშინ კახაბერმა მიწაში ჩაასო რკინის პალო და თქვა...

— იმდროინდელი ამბავია, როცა ჩვენი წინაპრები...

— ფაიყ-ეფენდიმ ლაზებს რომ ანბანი შეგვიდგინა...

იქ სადაც ჩნდებოდა სიცარიელე, შველოდა არაკი.

ადგილის გრძნობამ, ბუდის გამძაფრებულმა გრძნობამ თუ შექმნა ეს საოცარი შეგონება.

თავგს უთხრეს: შენი სოროდან გამოდი, მეორეში შედი და ერთ გულს ყველს მოგცემთო.

თავგმა იფიქრა: აქ გამოვიდე, იქ შევიდე ეს ძალიან პატარა ადგილია და ამაში გულს ყველს რაზე მაძლევენო. იფიქრა, იფიქრა, და ბოლოს გადაწყვიტა სოროდან არ გამოსულიყო.

— კიდევ ბრძანეთ, ბეჭირ-ეფენდი!

— შაითანმა ვისაც არ ეჩხუბა, ყველას აჯობა. ლაზმა უთხრა: მოდი ერთი, ჩემთან იჩხუბე, დამარცხებულმა ქალამანი უკუღმა ჩაიცვასო.

შეითანი დათანხმდა და უთხრა: წადი ჯოხები მოიტანეო. ლაზი წავიდა და გრძელი და მოკლე ჯოხი მოიტანა.

შეითანი ბედელში იყო. ერთი ჯოხი მე მომეცი, მოდი და აქ ვიჩხუბოთო, უთხრა ლაზს.

ლაზმა გრძელი ჯოხი მას მისცა. დაიწყეს ჩხუბი. შეითანი ვიღო
გრძელ ჯოხს ერთხელ მოატრიალებდა, მან მოკლე ჯოხი რამდენჯერ
დააჭრა.

ლაზმა ჭკუით აჯობა შეითანს — ქალამანი უკუღმა ჩააცვა.

შეითანმა აღიარა: — ჩემი თავი შეითანი მეგონაო, მაგრამ ლაზმა
შეითანზე უფრო შეითანი ყოფილაო.

— ხომ არ დაგღალეთ სტუმარო!

— რას ბრძანებთ! — მემედი სიყვარულით მიჩერდა ბერიკაცს, რო-
მელმაც იცის მიწის გულისა და ზღვის სივრცეების ყველა საიდუმლო.

განთიადისას გაშლილ ზღვაში ლაზი მეთევზეები გავიდნენ და ნაპი-
რიდან შორს, დილის მზეზე, ბადეები გაშალეს.

თეთრად ფარფატებდნენ გაშლილი იალქნები!

ერთი ნავი მწკრივს გამოეყო, შემდეგ წავიდა და წავიდა ისარივით...

და როცა ჰორიზონტს აფრა მიფარდა ნაპირზე წკრიალა ხმით ვიღაც
ამღერდა:

— ნავო, იალქნიანო...



დროთა ყოველთა..

დროთა ყოველთა ეტალონები
 ცერზე დგებოდნენ, მაღლა იწევდნენ,
 სიზმარულში ეტოლებოდნენ
 ადამიანურ გენიის მწვერვალს.
 ეტოლებოდნენ,
 მკერდზე ისრესდნენ
 დარდს უმადლესი ამაოების
 და კითხულობდნენ მერე ისევე, —
 რაა სიმაღლე უჭეშმარიტეს.
 — სიმაღლე არის ცეცხლის და კაცის
 და მერე მაღალ აზრის გაჩენა
 მერე გასროლა ისეთი მკაცრი,
 ვიდრე ვულკანთა და მეხთა დავა.
 იყო ასეთი ცეცხლი და კაცი,
 იყო ასეთი გასროლა მკაცრი —
 აზრი, ლენინი და ოქტომბერი
 და საოცარი რევოლუცია,
 რომელიც რისხვად დაედო ჭაჭვებს
 და აზრთა საკანს ჩამოხსნა კარი,
 რომელმაც მზეზე გამოიყვანა
 ყველა მწირი და მიუსაფარი.

* * *

იქნებ გამომრჩა რამე მთავარი,
 ან თვით მჭირდება მეხთა ამრიდი.
 ვაჰ, თუ შენა ხარ ქალი ყამარი
 და მითხრა ერთი სიმართლე დიდი.
 მითხრა: იქა ვცემ ბედის სატევარს,

სადაც ლოდია,
სადაც სალტეა
თუ აქილევსის ტერფიც ეს არი
ძვირფასო ყამარ!
იქნებ ყოველი არის ამაო,
რაც უდავიათ წვიმას და ყავარს...
იქნებ იქა ვცემ ბედის სატევარს,
სადაც აღრეა,
ძვირფასო ყამარ!
მითხარ, შუადღე მოატანს მალე,
დაუბერავენ ქარები ზენა.
მითხარ, გვიანი იქნება ხვალე
და დამშლის იგი, ვინც ამაშენა.

ფ ა რ დ ე ბ ი

აღებდნენ სეიფს ციებ-ცხელებით
თუ გულის კარებს უნაზეს ქალთა,
მუდამ და მუდამ თრთოდნენ ხელები
წინაშე ხილვის და გატაცების!
თრთოდნენ ხელები! —
ეს გასაღების
ძალა ჩუმი და საოცარი.
ასე გავხსენი ზეცის თაღები
შეცნობის ღმერთის დიდი ძახილით,
ახლაც მეძახის, ვით ჩაკეტილი
იდუმალეების ალფა, ომეგა
თუ როდის არის კაცი კეთილი,
როცა სავსეა, თუ როცა შია, —
როცა ასი აქვს ერთის მაგიერ,
როცა ერთი აქვს და უნდა ასი...
რას უწოდებენ ძალას მაგიურს:
სიყვარულს, სიკვდილს თუ დაბადებას?!
...მაგრამ მე ახლა უმალღეს ნებით,
ავანთებ დიდი სიციხადის კანდელს
და ულამაზეს აღმოჩენებით
იდუმალეების გადავწევ ფარდებს!

ხელები გეძებენ,

თვალები გელიან...

სული აქროლადი გეძებს და გელის
და ზეცას მოჟონავს ცისფერი მირონი.
ღუმელის ფერიამ ჩამკიდა ხელი
და შემომატარა ზღვის სანაპირო.
ირხევა აფრა და ბარბაცებს ზღვა
და მე დავდივარ, როგორც შენდობა.
მედეა, რატომ არა გგავს სხვა,
რა ვუყო შე შენს ერთადერთობას.
რა ვუყო უშენოდ ტევრებს და ლელიანს,
რომ სიზმარეულად ადგას საფირონი.
ხელები გეძებენ, თვალები გელიან...
და ზეცას მოჟონავს ცისფერი მირონი.
ტალღებზე წამოდექ ძვირფასო ფერიად,
დაუწერელია ის, რითაც მშორავდი.
თვალები, თვალები, თვალები გელიან
და სული იღევა, სული აქროლადი.
გელიან, მიმოზის ღუმელი მენდობა
და სევდა წეროთა და ჩემი ზღვა.
რა ვუყო, ძვირფასო, შენს ერთადერთობას
ან რატომ არა გგავს არავინ სხვა.



ბედნიერი სახლები

ოჰ, ბედნიერი თეთრი სახლები,
რომელთაც ქარნი აღარ არხევენ.
სადაც წკრიალით იმსხვრევა ბროლი,
ჰაერში აღის ცისფერი ბოლი.
სახლები, სადაც მხიარულ კაცებს
გაშლილი მხრებით შემოაქვთ თოვლი,
სადაც წკრიალი გაუღიბ ანცებს,
და დიდ ხმაურში თრთიან იები...
მე ჩავაარეთ და ისე აგცდით,
თქვენ ვერ იგრძენით ჩემი ძიების.
ყველა სიზმარი ხომ ვერ ახდება,
ზოგი ხომ უნდა დარჩეს ღრუბლებად?
ოჰ, ბედნიერი დიდი სახლები,
სადაც ზღვის გრილი სუნთქვა უბერავს.
ოჰ, ბედნიერი.

მარიკა მიქელაქის გახსენება

მარიკა, წვიმს და
ისევე, ისევე
სიცხიან სარეცელზე გიხსენებ.
აღბათ სიცოცხლეს ასე ამთავრებენ,
ასე ეთხოვებიან ჩაწყვეტილ სიმთა.
და შენ ატირდი ისეთი თვალებით,
რომელიც ერთ ქალად ღირდა,

მე ჩემი ბედნიერი სხეულის მრცხვენოდა,
ჩემი ჯანმრთელი სულის,
და როგორც ზღაპარში ცეროდენამ
ახდენა აღვუთქვი
შენს ყველა სურვილს,
ოღონდ ჯერ ვილაცამ იეზი მომყიდა, —
დიდი, უცნაური, ნესტიანი...
ხელებზე დამეყრდენ სიცხიან ლოყითა
და ჩემს სიზმრებში იტრიალე.
და გათენებამდე რეკავდა ტელეფონი
თითქოს სასიცოცხლოდ, სამუდაროდ,
ჩალისფერ თმებზე მოგეფერე
დაგტოვე სამუდამოდ, სამუდამოდ...
მარია, წვიმს, ისევე, ისევე...
რატომღაც წვიმისას გიხსენებ.



ჩემი ლექსი

ჩვენი სოფელი მწვანე მთაგორებზეა გაშენებული და მეზობლები შორიშორ სახლობენ. დარისპანი ჩვენი ახლო მეზობელია. იგი გარეგნულად საშუალო ტანის, ჭროლა თვალებიანი, სამოცდაათ წელს მიღწეული ბერიკაცია. დარისპანი ჩვენს სოფელში თავკაცად ითვლება. ორი მსოფლიო ომის მომსწრეა და როცა მოხსნის თავს გუდას, რაც უნდა ცუდ ხასიათზე იყო გულს გადავიწმენდს, სამი ჩემი ხნის კაცი, ჭიქაზე ჭიქას თანატოლივით მოგიჭახუნებს.

ქვრივია დარისპანი... სამი წლის უკან მოუკვდა ცოლი — ენატკილი მარინე. არ მავიწყდება გაზაფხულის ის კრიალა დილა... აღმოსავლეთის სულტბა ქარმა ნისლი შეატორტმანა და მოულოდნელად ცივი კვილი გაისმა, ზარიანი კვილი... ჩვენში შეცხადებას რომ უძახიან. კიოდა მაცაცა — დარისპანის ქალიშვილი. ქალის კვილს მამაკაცური ბოხი ქვითინიც დაემატა და გავიგეთ დარისპანს მეუღლე გარდაეცვალა.


სოფელი მოაწყდა... მაცაცა ქალებმა დედის ჯერ კიდევ თბილ მკერდს ძლივს მოაცილეს... ყველანი ქვითინებდნენ. ცრემლები მომერია და აივანზე გავედი. იმ დღეს პირველად შევნიშნე, რომ მაცაცა შესამჩნევად დაქალებულიყო და დამშვენებულიყო...

მე და მაცაცა ბავშვობისას ჭალაში ერთად დავრბოდით, შარა-შარა ერთად ვთამაშობდით ჩვარის ბურთს. დარისპანი სშირად ჯოხით გამოგვენთებოდა ხოლმე.

მშობლებს მაცაცაზე ამოსდიოდათ მზე და მთვარე. ბავშვობიდანვე ანგბიგრებდნენ ერთადერთ ქალიშვილს. მათმა გადაჭარბებულმა აღერსმა დიდგულა და უკარება გახადა გოგო.

ერთ დღეს საფქვავე მიმქონდა წისქვილში. შემოდგომაზე ჩვენში სშირად იცის კოკისპირული წვიმა... მამინ ყვითელი მიწა ცომივით იგლისება და ზაფრანის ფერად ლებავს ყველაფერს.

10.835



ჩვენი ღელე წვიმისაგან ადიდებულიყო. საცალფეხო ხიდზე ძლივს გავედი. ის იყო მეწისქვილეს საფეკვაი ჩავაბარე და უკან გამოვბრუნდი, რომ ხიდზე მაცაცა შევნიშნე, ეტყობოდა წისქვილში მოდიოდა.

ღელეს წისქვილის სათავე გაერღვია და დაგუბებული წყალი ერთიანად მოხეთქილიყო. — მიშველეთ, მომეხმარეთ! — უცებ მომესმა მაცაცას ყვირილი და ნაგუბარი წყლის დაჯახება ერთი იქნა. ხიდი შეტორტმანდა და წყალს გაჰყვა. რადგან ერთი თავი ხმელ აკაციაზე ბაგირით იყო მიმაგრებული, შუა მდინარეში გაჩერდა. ხიდზე გადაძვარი მაცაცა საფეკვავს ხელს არ უშვებდა და ხმამაღლა კიოდა: — მიშველეთ! მიშველეთ!

მე ელვის სისწრაფით მდინარეში გადავეშვი... როცა ხიდზე ავცოცდი, ხიდი გასხლტა და მაცაცა ხელში შემრჩა. შიშისაგან დაბნეულმა ხელეზი ყელზე შემომაჭლო და მომეკრა... ხიდი ზვირთებმა შთანთქეს...

— არ შეგეშინდეს ბიჭო! წყალს დაჰყევი და ისე გაცურე გაღმა! — მომესმა მეწისქვილის ხმა.

როცა ნაპირზე გავიყვანე წიწილივით გალუმპულ მაცაცას, ჩითის კაბა ტანზე შემოტმასნოდა, წაბლისფერი ნაწნავები გაწეწოდა და ცახცახებდა...

მაცაცას ერთი სიტყვაც ვერ ვუთხარი, ისე მივაცილე სახლამდე. ჭიმკარში შესვლისას ეშმაკურად შემომხედა და სახლისაკენ გაიქცა...

მარინე ბიცოლა ხშირად მეტყოდა: — ჩემი მაცაცუნას გადარჩენისათვის ბუნებამ გაგახაროსო და ეზოსთან ჩავლისას ხმელ თხილს ჯიბეში ჩამიყრიდა.

მარინე ბიცოლას სიკვდილის შემდეგ მალე ჯარში გამიწვიეს. დიდი ხანი არ არის რაც დავბრუნდი და კოლმეურნეობაში დავიწყე მუშაობა. საგულდაგულოდ გავლესე თოხი და სიმინდის დიდი საყანე მოვიზომე დარისპანის ყანის მეზობლად.

ერთხელ დარისპანმა მთხოვა: — ჯანდონით სავსე ბიჭი ხარ, მაღლიანი ხელი გაქვს და სიმინდის სათოხარში მომეხმარეო.

უარს როგორ ვეტყოდი! სადამოს დარისპანმა სუფრა ყანაში გაშალა. მაცაცა ისევ გამიბრბოდა...

მე და დარისპანი „ადესის“ ღვინით გვარიანად შევჭიკჭიკდით.

— მშვიდობა იყოს და ცივი მჭადიც რომ გვქონდეს, ისიც გვეყოფა... მშვიდობაა მთავარი... — დაილოცა დარისპანმა.

— მშვიდობას გაუმარჯოს!.. — ხმამაღლა დაუღდასტურე, გულში კი ვამბობ, — ჩემს მაცაცას გაუმარჯოს-მეთქი.

დოქი გამოვცალეთ...

თბილი ღამე იყო, ღია ცისქვეშაც შეიძლებოდა ღამის გათევა. დარისპანმა ცის უბეში პაწაწკინტელა ღრუბელი შეამჩნია და დამიჩემა: — აუცილებლად წამოთქორავს, ნალიაში დავიძინოთო.

სუსტი ნიავი აწრიალებდა ახალ გათოხნილ სიმინდს, ყანაში ნათესარი მიწის სუნი იდგა. ცვარი მარგალიტით ციმციმებდა ლორთქო მუშაობით რომ ვიჯერე გული, შევისვენე და თოხის ტარს მაგრად დავყარდენი, მერე რატომღაც იქვე გადაჭრილ კუნძს მძლავრად შემოვკარი და ხელში სიმსუბუქე ვივრძენი. ახალი რცხილის ტარი ფიჩხივით გადატყდა. შევვები, სად ვიშოვიდი თოხის ტარს ამ გაფხეკილ ჭალაში.

— რამ ჩაგაფიქრა, ბიჭო, ქვეყანა ხომ არ დაქეულა?! მიირბინე სახლში, გათლილი სატარეების მეტი რა მაქვს! — მითხრა დარისპანმა.

მეც ეს მინდოდა...

ქლოშინით მივადექი დარისპანის ჭიშკარს...

— მასპინძელო! — უნებურად გამეხსნა ბავე.

არავინ გამეპასუხა...

— მასპინძელო!... — გავიმეორე უფრო ხმამაღლა.

რამდენიმე წუთის შემდეგ კარები ფრთხილად გაიღო და აივანზე წიგნით ხელში მაცაცა გამოჩნდა. იგი აივნის ბოძს მიეყრდნო და დაბალი ხმით გამომძახა:

— ვინ არის?!

სხეულში გამაჟრჟოლა და ენა ჩამივარდა.

მაცაცამ ხმას აუწია.

— რომელი ბრძანდებით?!

— მე... მე ვარ... ანზორა.. — გამეზარა ხმა.

— ანზორი?! — ბოძს მოშორდა და თავსაფრის სწორებით კიბეს ფრთხილად ჩამოჰყვა.

— რა იყო ბიჭო, მამას ხომ ეხმარებოდი?!

— ეხმარებოდი მარა...

— მარა რა? მშვიდობა ხომაა! — ახლოს მოვიდა და თვალეში ჩამხედა.

მე ვლუმდი.

— ხმა ამოიღე, ანზორ!

— მშვიდობა კია მარა... ვადამიტყდა... ვადამიტყდა...

— რა ვადაგიტყდა, რა?!

იღლიაში ამოჩრილი თოხის ტარი მიწაზე დამივარდა და მაცაცა მიმიხედა.

— თოხის ტარი ვადაგიტყდა? — გაეღიმა გოგოს, — მე მეგონა ფეხის ძვალი ვადაგიტყდა-მეთქი, როგორ შემაშინე... — მალე მაცაცამ სერიოზული სახე მიიღო: — რავა ჭიშკართან მელაპარაკები, ბიჭო, წამოდი ჩქარა ხომ ხედავ როგორ წვიმს!

ახლა ვივრძენი ორთავე ვსველდებოდით... ოთახში შევყევი. ძლივს მოვახერხე სკამზე ჩამოჯდომა.

მაცაცა საწერ მაგიდას შიუახლოვდა, კონსპექტები შეავრთავა და წიგნები კარადის თაროზე შეაწყო.

— მაცაცა, უმადლესში გინდა მოეწყო? — გაუბედავად შევეკითხე.

— ვფიქრობ, — გამიღიმა მაცაცამ.

ამ ღიმილმა სიხარულით ამავსო, დამაბნია. მარჯვენა ხელი ჩამომეკიდა, მარცხენა კი ზედმეტი აღმომაჩნდა და ველარსად დავმალე... ენა დამებოდა... მაცაცას მკერდი გავსებოდა, თაფლისფერი თვალები გამუქებოდა, წამწამები დაგრძელებოდა და გაშავებოდა. წაბლისფერ ნაწნავებზე შემორჩენილი წვიმის წვეთები ციმციმებდნენ. პატარა ცხვირი სანთელისაგან ჩამოიხმული გეგონებოდათ. სიფრიფანა, წითელი ტუჩები ვერ უფარავდნენ ქათამთა კბილებს.

ნახევრად თავდახრილი შევცქეროდი. მან ჩემი მზერა დაიჭირა, სახე აუფაკლდა და დარცხვენით მითხრა:

— ჯარიდან რაც დაბრუნდი არსად შემხვედრიხარ, ალბათ ძალიან დაკავებული ხარ, თუმცა... მეც სულ ჩაის კრეფაში ვარ... მერე მასპინძელი დაფაცურდა, არაყი გამოიტანა, თხილიანი თევში დადგა და ჭიქები შეავსო. — დავილოცოთ! — მან ცოტა მოსვა. მე — გამოვცალე. მაცაცამ ისევ შეავსო ჭიქები.

— ჩვენს კარგ მეზობლობას, გაუმარჯოს, ანზორ! — წარმოსთქვა მან და ჭიქა ბოლომდე გამოსცალა.

— გაუმარჯოს! — მეც გამოვცალე... სანთლის არაყი მოგეხსენებათ ტკბილია და შემპარავი, მალე იცის თავში ავარდნა. ორთავე ავლაპარაკდით; მოვიგონეთ ერთად გატარებული ბავშვობა, წისქვილი, ადიდებული წყალი, წაღებული ხიდი... და...

— შენი სადღეგრძელო იყოს, მაცაცო! კარგი ბედი და იღბალი გქონდეს ცხოვრებაში. — ჩავილულულე და რატომღაც გულში ტკივილი ვიგრძენი.

სიჩუმე ჩამოვარდა.

კაკ, კაკ, კაკ... ხმიანობდა წვიმა ყავარზე.

საათს დავხედე. გვიანდებოდა...

— ანზორ, წადი, მამაჩემს შეეშინდება, ახლავე მოგიტან სატარეს! — და მაცაცა ოთახიდან სწრაფად გავიდა.

კარგა ხანს ოთახში ველოდი, მერე აივანზე გავედი, გარედ საშინლად წვიმდა... მაცაცა არ ჩანდა.

— მაცაცა! — დავუძახე.

არ გამომეპასუხა.

— მაცაცა! — ხმას ავუწიე.

— ამოდი, სხვენზე ვარ! — წვიმის ჩხრიალში ძლივს გავიგონე მაცაცას ხმა.

სწრაფად ავიჭერი. სხვენის სიბნელეში ვერაფერს ვხედავდი. მარჯვენა თვალი შევაჩვიე და დავინახე მაცაცა სიმინდის სავსე ტომარას ზევით ეწეოდა.

— დამეხმარე ანზორი, ეგება ავწითო! სატარეები ამის ქვეშაა ჩარჩენილი.

დავაგლე ხელი ტომარას. სწრაფად წამოვწიე, მაგრამ ხელიდან დამიციურდა და ფეხზე დამეცა. ტკივილისაგან ჩავიჩოქე... ქალიშვილი შეშინებული მომვარდა და ფერება დამიწყო. წონასწორობა დავკარგე... მაცაცას ხელი მოვხვიე, თავი გადაუწიე და თხელ ტუჩებში ვაკოცე. მერე მაცაცამ სახეზე ხელები აიფარა...

— მიყვარხარ, მაცაცო!.. მაცაცუნა, მიყვარხარ! — დიდი ხნის დაგუბებულმა გრძნობამ სურვილი გაამხილა.

მაცაცა რატომღაც ატირდა.

— მაცაცო! მაცაცუნა!.. ხმა ამოიღე; შენს იქით სიცოცხლე არ მინდა... ნუ ტირი მაცაცო... მაპატიე... მიყვარხარ და რა ვქნა, შენი სიყვარული ჯარშიც არ მასვენებდა... შენს თავს ვერავინ წამართმევს! — ვკოცნიდი და ვლულულულებდი.

მალე ისიც ბავშვივით აჩურჩულდა:

— დედაჩემი სიკვდილის წინ შენზე ლოცულობდა... საწყალი დედა... მერე... მერე შენ ჯარში წახვედი და დაგავიწყდი მეგონა... — სიტყვა ველარ დაამთავრა მაცაცომ. აკანკალდა, ხელები ყელზე შემომამჭდო და თვალები მილულა...

...მორს ხის კენწეროზე შაშვი ჭახჭახებდა როცა აკანკალებული მაცაცა თოხის სატარესთან ერთად დაბლა ჩამოვიყვანე.

წვიმას ოდნავ გადაელო. ლაფაროში ოჭვათოს უკანასკნელი წვეთები ზმაურობდნენ.



შემოდგომამდე ქალაქს ვერ მნახავთ

შემოდგომამდე ქალაქს ვერ მნახავთ,
წავალ, სოფელში გავიხიზნები,
ჩემმა ბაღმა და ჩემმა ვენახმა
არ მომასვენეს ლურჯი სიზმრებით.
სხვა პურს გავტეხავ, სხვა ტალახს მოვზელ,
შუქით ამევსოს თვალთა უბენი,
დილით გავივლი დაცვარულ მოღზე
და გლესკაცურად გავილუმბები.
ვერის ჭადრებო, ჩემო კარგებო,
არ დამესიზმროთ თვალდანამული,
შემოდგომამდე დავიკარგები,
თავს მოგანატრებთ თქვენ და ნანულის.
მერე წამოვა ლექსების სეტყვა,
იშხეფებს ქვევრი თავგადახსნილი,
შემოევლება ცას ზღაპრულ სარტყლად
მშვიდი ოცნების შვიდფერი სხივი;
ცას შესძრავს ცალი ირმის ყვირილი,
თბილისს უჩვევი ყრუოლა დაუვლის
და შემომხვდება თეთრი გვირილით
თმაწეწილი ქარში ნანული...

* * *

რა მეშველება,
რა მეშველება,
ამალამ მთებში უთუოდ მოთოვს
და დედამიწის მწვანე მშვენება
დაემსგავსება ნაწიგნარ ფოთოლს.
რა მეშველება,

რა მეშველება,
მოაწყდებიან ფარეს მხეცები,
უიარაღოდ როგორ შევება, —
დამიყანგდა და თოფს ვერ ვეცემი.
ვერ ჩამოვზიდე დროულად შეშაც,
მომიკვდებიან სუსხში ბალები.
რომელი ღმერთი შემინდობს ნეტავ,
რომელ მიწაში დავიმარხები!
წავალ, დროულად ნაბადს მოვძებნი,
ფიქრში ხირიმის ლულაც აბზინდა.
უნდა შევება უღლად მოზვრები
მუხის კუნძების ჩამოსაზიდად.

შემოზამთრების რძისფერი სევდა

რა ცივად დნება თოვლში სანთელი,
ათოვს და ათოვს მდუმარე საფლავს
და ობოლ მგოსნის ხმა და სანთური,
არ ეძებს უფრო ჩუმ თავშესაფარს.

ათოვს და ათოვს ჭადარს და ნუშებს,
შენ რომ ესოდენ გიყვარდა, დედა!
და სულდგმულივით მკვიდრდება სულში
შემოზამთრების რძისფერი სევდა.



ნანა გვარიშვილი

ზღვის სიმფონია

ნიაეს უჭირავს ნისლების ცარცი,
დაწერს და წაშლის.
ტალღა მოიტანს იისფერ სურას,
ნაპირთან დაფშვნის.
ეყვნის ბგერებად ცვივა ნაფხვენი,
კლავიშს ცილდება მოცარტის ხელი
ჩუმად!..
კენჭებს ამოაქვს ცისფერი სუნთქვა
ბობოქარ გულის,
და წუთს უჭირავს სიჩუმე სრული.
მერე, უეცრივ გემის ღმუილი, გასროლა დაშნის
მოიტანს ტალღა იისფერ სურას,
ნაპირთან დაფშვნის...
ქარი დაიჭერს გედების ძახილს
და გააცურებს ტალღების მარხილს,
უცებ ჩუმდება აკორდი ბახის...
...მერე უეცრივ მოვა მოცარტი,
ტალღის ორღანოს აკვდება გულით.
ჩუმად, წვეთებად რჩებათ
პატარა კენჭებს სიჩუმე სრული.

* * *

წარამარა,
წარამარა,
კმარა, კმარა,
არა, არა,
წივის წვიმა და ქარი.
წამო, წამო,
ჩქარა, ჩქარა,
სულ მაჩქარებს
წარამარა,
ჩემი თეთრი
დაქალი.

დაენანება ამ გულს ყოველი

ისე ვით რტოზე თეთრი პეპელა
 თეთრ ყვავილს ნახავს და არ ცილდება,
 სულში სურვილი ფეთქავს კვირტებად,
 მიმოიხედავ უეცრივ ირგვლივ
 და ყველაფერი გაგიკვირდება...
 გაგიკვირდება საოცრად ჩუმად,
 ნაღველში ფიქრი სიტკბოს ირევდა...
 და გაქცევს უცებ გრძნეულ ჩურჩულად
 ის, რაც შენ უწინ არ გაკვირვებდა.
 როცა სურვილი ბორიალობდა,
 იყავი კუმტი, არვის დანებდი,
 ლამაზ სიყვარულს ემტერებოდი,
 დასდევდი მუდამ ეჭვის დანებით
 და არ იცოდი, ფრთით რა ეჭირა
 იმ ოცნებების ზღაპრულ ფერიას.
 თითქოს ყოველი არაფერია,
 და დროს უეცრივ ჩაუქროლია,
 გული იმ ზრახვებს როდი დანებდა...
 ახლა ღრუბლების თეთრი თოლია
 დასატოვებლად დაენანება...
 დაენანება ამ გულს ყოველი,
 მაინც საოცრად დაენანება.

* * *

ფილაქანზე ყვავილი ამოსულა,
 ეს მას არ აწუხებს სულაც.
 პატარა პეშვით აგროვა მზე და
 სიმწვანე მიწის,
 და ქვაზე იმიტომ ამოსულა,
 სიცოცხლე იცის.
 ასეა, ასე, მოვა მთვარე და
 ცის წყაროს ასმევს,
 პაწია გულით შეეხიზნა
 ამხელა ცის ჭერს,
 და მწვანე პეშვებით
 ცის ნათელს იჭერს.
 პაწია ჩრდილიც მოისვა გვერდში.
 სიცოცხლე უნდა,
 რას ერჩით?!

აკრე ყოფილა

რომ სისართული ბევრია,
 მიტომ იცინის მზე.
 რომ მღელვარებაც მეტია,
 მიტომ მღელვარებს ზღვა.
 თვალი უცრემლოდ როდია,
 წვიმას მოსწყინდა თქმა.
 ლურჯი ქარები მოდიან,
 ნიავი ზღაპრებს თხზავს.
 ღამით მარეხი ვარსკვლავი
 სულებს სულებთან აბამს.
 ლერწამს ტირილი მოუნდა,
 განგებ დაეძებს საბაბს:
 — ტირიფს ნუ აქვსო იდუმლად
 გაყაჩოს სიყვარული!..
 აგრე ყოფილა... იქნება...
 გული ცოდოა... გული..

* * *

ჩემს სულს ამაღლებს უფრო
 შენი თვალების შუქი,
 ოცნება წრფელი-წრფელი,
 ფერი ლურჯი, სულ მუქი.
 ზეცა დამყურებს შვებით,
 თუ ტალღა შემომცქერის? .
 ზოგჯერ მშვიდია, მშვიდი,
 ზოგჯერ აწყდება ღელვას
 ასეთ წუთებში სული,
 სულ ცისფრად იღებება,
 სადღაც რინდდება ფიქრი,
 სადღაც ვბობოქრობ მეცა
 ჩემს სულს ამაღლებს მაშინ
 შენი თვალების ზეცა.



ბ უ ნ ი თ ბ ა

ბალახზე შვებით წამოწოლილი
 თავზე დამხობილ ზეცას ვუყურებ...
 სად არის მაინც ჩემი ცთომილი,
 ცამდე მართალი და შეცდომილი,
 ჩემი სამყაროს ერთი საყურე.
 ვსვამ სავსე ზეცას თვალზე მიბჯენილს,
 მიწას ვისრუტავ მთელი სხეულით,
 ვუცქერი ფოთლებს და ვერ ვიჯერებ
 როგორ იტანენ დგომას ხეები.
 დგანან წვიმაში, დგანან ქარში და
 ყველაფერია ხით მოქცეული.
 მე ვუმხელ ხეებს ფიქრს და ხვაშიადს,
 ქალაქის ხმაურს გამოქცეული.
 გადამაჩვია ხმაურმა ფიქრებს,
 ახლა სიჩუმე უფრო მენიშნა,
 გადავიხედე საკუთარს იქეთ
 და უცაბედად ველარ შევნიშნე
 ხიდან დამპალი ვაშლის დავარდნა.
 ესეც ევრიკა, დიდი ამბავი...
 ეკიდა ვაშლი და დაავადდა,
 დიდხანს გაძლებდა განა დამპალი?
 დიდი ხანია მიზიდულობის
 შექმნეს კანონი, მაშასადამე...
 დამირღვევია წესი ზრდილობის.
 ანდა ეთიკის ნორმებს გადაველ?
 უყურადღებო კაცად მთვლი იქნებ
 და ნიუტონზე ამბობ ერთხელაც,
 გადაყოლილი საკუთარ ფიქრებს
 არ შესწრებოდა ამგვარ შემოხვევას,
 არ იქნებოდა ბევრი რამ ცხადი
 ან უმიზეზოდ ჩათვლიდნენ ეჭვებს

და ყველაფრამდე ბავშვივით ხარბი
თავს მიუშვერდნენ ასროლილ კენჭებს.
მაშინ როდესაც მიწაში მწვანის
რა აფერადებს იციან ისიც...
უყურადღებოდ არ რჩებათ წამი,
წამი კავშირი ზეცის და მიწის.
არ ასვენებენ ცაში სხეულებს,
არ ისვენებენ დღე და მოსწრება,
ზეცის თავანი გამოხეული
ველარ იმაგრებს ღმერთის მოძღვრებას,
და შიგ ქარივით გადი-გამოდის
კაცი, რომელიც გრძნობდა მაშინვე,
ღმერთს ვერ ნახავდა, მაგრამ გამოდის
წააწყდებოდა უფრო საშინელს
და უფრო ლამაზ ვარსკვლავებს, ვიდრე
აქედან ჩანან გვიმალავს ნისლი,
ჩვენ, როგორც მიწის პატარა მკვიდრებს
არ შეგვიძლია დანახვა მისი.
მალდება ჭერი და სახურავი,
ადამიანი სხვა სამყოს ეძებს,
რას არ ეჩვევა კაცის ყურები,
გადასახლებას ფიქრობენ მზეზე.
წარმოიდგინეთ ჩემი გოგონაც
ასევე ფიქრობს, ღმერთმა მოხედოს!
უნდა ველოდოთ ჯერ არ გაგონილს
და ესეც ალბად მალე მოხდება.
ბოლო მე ვაშლის ჩეროში ვწევარ,
უყურადღებოდ მიმიგდია ფერთაცვლა სოფლის,
ჩემი უიღბლო ცხოვრების წერა
გვიან გამომცხვარ კვერსა ჰვავს ობლის.
ისევ ვუმღერი მზეს, როგორც დილას,
და სიმწვანეში ისევ მოვრბივარ.
შევხარი, როცა შემიპყრობს სევდა,
ვარსკვლავებს, როგორც ძმებს და დობილებს.
ჩემამდე აღწევს იმათი შუქი
მილიარდი წლის წინათ ჩამქრალის...
ასე გვახსენებს თავს ზოგჯერ უქმი
გრძნობა, რომელიც გულში ჩავკალით.
მიხარია, რომ ჯერ კიდევ ჩემი
ფიქრის ხარკია ყველა ესენი

და დახუნძული ბაღების ჩვევით
გარედან აკრავს დიდი მესერი.
აუხსნელია კიდევ მრავალი,
შეგუებული იჭვებს იქამდი,
რომ არ მოსვლია აზრად არავის
აეხსნა თუნდაც მცნება სიკარგის.
მიწას შესძრავდა ჩემი კვიელი
თუ არა თქვენი გულმოდგინება...
საოცარია, კაცის ტკივილი
თქმამდე არავის არ ეტკინება.
იქნებ ცხვრებამ ახსნას პირიქით,
მაგრამ ჩვენ მაინც ჩვენი გვიგია...
სასაფლაოსთან დიდი ბილიკი
თავდება, მაგრამ მაინც მიდიან
გზები, რომელიც იწყება იქვე
და უერთდება ქვეყნის გაჩენას...
ვინ იცის ამ დოქს დამხობილს პირქვე,
სხვა გზა არ ჰქონდა ამოსარჩევად.
და თუ ოდესმე ახსნიან ნილაბს
ყველაფერ ფარულს, იმასაც ნახავ
გადავინაცვლებ უცნობის მიღმა
და სადარდებელს გავიჩენ ახალს...
ეხლა ბალახზე წამოწოლილი
მთვარით მოქცეულ ზეცას ვუყურებ...
ნად არის მაინც ჩემი ცთომილი
ცამდე მართალი და შეცდომილი,
ჩემი სამყაროს ცალი საყურე.



მოგონებებში აფორიაქებული ნიკოლოზი და სიგარეტს უკიდებს.

კარგად ახსოვს როგორ შემოესია შეიარაღებული დაშნაკების ჯარი უიარაღო აზერბაიჯანელებს და სისხლის ღვარი დააყენეს. ხოცავდნენ მოხუცებს, ქალებს, ბავშვებსაც. მუსავატელებმა თურქებს სთხოვეს სომხებისაგან დაცვა და მეორე დღეს ასკერთა ლაშქარიც მოვიდა... და სისხლი არაქსსა და მტკვარს შეუერთდა.

დააპატიმრეს — ივანოვი, მამედოვი, ავაქიანი. ნიკო მამის მეგობარმა, ალექსანდრე კარიოვმა მოსტებნა და ნავთის გადამტან გემ „სულეიმან ჰუსეინოვზე“ მიიყვანა, სადაც იგი მექანიკოსად მუშაობდა.

ასე დაიწყო მეზღვაურ-იუნგის პირველი დღეები.

ახლოვდებოდა წითელი არმია. დენიკინი სამხრეთით მიიწევდა. ერთ დღეს კასპიის ზღვაში გადაყარეს გემის პატრონის ლაქუცა ლაქიები და წითელი დროშა ააფრიალეს. ძველი სახელწოდება წაშალეს და რევოლუციონერ „კულიბეკოვის“ სახელი მიაწერეს. შეიარაღდა ეკიპაჟი და ასე შეხვდა კიროვის მე-11 არმიის შემოჭრას კავკასიაში.

მას შემდეგ ზღვა და კვლავ ზღვის უცნაური ხმაური. ათ წელზე მეტი დაცურავდა ნიკოლოზი კასპიისა და შავ ზღვებში, ხან ახალგაზრდა საბჭოეთის მიწას იცავდა, ხან ტვირთი გადაჰქონდა ერთი ნაპირიდან მეორეზე. „კულიბეკოვი“, „ნეზამოჟნი“ „წითელი

უკრაინა“. რომელ იმდროინდელ გემზე არ უმსახურია...

ბოლოს კვლავ მიწა მოენატრა... უფრო სწორად — ოჯახის სიტბო. მას ზომ ცხოვრებაში ეს აკლდა. სწორედ მაშინ შეერთო ცოლად უკრაინელი ქალიშვილი აქსინია. კეთილი და თბილი ოჯახი აქვთ.

— ქორწილიდან ხომ არ მოდიხარ, ნიკოლოზ, რამ აგაყენა ასე უთენია! — მოესმა დარაჯის ხმა.

— რაღა უთენია, დალოცვილო, მზე საცაა მთიდან გადმოგორდება.

ქარხნის ეზოდან პირდაპირ ზღვის ნაპირზე გავიდა.

უკაცური იყო ზღვა... მასავით ბორგავდა... ზეწამომდგარი თეთრი ტალღა ნაპირისაკენ მიისწრაფოდა და უთვალავ კენჭებით საესე სანაპიროს ასკვებოდა. სიამით გაჰყურებდა ახლობელ ტალღებს. აი, უკვე 28 წელია, რაც ყოველ დილით ამ სანაპიროს მონიხულებს და მერე წყალში ჩასაშვებად ცისფერ კატარღას მიაშურებს.

— რომელ ქვეყნისაკენ იღებ გეზს, ძმობილო! — გაივლებს გულში, ხელს მოუხვამს გაყინულ ლითონს და ამხანაგების მოლოდინში იქვე ჩამოჯდება.

26 წელია რაც ამ ქარხნის მკვიდრი ვახდა. აქ იყო ომის წლებშიც. ბევრი იძალა — ფრონტზე გამიშვითო, მაგრამ არაფერი გამოუვიდა, — აქ მეტად გვჭირდებიო. ნაღმებისაგან ფერდებშეღწილი ხომალდები უნდა შევაკეთოთ, რაშიც ყველაზე მე-

ტად შენი დიდი გამოცდილება და ოქროს ხელია საჭიროო.

ნიკოლოზი დღე და ღამე არ სცილდებოდა დაზვებს. ვინ მოთვლის რამდენი სამხედრო გემი თუ კატარღა შეაკეთა იმ ხუთი წლის მანძილზე. ამიტომ დააჯილდოვეს მედლებით „შრომითი მაცობისათვის“ და „კავკასიის დაცვისათვის“. ახლახან კი, როცა დაბადების სამოცი წელი შეუსრულდა, წითელი დროშის ორდენი მისცეს.

ასობით გემი და კატარღა აშენდა ამ წლებში ბათუმის გემთსაშენ ქარხანაში და ყველა მათგანს ნიკოლოზ გიორგობიანის ოქროს მარჯვენის მაღლი აცხიანომის შემდეგ ორასადგილიან გემებს აშენებდა, ზოგიერთის სახელი ახლაც ახსოვს: „გელიოდორი“, „ბორის ძნელაძე“, „სოჩინეცი“... ბათუმელ პიონერებსაც მათ დაუმზადეს კობწია ცისფერი კატარღა „პიონერი“, დედაქალაქსაც მიუძღვნეს 1500 წლის თავზე საპატიო საჩუქრად სეინერი „1500 წელი“, რომელიც დღესაც თბილისის ზღვაში დაცურავს.

ამყამად ძირითადად წყალქვეშა ფრთიან სამგზავრო და სასეინრო კატარღებს უშვებს. 150 ადგილიანი ბათუმური კატარღები დაცურავენ ნილოსსა და ხმელთაშუა

ზღვაში და არა მარტო არაბ მოსახლეობას აღაფრთოვანებენ თავიანთი მაღალი ხარისხით და მოხერხებულობით, არამედ ყველა მნახველს თვალს სტაცებენ. ორმოცადგილიანი „მფრინავები“ და ტაქსი-გლისერები ხომ მთელი დედამიწის წყლებს მოეფინა: ინგლისი, ამერიკის სანაპიროები, გერმანია, საბერძნეთი, საფრანგეთი, იუგოსლავია, ვიეტნამი... სად არ შეგზვდებათ ბათუმური „ვოლგები“, „არაკადიები“, „ყემჩუენები“, და ყველა მათგანის მრავალი დეტალი ასობით ახალგაზრდა ოსტატთა შრომის ნაყოფია და ძია ნიკოს ნახელავი.

... დინჯად დააბიჯებს საამქროში გაჭლარავებული, მაგრამ შრომისაგან გაკაეებული, ჩაფსკენილი ძია ნიკო. ხან ერთ დაზგასთან შეჩერდება, ხან მეორესთან როგორც ყოველთვის, გულლიად და სიყვარულით ამოხედავენ დაზგასთან დახრილი სახეები, შესცინებენ, კვლავ იხრებიან და ჩარხვას განაგრძობენ.

ძია ნიკოს ახალგაზრდების იმედი აქვს, იცის როგორც ყოველთვის გადაჭარბებით შეასრულებენ გეგმას!

...გამოსაცდელ ნაპირზე კი ყოველდღე ემატებიან ერთმანეთს ცისფერი კობწია კატარღები.



ნეტავ იყო გოგო ჩემი...

ხალხური სატრფიალო პოეზია

ნეტავ იყო გოგო ჩემი...

ათი თითი ბროლი ხელი
წმინდა წელზე დაგეყარა,
შენი ლოყა ვარდისფერი
ზედ შექერი მოგეყარა.

* * *

დაპნეველა ფეტვის კაკალი,
რა მოკრეფს წიწილის მეტი,
შენს სიყვარულს, ჩემს სიყვარულს,
რა გაყრის სიკვდილის მეტი.

* * *

წმინდა წელი, ზედ ქოშელი,
ნეტავ იყო გოგო ჩემი...
საყვარელო ჭირიმეო,
ერბო ჩიმიჭიმურეო,
შენც ჭამე და მეც მაჭამე,
შენი სულის ჭირიმეო.

მთქმელი მ. თ. ლომინაძე

ბიჭო, უღვაში გეიწყე

გაღმა გამოღმა უღესა
ჩიტი უწყობდა ბუღესა,
ბიჭო, უღვაში გეიწყე,
წადი აკოცე გოგოსა.
ქოლი ქვერი მოგკრიფე,
ციციების სახარელი,
ღეღაბრები თან ახლავან,
ადრე გასაქარვებლები,
ლამაზებსაც ვენაცვალთ,
წელში მოსაქანებლები.

მთქმელი ქათამაძე ოსმან ისმაილის ძე

მარგალიტისა წვიმამა

მარგალიტისა წვიმამა,
ოქროს მინდორი მონამა,
სამოთხის კარი დაკილტა,
კილტე შენ მოგცა მე არა,
ვაი თუ ასე დაგვმართა,
მე მიყვარდე და შენ-არა

მთქმელი კომახიძე მუხამედ უსუფის ძე

რაიდარირი მეო

ჩემ სახლზეიდან ძეწნებო, რაიდარირი მეო,
ყელემს გიგავს ნამწნებო, შენი ჭირიმეო.
იმას ქვევიდან შავი წარბი, რაიდარირი მეო,
ისტამბოლის ყელემს გავსო, შენი ჭირიმეო.
იმას ქვევიდან შავი თვალი, რაიდარირი მეო,
დამწიფებულ მაყვალს გავსო, შენი ჭირიმეო.
იმას ქვევიდან ყირმიზ-ლოყა, რაიდარირი მეო,
შექერ ვაშლის ნათალს გავსო, შენი ჭირიმეო.

მთქმელი აიშე არიფის ასული კახაძე



ა ნ დ ა ზ ე ბ ი

1. ახლობელი — კოჭმომწვარო,
ზორებელი — თლათ დამწვარო.
(იტყვიან საცოლის ძებნის დროს)
2. დათვმა დათვი მეიკუჭა და სხვის ყანაში წეიყვანაო.
3. დანის საჭრელს ცულით დასაჭრელად ნუ გახდიო.
4. ერთი ტურის კივილი ქვეყანას ვერ დააქცევს.
5. ვირს რომ დაფხან, წრიხს მოგარტყამსო.
6. ვირს წყალი არ მოსწონს და წყალს — ვირის ჩიჩვირი (ტუჩები)-
7. თავგი მაზღალაში ვერ გამძვრალა და კოში შუუკიდიო.
8. თხის ბატონს (პატრონს) თხის კუდიო.
9. თემბელი (ზარმაცი) სალამოს გაქესკინდებაო (გაბეჯითდება).
10. პური ვჭამე ასლისა,
დრო მოვიდა წასლისა.
11. სხვისთვის ორი უნდა ინდომო, რომ ღმერთმა შენ ერთი მოგცესო.
12. ინთიშვილი, მინთიშვილი,
რაიც მამა, იგიც — შვილი.
13. კაცს ჯიჴს მოუძებნიან და საკაბეს — განს.
14. ფაფაზე კოვზი დასობილი რომ იყოს, ჭამას ყველა მოახერხებსო.
15. ქალს ცხრა კეხი აქვს: ერთი თუ შეგადგა ზურგზე, მერე ყველას
შეგადგამს.
16. ქვეყანა იქცეოდა და ტურას ქორწილი ქონდაო.
17. ღმერთმა გააჩინა თხა,
შესაფერი მისცა რქა.



შეკრიბოთ ჩვენი კუთხის სიტყვები

ბოხჩა — ფასეულის, სამკაულის შესანახი ფუთა, რომელიც შეკერილია სხვადასხვაფერის ძვირფასი ქსოვილის ნაჭრებისაგან.

გაღორება — გაძნელება, გართულება (საქმის, ვითარების).

გადაბარგვა — გადასახლება, საცხოვრებელი ადგილის გამოცვლა.

გულიყანა — საუკეთესო საყანე, საუკეთესო ნაკვეთი.

გზაბაწარა — საცალფეხო ბილიკი.

დოლიაი — ურქო (საქონელი) თხა.

დახრესილი — დაფშენილი (დაფშენილი ქვა).

ემია — ბიძა.

ვალა — ქალის თავსაბურავი, თავსახური.

ზილი — ეყვანი.

ზანკალი — ოჯახში ნაქსოვი შალის გეტრები.

თოყო — დონდლო.

კუკული — კვირტი.

კვირტილი — მატყლის ნარჩენი.

მენტევრი — მთაში საქონლის მომვლელი. მენტევრებად უმთავრესად მოხუცი ქალებია.

მერხლიანობა — მენტევრების მონახულება მთაში.

მენტეშა — ანჯამა (კარ-ფანჯრისა).

პაკლუყი — მამალი, ყვინჩილა.

პაიჯი — დაპატიყება.

სეირი — სანახაობა.

სკივრი — განძეულობის, ტანსაცმლის შესანახი ზანდუკი.

ტანი — ხის ტოტი.

ფარტენა — დასართავად გამზადებული მატყლი.

ფარტნა — თოვა, შეხედე რო-

გორ ფარტნის! შეხედე, როგორ
თოვს, ე. ი. უხვად მოდის თოვლი.

ფუტი — კვამლი, ბუხრიდან
ადის ფუტი, ე. ი. ბუხრიდან ადის
კვამლი.

ღურნე — წისკვილის ღარი.

ღვიდარო — ნაცარში დაფლუ-
ლი ნაღვერდალი.

ყირმიზი — წითელი.

ყირავი — ჭირხლი.

მაზლი — ქმრის ძმა.

შილი — მაზლის ცოლი.

შავქედის ქარი — ზღვის ქარი,
რომელიც შავქედს გადმოივლის.

ჩარქვეშა — სამოსახლო ადგი-
ლი.

ძმათი — თოვლის ბრწყინვა,
კაშკაში მზებზე.

წვიტი — წვრილი, პატარა, მო-
მცრო.

ჭაჭვი — პეშვი.

ჭალა — სათიბი.

ხერთალი — მატყლის სართა-
ვი, თითისტარი.

ხომორი — მსხვილი.

ხომკაკალი — სეტყვა, კოხი.

ჩილი — მუშტი.

ლაუსა — უკანგადაზნექილი
რქები.

ლუტე — უგემური, უმარილო.
რილი, ამოგანი — ტალახში ამოსვ-
რილი, ამოგანგლული.

ლუცერაი — უფერული
ლოლომი — ღრმა ტალახი.

ლენძა — ლარის გასაყვანი სა-
ღებავში ამოვლებული ძაფი.

ინათი, ინათიანი — ყინი, ყინი-
ანი, მოუტეხელი, მოუღუნავი,
მოუღრეკელი.

ისტახარი — სიზმარი.

იბრეთი — საოცარი, საკვირვე-
ლი, არაჩვეულებრივი.

იელი — ყვითელყვავილიანი
მცენარე, რომელიც ხარობს მთი-
ან ადგილებში.

ჩილატანი — დაწნული ფეხსა-
ცმელი, რომელსაც მთიელები
ხმარობენ (ქალამნის მსგავსი).

თითქვი — ჩვილი, ნაზი, ღორ-
თქო ბალახი.

ქენჩხო — ტახტზე დასაგები
თხის, ცხვრის, დათვის, ირმის
ტყავი, რომელსაც შენარჩუნებუ-
ლი აქვს ბალანი.

კერჩხო ლობიო — გამხმარი
პარკი ლობიოს აკიდო.

სექვი — ტახტი.

ავაზანი — წყლის საგუბარი.

ალაიმალაი — მეთისმეთად-
ალაიმალაი გონჯია ე. ი. ცუდ
შესახედაობისაა.

აწყალა — ლამის, კინაღამ.

ბლიკვი — მუშტი.

ბუძენარი — ეკალ-ბარდით და-
ხლართული, გაუვალი ბუჩქნარი.

ბაღვი — ბავშვი.

ბლაყვი — უნიათო, მიუხვედრე-
ლი.

ბეჩი — სულელი, უჭკუო, ქაული
რაფშუტა.

ბებრეუთი — დედულეთი.

ბარსამი — მრავალი, ბევრი.

ბრეში — რუხი.

მოგვაწოდა იური ბიბილეიშვილმა



კთენას კვაკოვინ



ხალხი ვერ მიმხვდარიყო, რაზე ყიყინებდა აწოწილი, გამხდარი დამსჯელი და რისთვის გესლავდა ყველას. მისი გაუგებარი სიტყვები მტანჯველად სისინებდნენ ყურებთან. მალე მეზობლის სოფლის მასწავლებელმა შიშით გადაუთარგმნა შეშფოთებულ სოფლელებს.

— ხალხნო, თქვენი ხუტორის მახლობლად სამი ჯარისკაცია მოკლული, რადგან დანაშაული შიგ სოფელში არ არის ჩადენილი გაუღეტას გადაუტრჩით, ახლა კი იცოდეთ, ჩამოხრჩობილნი იქნებით ისინი, ვის სახლშიც პარტიზანები აღმოჩნდებიან. თუ სოფელი არ გასცემს მათ მფარველებს, მაშინ ერთიანად ამოგხოცავთო.

გაძვალტყავებული ქალი თუ ბავშვი, ბერიკაცი თუ დედაბერი, მცხუნვარე მზის ქვეშ განაბულიყო და საშინელ სიცივეს თითქოს გაეთოშა, ისინი ტყვიამ ურქვევის ლულებს მიზანში ამოელთ, ამ პაპანაქება სიცხეში ყველა სიკვდილის შიშის სიცივეს აეტანა... მერე დამსჯელის ენიდან კვლავ ამოცოცდნენ ჭრელი გველები და გაემართნენ საბრალო ადამიანების ყურებისაკენ...

— თქვენ შეგიძლიათ ასეთი სიჩუმე კიდევ ათ წუთს გააგრძელოთ, შემდეგ კი...

ათი წუთი, ეს საშინელი ათი წუთი მოედო ყველას. შუბლზე დარბოდნენ ძარღვები. მზე კიდევ უფრო დამძიმდა. ათ წუთს გამეშებული, უძრავად ქცეული ხალხის თვალები მიწაზე ჩახვეულ ბალახს დაცქეროდნენ,

თითქოს მისგან რაიმე შველას ითხოვდნენ. მერე უცებ შეინძრა და წინ გამოემართა ახოვანი ათანასე კრაკოვი. იგი ჯიქურად მასწავლებლისაკენ წავიდა.

— უთხარი ამ გარეულ კერატს, ის გადაგვარებული წიწილები ჩემმა შვილებმა დახოცეს. არ გაბედონ ჩემი ცემა... უმჯობესია, უბრალოდ ჩამომახრჩონ, არ მეშინია...

— რამდენი შვილი გყავთ ტყეში? — გადაუთარგმნა მასწავლებელმა დამსჯელის კითხვა.

— უთვალავი...

— სახლში ვინა გყავთ?

— მყავდა დედაბერი, გარდაიცვალა...

— სტყუის, გაგიხმა ენა, შე საძაგელო! — ყვირილით გამოეყო ხალხს ხანდაზმული ახოვანი ქალი და მისკენ წავიდა.

— ცოცხლად მმარხავ? და ისიც ასე საჯაროდ, არა გრცხვენია?! მოლაღტევ, ვერსად გამექცევი...

ესეელი დიდხანს გულიანად ხარხარებდა, როცა მასწავლებელმა დედაბრის აღშფოთება გადაუთარგმნა.

— ეს შენი დედაბერია? — შეეკითხა ათანასეს.

— ჰო, ჩემია ჩემი...

— მართალია მოხუცის ნათქვამი, რომ თქვენი შვილები ტყეში პარტიზანებად არიან გასული?

— დიახ მართალია, არ იცით განა, შევარდენის ბარტყი ტყეში ბუდობს!

...როცა საშინელმა წუთმა შექუჩულ ხალხს თვალზე ლიბრი ააცალა, ეკლესიის ახლოს ერთად ეკიდნენ ისინი. ღიად დარჩენილ თვალებში ხალხისათვის განწირულებს სიკეთის საოცარი შუქი ენთოთ.

ათანასე კრაკოვი უშვილო იყო. დედაბერი ორისა, რომელიც თოკით შეუერთდა მას სამუდამოდ, სხვისი ცოლი იყო. ამბობენ ახალგაზრდობაში უყვარდათ ერთმანეთი, მაგრამ მშობლებმა ქალი ძალად მდიდარს მიათხოვესო...

ახლა კი ძველი ეკლესიის კედელზე სამუდამოდ ერთად ეკიდა ლეგენდა დიდ სიყვარულზე, რომელიც სიკვდილის შემდეგ ცხოვრებას იწყებს.



საცეხველთან ვზივარ. ბაბუა ქვევით ეჯიბრება მზეს — ვინ პირველად დაამთავრებს მღვლვარე დღეს—მზე თუ ბაბუა. ბორცვის გრძელი ჩრდილი ლოკავს მარცხენა ფეხს. მარჯვენა სათაბის ზოლში უდევს. გაღვნილი ცელი უსტვენს. ბაბუას არ შეუძლია მოთმენა, სანამ არ ჩაათავებს უკანასკნელ ზოლს. ჩრდილი ჯერ მიადგა მუხლებს და მოულოდნელად შეაჯდა წელზე, მერე კი თანდათან აცოცდა ზემოდ. მე წამოვხტი და ცერებზე დავდექი.

— ვანო, გესმის ვანო! — მეძახის ბაბუა.

— არ მესმის! — ჩავყვირე ხელებით გაკეთებულ ნავისებურ ხერეღში.

— არ გესმის, შე ზარმაცო? — ბაბუას ხმა ალერსიანი და მოსიყვარულეა. იგი არასოდეს მიბრაზდება. — მომიტანე ქისა, საცაა კოლოები შეჭამენო. ბაბუა რა თქმა უნდა მაშინებს, კოლოები როგორ შეჭამენ ამოდენა კაცს!

მიხარია ბაბუას ყოველი დავალების შესრულება. რაც შეიძლება სწრაფად მივრბივარ და მისი პიჯაკის ჯიბიდან ქისას ვიღებ.

— ფეხები არ დაიხვლიტო, — მაფრთხილებს ბაბუა — როგორ შეშინებული კურდღელივით მოჰქრი?

— განა შეშინებული კურდღლები სწრაფად ჰქრიან?

— რა თქმა უნდა.

— შენ არასოდეს დაწევიხარ?

— არ ვიცი, არ მიცდია.

— რატომ არ სცადეთ?

ბაბუა ახვევს თუთუნს და ულვაშებში ელიმება.

— ამისათვის შრომადღებებს არ წერენ.

— რომ გამოწერონ?

— მაინც არ ცვდიდი, არ მიყვარს სულელური საქმის ჩადენა.

ბაბუას პასუხები არ მაკმაყოფილებს, კითხვების გუდას თავი წავუხსენი...

— ჰე, ჰე, ჰე... — იცინის მისი დანაოჭებული სახე — უკეთესია, ცელი აიღო და საცეხველში შეიტანო.

როცა მე და ბაბუა სათიბზე მივდივართ, ლურჯია ჩვენს ზემოთ ცა, მიწა კი ათასნაირ ხმებს გადმოსცემს. ვუსმენ მიწას, ვუსმენ ბაბუას ლა-

პარაკს და ჩემს გულში იღვრება რაღაც უხილავი ძალა, რომელიც სამსუ-
დამოდ მაჯაჭვებს პაპისეულ მიწასთან. რაც უფრო მეტი რთვილი ედება
თმებზე ბაბუას, მეტად ვუყვარდები და გულლია ხდება ჩემთან — გულში
არაფერს იტოვებს. ბაბუამ იცის, მისი ძალა და ცხოვრების შინაარსი აწი-
მე ვარ, რადგან შვილები უკვე აღარ ჰყავს. თუ კი ვაწყენინებდი ჩემი ბა-
ლღური აბეზარობით, ბაბუა მაშინვე მაპატიებდა ხოლმე. იგი დიდი და
უბრალო იყო თავისი ბუნებით. ბაბუა ცხოვრებისაგან მოითხოვდა მხო-
ლოდ იმას, რაც ეკუთვნოდა.

ბაბუას უყვარდა ისტორიისა და გეოგრაფიის კითხვა. ძალიან უყვა-
რდა შევჩენკო და გორკი. ის ამბობდა: — შევჩენკო სოფლის მწერალია,
გორკი — ქალაქის. ისინი უბრალოდ, ხალხის ენაზე წერენ. იმდენი სი-
მართლე იმათ ნაწერში რომაა, არსად მოიძებნებაო.

ერთხელ, მაშინ მე მეშვიდე კლასში ვიყავი, ბაბუა მთელი დღე გეო-
გრაფიას კითხულობდა.

— ვანო, წადი დაჩეხე შეშა! — მითხრა დედამ.

— რატომ მაინცდამაინც მე?

— მე უკვე აღარ შემიძლია და იმიტომ. — ჩაილაპარაკა ბაბუამ.

— თქვენ კი მხოლოდ წიგნებს წაიკითხავთ არა?!

— ნუ ყბედობ, ენას კბილები დააჭირე! — დამიცაცხანა დედამ.

ნელდ შეშას ვჩეხავდი. ბაბუამ გვერდით გამიარა და საცეხველში
შევიდა. მას ხელში მაგარი კანაფის თოკი ეჭირა. მე ვჩეხდი, ხოლო საცე-
ხველში სიჩუმე იყო. მოულოდნელად თითქოს ვიღაცამ ცულის ტარი გუ-
ლზე დამკრა... ცული თოვლზე გადავისროლე და საცეხველში შევვარდი...

— ბაბუა...

ბაბუას ხელში თოკი ეჭირა. თოკის ბოლოზე დიდი ნასკვი ეკეთა.
სწორედ იმოდენა, ძროხის რქებზე ჩამოსაცმელად რომ აკეთებენ. მის-
ყოველ მოძრაობას ცივი სიჩუმე ახლდა. ბაბუამ შემომხედა, როცა შეძ-
რწუნება შემნიშნა დაიბნა...

— რა მოგივიდა ვანო?

— თქვენ თოკით მოდიოდით, მე კი ვიფიქრე... — მის ძველ ტყაპუქს მი-
ვეკარი და ღრიალი დავიწყე.

სალამოს ბაბუამ დედას უთხრა:

— ანა, ხვალ ვანო სკოლაში არ წავიდეს!

— რატომ?

— რადგან ვთქვი, მაშასადამე ასეა საჭირო!

— კარგი. ივანიკო, ნუ წახვალ შვილო! — ექვა და ბაბუას ახირების
ნიშნად მხრები აიჩეჩა.

...მეორე დღეს მკაცრი და ლამაზი ბერიკაცი კუბოში იწვა. კუბო მკვე-
ლისძველი მუხის სკამზე იდო.

ეზოს მზე დაჰნათოდა...

ხრაშუნობდა თოვლი...

ყოფნენ მამლები. არავინ მიყვარდა ისე, როგორც ბაბუა... ბაბუები
ცხოვრების სიბრძნესა და ისტორიას თავისი მოხრილი მხრებით დაატარე-
ბენ. მათში იმდენი სილამაზე და სინაზეა, ეს იმგვარი სულის მშვენიერე-
ბაა, ახალგაზრდას რომ მუდამ შეშურდება.

როცა ავტობუსში მოხუცს ხელში ორცხოვნილას ასხმა უჭირავს, რა-
ტომღაც მგონია ჩემს ხატაში მოვა და ბაბუას ხმით მეტყვის :

— შეხედე, ვანიკო, რა მოგიტანე?!

უკრაინულიდან თარგმნა ნური შერძბემე.



ეკატერინე ჭავჭავაძის ბარათი

ნინო გრიბოედოვასადმი წინანდალს
მინაწერი.

ო, დაო ჩემო,
ესე უსტარი,
უძილო ფიქრებს ღამეს უთევდა,
გული სიბერიი დანასუსტარი
გიხმობს,
გეძახის,
გესათუთება.

ო, დაო ჩემო,
დიდი ხანია,
რაც დამჭკნარ ბაგეთ
ლოცვა არ უთქვამთ;
აღარც ზღვის კარად მიმიხარია,
სულ სიმარტოვემ დამისაკუთრა.

რა უღვთოდ განქრა ჟამი გიჟური,
ამაოდ ეძებს მის კვალს აშულიც...
აღარც — გვირგვინი,
აღარც — მიჯნური, —
მარტოდენ მათი შემრჩა ნაშუქი.

ვიცი, გაზინებს
ეს ჩემი ფიქრი
და აგონიაც ჩემი გაოცებს;
სასახლის ჩრდილში
ვზაგარ და ვითვლი
ძველ სადედოფლო კაბის ნაოჭებს.

გადავიწყებია ბუღბუღს გალობა,
სულს სხვა ცხოვრების
ესმის ნადური;
დამკვნარა ჩემი ყმაწვილქალობა
და სიამაყე ძველთავადური.

არღა მაქვს ის ხმა,
არც ის იერი
და ვერც წინანდელ სახელს ვიფერებ;
არც „მთავრინა“ ვარ,
არც — „ცის იერი“
და ჩაჰფრენია ლაწვებს სიბერე.

მიმწუხრი ისე
მოსდევს ალიონს,
უთქმელად კვდება
ცრემლით სათქმელი;
რომელ საყდარში მოვიწინიო,
დამქრალა ყველა ჩემი სანთელი.

მე რომ ვარსკვლავი
უარგყავ ერთხელ,
აქამდე მომდევს მისი გოდება;
დე, მთელი ქვეყნის
სამეფო კვერთხებს
სირცხვილად ეცხოს ეგ შეცოდება!

ვიგონებ იმ წლებს,
წყალივით ჩავლილს
და სულში ვიღაც
მწუხრის ჰანგს უკრავს;
ყმაწვილქალივით გავლილი ჟამი
მხოლოდ უხორცოდ ბრუნდება უკან.

ო, დაო ჩემო,
ესე უსტარი
უძილო დარდებს ღამეს უთევდა;
გული სიბერით დანასუსტარი
გინმობს,
გეძახის,
გესათუთება.



ასე ვიგონებ...

ასე ვიგონებ ახლა ქალაქში,
სად არის ჩემი ცაცხვების ჩრდილი, —
ვილუმპებოდი ცვრიან ბალახში
და მზეს ამოსვლას ვასწრებდი დილით.
ხან ვისვენებდი მდინარის პირად,
დამშრიალებდნენ ძეწნები ირგვლივ
და მიტაცებდა გაშლილი ცისფრად
ცა, — ვარსკვლავებით ნაწერი წიგნი.
რა უდარდელად, ანდა რა რიგად,
მქონდა გულმკერდი გადაღედილი,
და მინათებდა ბავშვობის დილას
აწ შორეული მამის ღიმილი.

* * *

ვიცი, რომ სადღაც საოცრად ბრწყინავს
ულამაზესი ჩემი ღვთაება.
ნეტავ ოდესმე თუ შემომწირავს,
თავის სიყვარულს ვით უკვდავებს...
ბედო, ზღვა-ხმელი მომათარეშე
და არ კი მითქვამს მე შენთვის ჯერაც,
რომ მიჭირს ყოფნა მე მის გარეშე
და აღარც ჩემი სიმღერის მჯერა.



„ჩველანი ჩვენი“

ყვავილების უანბარო მსახური

ლამაზია ყვავილებში ამოყვანილი ქალაქი. იგი სიყვარულის და მადლიერების გრძნობით ავსებს როგორც აქაური მკვიდრის, ასევე ჩამოსული სტუმრის გულს. ჭეშმარიტად, შთამბეჭდავია ყველა მისი კუთხე, მიდამო, შემოგარენი, მაგრამ ყველა ამ სილამაზის ფასუთქმელი სამკაული ზღვისპირა პარკია.

უხილავი და ამოუხსნელი ოსტატია ბუნება, მაგრამ სილამაზის, ახალი ფორმის, თუ ახალი სახის შექმნის თვალსაზრისით, ადამიანი გამუდმებით ეწევა ბუნების გარდაქმნას, აუმჯობესებს მის პეიზაჟებს, ლანდშაფტებს, უფრო ლამაზს, მკენარეთა და ყვავილთა ფორმებს ქმნის. ვისაც ზღვისპირა პარკში ერთხელ მაინც გაუვლია, შეუძლებელია არ შეემჩნია ნაირფრად მოღაღანე, მაღალი გემოვნებით გაკეთებული კლუმბები, რომლებიც ყვავილთა ფერების ოსტატურად შეთანხმების ჰარმონიით პოეტურ ანსამბლებს ქმნიან, თუნდაც, კაფანდარა, დაშოლტილი გლადიოლუსები, ნაზი ყაყაჩოები და ბოლოს კი ტურფა ვარდნარი, რომელიც მუდამ ახალისებს თვალსა და გონებას. მაგრამ ყოველივე ეს ბუნების მზამზარეული წყალობა როდია, იგი ამადგარი ქალის — ნადია ჭედიას ოცდახუთმეტი წლის ნაამაგარია. ამ ნატიფ ყვავილებს და ნარგავებს სათუთი და გამოცდილი ხელიც სჭირდებოდა. ყველას როდი შეუძლია ყვავილის კვირტის საიდუმლოს ამოხსნა. მაგრამ ნადიას დაუღალავმა მარჯვენამ, მოუსვენარმა ბუნებამ, დიდმა სიყვარულმა ბრწყინვალედ შეაძლებინა. იგი არა

მარტო სამი შვილის დედაა, არამედ ამ ყვავილების მზრუნველი მშობელიცაა. ხშირად, ძალიან ხშირად შეხვედებით მცხუნვარე მზის ქვეშ, ჭილის ქუდში მუდამ მღვლვარე სახის მანდილოსანს, რომელიც ნარგავებს თავს დასტრიალებს. ხოლო საღამოთი თუმცა საბავშვო ეტლით მაინც აქაა საცდელ ნარგავებთან მოუსვენარი ბები... მუდამ გაზონებთან თუ კლუმბებთან მოფუსფუსე. მის ბუნებას სხვაგვარად ვერც წარმოუდგენია. — ბავშვობიდანვე ჩემს გატაცებას ყვავილი იწვევდა — ამბობს ნადია — ბუნების სილამაზე და სიყვარული მასაზრდობდა, ყოველთვის. ყვავილები და მხოლოდ ყვავილები იყო ჩემი ზრუნვის საგანი და ჩემი ცხოვრებაც ბოლომდის შეეჩვია მათ.

ბუნებრივია ყველა ადამიანის ცხოვრებაში არის წინაღმდეგობა. სამამულო ომს არც ნადია ჭედის ოჯახისათვის აუვლია გვერდი. მან ცხოვრების საყვარელი მეუღლე და მეგობარი დაჰკარგა. მაგრამ ყვავილების უცოდველმა ღიმილმა გადაარჩინა... დარდი შეუმჩატეს, ცხოვრების დანიშნულება აგრძნობინეს და დღემდე ერთად არიან ბუნების დიდსა და ლამაზ გზაზე. ნადია ჭედია უდაოდ მადლმოსილი ქალია, ვინ მოსთვლის მისი ნაშრომის ხილვით რამდენი თვალი დამტკბარა, რამდენ აწეწილ სულს მალამოსავით მისდგომია ყვავილების სალბუნი.

ნადია ჭედია ჩვენი ქალაქის მკვიდრია. საშუალო სასწავლებლის დამთავრებს შემდეგ სწავლა თბილისის სასოფლო-სამეურნეო ინსტიტუტში განაგრძო. აგრონომ-დეკორატორის სპეციალობით 1934 წლიდან მწვანე კონცხის მეურნეობაში ჰიბრიდების გამოყვანაზე მუშაობდა. 1935 წლიდან დღემდე კი ჩვენი პარკის აგრონომ-დეკორატორია. მისი მუშაობის ძირითად მიზანს ახალი ჯიშების გამოყვანა შეადგენს. პარკში მას გამოყოფილი აქვს ნაკვეთი, სადაც ახალი მცენარეების შეჯვარებას აწარმოებს.

ცნობილია ერთწლიანი დეკორატიული ყვავილი ანტერიუმი, რომელიც უშუალოდ ნადიას შეჯვარებით გარდაიქმნა მრავალწლიან მცენარედ. ანტერიუმისათვის დამახასიათებელი იყო ვარდისფერი ყვავილის ბუტკოები. შეჯვარების შედეგად კი მიიღო სრულიად ახალი, მეტად სასიამოვნო, მუქი ალუბლის ფერი. ასეთივე შეჯვარებით არის მიღებული პეტუნია. იგი მრავალწლიანი ყინვაგამძლე მცენარეა. პეტუნია ადრე გაზაფხულზე ყვავილობს. დამტვერვის შედეგად — ფერი შეიცვალა — უფრო განაზდა, გამშენიერდა და ძალიან დაემგვანა ჩინურ ვარდს. „საერთოდ ზღვისპირა პარკის ყვავილები ნაკლებ სურნელოვანი იყო, — ამბობს ნადია. მათ აკლდათ სპეციფიური არომატი. ამიტომაც წელს ვაწარმოებ ვარდების მყნობა, რომელმაც ძალიან კარგი შედეგი მოგვცა“.

ბოლქვოვან ყვავილებიდან კარგ შედეგს იძლევიან გლადიოლუსები (ხმალა). ესეც ნაირფეროვანი ყვავილია, იგი ვარდებთან ერთად ჩვენი პარკის წამყვანი ყვავილია. — გატაცებით მიყვება და მათვალთვლებინებს ნარგავებს.

—საერთოდ პარკში ყვავილების სხვადასხვა ჯიშია დაკომპლექტებული — მიმართავს იგი — თითქმის ხუთმეტრიოდე ჯიშის ყვავილი ხარობს ჩვენი პარკის ნაკვეთებზე. ამჯერად კი მათ მრავალრიცხოვან ოჯახს ჩინური ყაყაჩოც დავუმატეთ. გარდა ყვავილებისა ჩვენს პარკს მარადმწვანე დეკორატიული ნარგავებიც ამშვენებენ. ნაძვები, პალმები, კვიპაროსები, რომლებსაც — ამბობს ნადია — მსგავსად ყვავილებისა ყოველწლიურად დეკორატიულად ვაფორმებთ. გვიან შემოდგომაზე და ადრე გაზაფხულზე.

გაზაფხულზე კლუმბებში საგაზაფხულო ყვავილებს რგავენ, სადაც ნაირ-ფერ კლუმბებს თანდათანობით გადავყავართ ჰარმონიულ ფერთა სამყაროში. ასე იცვლება ჩვენი პარკის მომხიბვლელობა, რათა ადამიანის თვალმა და სულმა დაისვენოს, გალადდეს, ახალი სულიერი შთაგონება მიიღოს. ეს კი ადვილი საქმე როდია! მაგრამ ნადია ჰედისა მოუღლეელი მარჯვენა და მისი მგრძნობიარე სული, რომელიც ყვავილების წიაღში მკვიდრობს, ამის თავდები გახდა.

მადლიერი ადამიანი ყოველთვის ეთაყვანება ბუნების სილამაზესა და მის ამაგდარ ადამიანებს.



ქართული
ენციკლოპედია

აჭარის განთავისუფლებისათვის ბრძოლის ისტორიიდან


ოთხმოცდაათი წელი გავიდა მას შემდეგ, რაც ქართველმა ხალხმა 1877-78 წ.წ. რუსეთ-თურქეთის ომის შედეგად, რუსი მხედრობის დახმარებით დიდი ისტორიული გამარჯვება მოიპოვა და საქართველოს მკვიდრი ნაწილი — აჭარა თავის ოჯახს დაუბრუნა.

დასრულდა აჭარელთა საუკუნოვანი ტანჯვა დამპყრობლის მძიმე უღელქვეშ. მთლიან საქართველოსთან ერთად მას მომავალი ცხოვრების ახალი პერსპექტივა დაესახა.

XIX საუკ. 80-იანი წლებიდან ევროპის კაპიტალისტური განვითარების საერთო ფონზე თურქეთი, თავისი ეკონომიური და კულტურული განვითარების დაბალი დონით მკეთრად გამოირჩეოდა. მარქსის შეფასებით იგი ამ დროისათვის განვითარების ყველაზე დაბალ და ბარბაროსულ საფეხურზე იდგა.¹

რუსეთ-თურქეთის ომი, რომელიც 1877 წლის აპრილში დაიწყო, მალე თურქეთის დამარცხებით დამთავრდა. დამარცხებულმა მხარემ ზავი ითხოვა. ომის მიმდინარეობის მსვლელობაში რუსეთის ჯარებმა სტრატეგიულად ხელსაყრელი ადგილები დაიჭირეს, როგორც კავკასიის, ისე ბალკანეთის ფრონტებზე. რუსეთის არმია შორს გაიჭრა აზიის თურქეთის

1 კ. მარქსი, ფ. ენგელსი, ტ. 9, გვ. 374.



სიღრმეში და ყარსის, არდაგანისა და ბაიაზეთის ოლქების ვრცელ მუწა წყალი დაიკავა. ბალკანეთში იგი ანდრიანოპოლის ალბის შემდეგ კონსტანტინეპოლს, „ცარგრადს“ უახლოვდებოდა.¹ მართალია, 1878 წლის 18 იანვრის შეტევა ციხისძირზე, რომელსაც უნდა გადაეწყვიტა ბათუმის ბედი, უშედეგოდ დამთავრდა, მაგრამ რუსეთის მხედრობის საერთო წარმატებამ აიძულა თურქეთი მოლაპარაკების დროს რუსეთის ყველა პირობაზე დათანხმებულიყო. 1878 წლის 19 თებერვალს ქ. სან-სტეფანოში რუსეთსა და თურქეთს შორის ზავი დაიდო. საზავო პირობებით რუსეთს უნდა შემოეერთებინა ყარსის, არტაანისა და ბათუმის ოლქები, მაგრამ სან-სტეფანოს ხელშეკრულება, ევროპის სახელმწიფოების ჩარევით, რომელსაც ინგლისი მეთაურობდა, არ იქნა განხორციელებული. რუსეთ-თურქეთის 1877-78 წლების ომის შედეგების საკითხი ევროპის ქვეყნების: ინგლისის, საფრანგეთის, გერმანიის, ავსტრიის, იტალიისა და სხვა მთავრობათა მონაწილეობით ბერლინის საერთაშორისო კონგრესს უნდა გადაეწყვიტა სან-სტეფანოს დაზავებიდან ბერლინის კონგრესამდე განვლილი დრო — (1878 წლის თებერვალი-აგვისტო) თურქეთმა სცადა გამოეყენებინა იმისათვის, რომ ბათუმი და ბათუმის ოლქი ევროპის ქვეყნების დახმარებით კვლავ თავის მფლობელობაში დაეტოვებინა.

თურქეთის ხელისუფლებამ, რომელიც ვერ შერიგებოდა აჭარის „დაკარგვას“, სან-სტეფანოს დაზავების შემდეგ მოსახლეობაში მრავალ პროვოკაციულ ხერხს მიმართა. მთელ ამ საქმიანობას ბათუმში მოკალათებული თურქეთის კორპუსის სარდალი დევირიშ-ფაშა ხელმძღვანელობდა. პროვოკაცია განსაკუთრებით გაძლიერდა გენერალ-მაიორ კომაროვის მიერ 1879 წლის 17 აპრილს ართვინის დაკავების შემდეგ.

სან-სტეფანოს შეთანხმების შესაბამისად რუსეთის სარდლობის გეგმით, მათ ჯარებს ბათუმიც უნდა დაეკავებინათ. სწორედ აქ იჩინა თავი თურქეთის წინააღმდეგობამ. თურქეთის ხელისუფლებას ამ საქმეში ევროპის ქვეყნები აქეზებდა. მათ არ სურდათ ბათუმისა და მისი ოლქის რუსეთისათვის „დათმობა“. ბერლინის კონგრესზე, ერთი მხრივ, რუსეთის მთავრობის წარმომადგენლებზე სასტიკი „დაწოლა“ წარმოებდა ბათუმის დასატოვებლად, მეორე მხრივ, თურქი აგენტების მეოხებით ზემო აჭარაში, ქობულეთში და განსაკუთრებით ლაზეთში რუსეთთან შეერთების საწინააღმდეგო პროვოკაციული საქმიანობა მიმდინარეობდა.²

1 ვ. ი. ლენინი, თხზ., ტ. 23, გვ. 159.

2 შ. მეგრელიძე, აჭარის განთავისუფლება თურქთა ბატონობისაგან, 1965, გვ. 69.

როგორც ცნობილია, ომის მსვლელობაში აჭარის მოსახლეობა, განსაკუთრებით ის სოფლები, რომლებიც ფრონტის ხაზზე აღმოჩნდნენ (ქობულეთი) მძიმე მდგომარეობაში ჩავარდნენ. საქმე მარტო იმაში როდი იყო, რომ ხალხი სამეურნეო საქმიანობას მოწყდა და მისი ეკონომიური ცხოვრება დაეცა, არამედ მოწინააღმდეგე არმიების მანევრირებამ და სამხედრო ოპერაციებმა, ისედაც დაბეჩავებულ მოსახლეობაში შიში და დაბნეულობა შეიტანა. ამ გარემოებას ზოგჯერ მოხერხებულად იყენებდნენ: თვით თურქეთის სარდლობა, ადგილობრივი მაღალი წოდების წარმომადგენლები და ხოჯა-მოლები. მთელი ამ „საქმიანობის“ ცენტრი თავს იყრიდა ბათუმში — მუშირ დევრიშ-ფაშასთან.¹

თურქეთის სარდლობამ ენერგიული ზომები მიიღო სან-სტეფანოს შეთანხმების საწინააღმდეგოდ. დევრიშ-ფაშა ყოველგვარ ხერხს ხმარობდა, რათა გენერალ-ლეიტენანტ კომაროვის ნაწილებს ართვინის შემდეგ ბათუმში არ დაეკავებინათ. იგი ზემო აჭარის მოსახლეობას აქეზებდა შერიგებებზე ხიმშიაშვილის წინააღმდეგ, რომელიც რუსეთის მომხრე იყო. ხოლო ალი-ფაშა თავდგირიძე და მისი ძმები ქობულეთში დევრიშ ფაშას აშკარად ხელს უწყობდნენ.²

დევრიშ-ფაშა არ დაკმაყოფილდა რუსების მიერ ართვინის დაკავების გამო ოფიციალურ ულტიმატუმებს, რომლითაც მან სრულიად დაუსაბუთებლად მიმართა ართვინის რაზმის უფროსს გენერალ-მაიორ კომაროვს და რიონის მხარის ჯარების სარდალ გენერალ-ლეიტენანტ ოკლობეიოს. თურქეთის სარდლობამ სან-სტეფანოს დაწავების პირობების დარღვევით დაიწყო მოსახლეობის „გამოსვლების“ ორგანიზაცია და მზადება ართვინის დასაკავებლად.

ართვინის თითქოსდა „თვითნებური“ დაკავების მოტივით, ბათუმის ოლქის მაშინდელმა ხელისუფლებამ განსაკუთრებული ღონისძიებები მიიღო. თურქეთის აგენტურა ჭოროხის ხეობის მოსახლეობაში ლაზებში, აჭარასა და მაჭახელში ხმებს ავრცელებდა რუსეთ-თურქეთის შეთანხმების დარღვევის აუცილებლობისა და ართვინიდან რუსების წასვლის შესახებ.³

თურქეთის ხელისუფალნი მარტო პროპაგანდას არ კმაყოფილდებოდნენ, მათ მოსახლეობის „მისამხრობად“ სამხედრო ძალის გამოყენებას მიმართეს⁴ და ბათუმის ოლქის მთელ რიგ ადგილებში რეგულარული ჯარები შეიყვანეს.

1 ნ. ახვლედიანი, სახალხო-განმათავისუფლებელი ბრძოლის ისტორიიდან სამხრეთ საქართველოში, ბათუმი, 1957, გვ. 132.

2 საქ. სსრ მეცნ. აკად. ბათუმის სამეც.-კვლ. ინსტიტუტის 1962 წ. ეთნოგრაფიული ექსპედიციის დღიური.

3 ვ. სიჭინავა, ბათუმის ისტორიიდან, ბათუმი, 1958, გვ. 65; შ. მეგრელიძე, აჭარის განთავისუფლება თურქთა ბატონობისაგან, ბათუმი 1956, გვ. 69-70; მისივე, აჭარის წარსულიდან, თბ, 1964, გვ. 11-12.

4 ნ. ახვლედიანი, დასახ. ნაშრ. გვ. 132.

თურქეთის ხელისუფლების ამ მოქმედებამ ერთხანს — 1878 წლის აპრილ-ივლისში — ერთგვარი შედეგი გამოიღო. ამას ხელს უწყობდა რუსეთის წინააღმდეგ ევროპის ქვეყნების პოლიტიკური კომპანიაც.

თურქეთის ამ მოქმედების შედეგად 1878 წლის აპრილის ბოლოს ლაზისტანსა და ზემო აჭარაში ადგილი ჰქონდა მოსახლეობის ერთი ნაწილის მღვდლვარებას. თურქებმა ისარგებლეს მდგომარეობით და ზემოაჭარის გავლენიან პირთან შერიფ-ბეგ ხიმშიაშვილთან ანგარიშის გასწორება გადაწყვიტეს. თურქების მიერ მოტყუებულმა აჭარელთა ერთმა ჯგუფმა დაარბია შერიფ-ბეგის სახლკარი, რომელიც იძულებული გახდა რუსეთის არმიისათვის შეეფარებინა თავი.¹

თურქეთის სამხედრო ხელისუფლება მდგომარეობას უფრო და უფრო ართულებდა. კომაროვისა და ოკლობუიოს ცდები, მოლაპარაკებების გზით აეძულებინათ დევრიშ-ფაშა ავანტურაზე ხელი აეღო, სასურველ შედეგს არ იძლეოდა.²

თურქეთის სამხედრო ხელისუფლებამ მიუხედავად საზავო პირობებისა, დევრიშ-ფაშის მეოხებით 1878 წლის 12-17 მაისს გენერალ კომაროვის ნაწილების წინააღმდეგ ათასი „ბაშიბუზუკის“ თანხლებით სამი ბატალიონისაგან შემდგარი ნაწილი გადაისროლა. თვით ართვინის კაიმაკამმა მუსტაფა-ფაშამ მოსახლეობაში იარაღის დარიგება დაიწყო და აუკრძალა მათ რუსული ნაწილებისათვის სურსათის მიყიდვა. დევრიშ-ფაშის ამ ოპერაციას რამდენადმე ხელს უწყობდა ზემო აჭარიდან შავზეთში „ბაშიბუზუკთა“ თავდასხმა, რომელიც თურქების საერთო გეგმაში შედიოდა.³

მაგრამ რუსეთის სარდლობა ხელშეკრულებით ნაკისრი ვალდებულებებიდან გამოდიოდა და საომარი მდგომარეობის განახლების ამ ავანტურას არ აპყვა, რადგან იგი ხელს შეუწყობდა მოსახლეობის უფრო მეტად დაშინებას და უნდობლობას რუსეთის სამხედრო ნაწილებისადმი. რუსეთის სარდლობამ ყოველი ღონე იხმარა რათა დევრიშ-ფაშას ხელი აეღო ამ უმსგავსო მოქმედებისაგან. ამასთან ერთად სამხედრო ნაწილებს ებრძანათ შეტაკების შემთხვევაში შეენარჩუნებინათ დაკავებული პოზიციები როგორც ართვინში, ისე ქობულეთის უბანზე. დევრიშ-ფაშა ბერლინის კონგრესის გადაწყვეტილების მოლოდინში იყო, მან უარი თქვა მოსალაპარაკებლად თბილისში მიწვევაზე. ამავე დროს თურქების აგიტაცია აჭარის მოსახლეობაში გრძელდებოდა. მასში უკვე აქტიურად მონაწილეობდნენ ინგლისელი ემისრებიც.⁴

1 სახ. ცენტრ. სამხ. ისტ. არქ. ფ. ვუა, საქმე 1137, გვ. 5-6.

2 იქვე.

3 იქვე, გვ. 7.

4 იქვე, გვ. 9-11.

ინგლისის მთავრობა საზავო მოლაპარაკების წინ არა მარტო ოფიციალურ დემარშებს აკეთებდა რუსების წინააღმდეგ ომის დაწყების შემთხვევაში, არამედ მისი აგენტურა თვით აჭარბებდა „საქმიანობა“ რუსეთის წინააღმდეგ ინგლისის საომარი გამოსვლის შესაძლებლობისა და რუსების ჯარების დამარცხების ავტორიტეტით. ინგლისელთა წაქეზებით იყო, რომ ართვინის მისადგომებთან ლაზების შეიარაღებულმა ჯგუფმა რუსულ მოწინავე ნაწილებს სროლა აუტეხა.

რუსეთის ჯარების კავკასიის მთავარსარდლობა გულხელდაკრეფილი ვერ შეხვდებოდა ავანტიურისტულ მოქმედებას, რასაც თურქეთის სამხედრო ხელისუფალნი ინგლასელების წაქეზებით სჩადიოდნენ. მან თავის მხრივ აუცილებლობის შემთხვევაში კონტროლისძიების გეგმა დასახა. სამხედრო სტრატეგიული თვალსაზრისით ეს გეგმა ორი ნაწილისაგან შედგებოდა: 1. იმ შემთხვევაში თუ მხოლოდ თურქეთის ჯარები მოაწყობდნენ შეტაკებას, რუსეთის მხედრობის გეგმით ჯარები უმაღლვე შეტევაზე უნდა გადასულიყვნენ დაკავებული პოზიციებიდან და დაეჭირათ ბათუმი სამი მხრიდან: ქობულეთიდან, ზემო აჭარიდან და ართვინიდან. 2. მეორე ოპერატიული გეგმა ვარაუდობდა თურქეთისა და ინგლისის ჯარებთან შეტაკების შესაძლებლობას და ამ შემთხვევაში პირველ ხანებში იგი დაკავებულ პოზიციებზე თავდაცვითი ხასიათისა უნდა ყოფილიყო. სამხედრო სარდლობის გეგმაში ერთ-ერთი მთავარი ადგილი ადგილობრივი მოსახლეობის თურქეთის ჯარების გავლენისაგან ჩამოცილებას და მათთან ურთიერთობის განმტკიცებას ეჭირა.¹

ამრიგად, 1878 წლის თებერვალ-ივლისში ბათუმის ოლქში უაღრესად გამწვავებული მდგომარეობა შეიქმნა, რაც მაშინდელი საერთაშორისო პოლიტიკური ვითარების ერთერთი გამოხატულება იყო.

რუსეთის ეს გამწვავებული საგარეო მდგომარეობა ბათუმის საკითხთან დაკავშირებით საერთაშორისო მსჯელობის საგანი გახდა. ეს მოვლენა რუსულ და საზღვარგარეთულ პრესაში ფართოდ აისახა. რუსეთის ამ მდგომარეობაზე მიუთითებდა ვ. ი. ლენინი, როცა წერდა, რომ 1878 წელს თურქეთთან დაკავშირებით რუსეთი ინგლისთან ომის საფრთხის წინაშე იდგაო.²

ამგვარად, 1877-78 წლების რუსეთ-თურქეთის ომის შედეგად ბათუმის საკითხი უაღრესად მწვავე პრობლემად გადაიქცა. იგი 1878 წლის ბერლინის საერთაშორისო კონგრესის მსჯელობის ცენტრში იდგა. მაგრამ ვერც თურქეთის მთავრობის პროვოკაციულმა მანევრირებამ და ვერც

1 იქვე, გვ. 10-11.

2 ვ. ი. ლენინი, თხზ., ტ. 23, გვ. 159

ადგილობრივი მაღალი ფენების გამცემლობამ, ვერ შეაჩერა აჭარის განთავისუფლებისათვის ბრძოლის მიმდინარეობა. რუსეთი არა მარტო შავ ზღვაზე მოპოვებულ გამარჯვებას არ დასთმობდა, არამედ 1877-78 წლების ომის შედეგი იმდენად მნიშვნელოვანი იყო მთელი ქართველი ხალხისათვის, და განსაკუთრებით კი აჭარის მოსახლეობისათვის, რომ არავითარ ძალას აღარ შეეძლო მისი შეტრიალება.

ბათუმის ოლქის მოსახლეობის ჩამორჩენილი ფენების მოტყუება თურქეთის ხელისუფლებამ დიდხანს ვერ შეძლო. ბერლინის კონგრესის მსვლელობაში კიდევ უფრო ნათლად გაჩინდა მათი საწინააღმდეგო ტენდენცია.

რუსეთის არმიის სარდლობა ამასთან დაკავშირებით აღნიშნავდა, რომ მოსახლეობის საერთო განწყობილება 1878 წლის ივლისისათვის კვლავ განმტკიცდა და სასურველი გახდა. მათ ზურგი შეაქციეს თურქებს.¹ რუსი მხედრობის კეთილშობილურმა მოპყრობამ, უკანდახვევის დროს თურქი ასკერების ძალადობამ, ხალხს თვალი აუხილა. აჭარის მოსახლეობის სიმპათიები გამანთავისუფლებელი მხედრობისადმი დღითი-დღე იზრდებოდა. ამის ერთ-ერთი დადასტურება ქიბულეთის მოსახლეობის მოქმედება იყო. ცნობილია, რომ ომის მსვლელობაში ხალხის მოლაღატე თავდგირიძეებმა ალი-ფაშას მეთაურობით რუსების წინააღმდეგ ერთგვარი „ლაშქარი“ („ბაშბუზუკი“) შეაკოწიწეს, მაგრამ, როგორც მასალებით დასტურდება, თვით საომარი ოპერაციების მსვლელობაში ქობულეთელთა დიდი ნაწილი ჩამოშორდა მოლაღატე ფაშას, ნაწილი კი რუსების მხარეზე გადავიდა.² ომის შეწყვეტის შემდეგ მოსახლეობამ სწორი არჩევანი გააკეთა.

თურქეთის აგენტები: ალი ფაშა და ასლან ბეგ თავდგირიძეები თავიანთი მომხრეებით, ჯერ კიდევ საზავო მოლაპარაკების დროს ხალხს მოუწოდებდნენ რუსების მხრით შევიწროებისაგან თავდაღწევის მიზნით დაეტოვებინათ ადგილსამყოფელი და თურქეთში გადასახლებულიყვნენ.³

ომის მსვლელობაში სამხედრო მოქმედების მთელი სიმძიმე ყველაზე მეტად ქობულეთმა გადაიტანა. იგი მდინარე ჩოლოქიდან ციხისძირის მისადგომებამდე საომარი ოპერაციების ცეცხლში იყო გახვეული, ასეთ ვითარებაში, ბუნებრივია, მოსახლეობა მუდმივი დარბევა-დაქცევის შიშის ქვეშ იმყოფებოდა და პროვოკატორთა აგიტაციას მუჰაჯირობაზე ერთგვარი გავლენა უნდა ჰქონოდა, მაგრამ მალე ვითარება შეიცვალა და ხალხმა სწორი არჩევანი გააკეთა — თურქეთის აგენტებისა და ბეგ თავდგირიძეების წინააღმდეგ აღსდგა.

1 სახ. ცენტრ. სამხ. არქ. ფ. ვუა, საქ. 1337, გვ. 10.

2 საქ. სსრ. მეცნ. აკად. ბათუმის სამეცნ. კვლევ. ინსტიტუტის 1962 წლის ეთნოგრაფიული ექსპედიციის დღიური.

3 სახ. ცენტრ. სამხ. არქ., ფ. ვუა, საქმე 1337, გვ. 44

1873 წლის 14 აგვისტოს ქობულეთელთა დელეგაციამ ოკლობეის
გადასცა ხალხის გადაწყვეტილება რუსეთის მთავრობასთან მათი კარგე
ურთიერთობის შესახებ. თავის მხრივ რუსეთის მთავრობის სახელით გენე-
რალ-ლეიტენანტმა ოკლობეიომ მათ მისცა გარანტია.

«...14-го же числа вновь прибывшим на Хуц-убани из Кобулета
депутатам с обещанием нам полной покорности было объявлено по-
веление его высочества о неприкосновенности их быта. Из перегово-
ров с этими лицами выяснилось и делавшиеся турецкими властями
убеждения народа к переселению в Турцию, в виду вероятных со-
стороны нашей притеснений, исходившие от разъезжавших по краю
местных беков Али и Аслана Тавдгиридзе и других».¹

ქობულეთში საქმის ასეთი წარმართვით თვით რუსი მხედრობის წა-
რმომადგენელნი აღფრთოვანებულნი იყვნენ.

ბერლინის კონგრესმა, რომელიც 1878 წლის ივნის-ივლისში მიმდი-
ნარობდა რუსეთს ყარსის, არტაანის, ართვინისა და ბათუმის ოლქების
ვრცელი მიწა-წყალი დაუტოვა.

ბერლინის საერთაშორისო კონგრესის გადაწყვეტილებით თურქე-
თის მიერ ბათუმის ოლქის რუსეთისათვის ჩასაბარებლად 1878 წლის აგ-
ვისტოში ქ. ქუთაისში ორმხრივი რუსეთ-თურქეთის კომისია მუშაობდა.
კომისიაში რუსეთის მხრივ წარმოდგენილნი იყვნენ: გენერალ-ლეიტენან-
ტი თავადი ტრუბეცკოი, თავადი გ. გურიელი, ზემდეგი ვასილჩიკოვი და
რუსეთის ყოფილი ელჩი — ჯუღაიჩი. თურქეთის მთავრობას წარმოდგენ-
დნენ: ნეად-ფაშა, ალი-ბეი, სულეიმან-ბეი და სხვ. კომისიის მუშაობას
ხელმძღვანელობდა კავკასიის არმიის მთავარსარდლის მოადგილე გენე-
რალ-ადიუტანტი თავადი სვიატოპოლკ-მირსკი. კომისიამ 16 აგვისტოს
დაამთავრა მუშაობა და რუსული ნაწილების ბათუმში შესვლის დრო 25
აგვისტო დაადგინა.

ბათუმის ოლქის დაკავება რუსეთის კავკასიის მთავარსარდლობის
გვეგით სამი მხრიდან უნდა მომხდარიყო: ქობულეთიდან — ჩურუქსუს,
სამეხის, კვირიკის, ციხისძირისა და ჩაქვის გავლით. ართვინიდან — ქედა-
ბათუმის მიმართულებით და ახალციხიდან: ხულო-ქედა-ბათუმის მიმა-
რთულებით. საერთო ხელმძღვანელობა დავალებული ჰქონდა სვიატო-
პოლკ-მირსკის, რომელიც ქობულეთის რაზმს მიუძღოდა. ქობულეთის
რაზმს მეთაურობდა გურიის ნაწილის უფროსი გენერალ-მაიორი ნური-

¹ იქვე, გვ. 20-21.

დუ, ახალციხისას ანუ ზემო-აჭარისას — გენერალ-მაიორი ტრეიტენი
ხოლო ართვინისას — გენერალ-მაიორი კომაროვი.

ამ ორ უკანასკნელ რაზმს საერთოდ ხელმძღვანელობდა ახალქალაქში
დაბანაკებული არდაგანის დივიზიის მეთაური გენერალ-ლეიტენანტი ტერ-
გუკასოვი. სარდლობის ოპერატიული გეგმით ქობულეთის რაზმმა ჩუ-
რუქ-სუ, სამება და კვირიკე 17 აგვისტოს დაიკავა, ციხისძირი — 21 აგ-
ვისტოს. ჩაქვი — 24 აგვისტოს და 25 აგვისტოსათვის იგი ბათუმთან
იდგა. ამავე დროს ართვინიდან 21 აგვისტოს გამოსულმა კომაროვის ნაწი-
ლებმა 23 აგვისტოს მოაღწია ბორჩხაში. ზემო აჭარის რაზმი სამ ნაწილად
იყო გაყოფილი. მარჯვენა ნაწილს მეთაურობდა თავადი ერისთავი, რო-
მელიც მოხეს იაილიდან შემოვიდა ღორჯომში; შუა ნაწილი — პოლკოვნიკ
რიდიგერის ხელმძღვანელობით გადმოვიდა გოდერძზე; ხოლო მარცხენა-
ფრთა — პოლკოვნიკ მაკევეის წინამძღოლობით ბალნარიხევიდან გადმო-
ვიდა ბაკო-ხიხაძირზე. ზემო აჭარის რაზმის ცალკეულმა ნაწილებმა უკვე
25 აგვისტოსათვის დაიკავეს: რიყეთი, ღორჯომი, თხილვანა, ხიხაძირი,
ოშანახევი, კვატია, ფურტოი და ხულო; 29 აგვისტოს ჭვანა და ნიგაზეუ-
ლი, 30 აგვისტოს — დანდალო და ცხმორისი, ხოლო დაბა ქედა 1 სექ-
ტემბერს. ზემო აჭარისა და არტაანის რაზმები ბათუმში შევიდნენ 2 სექ-
ტემბერს.

რუსული ნაწილების ზემო აჭარაში, ქობულეთსა და მაჭახელ-ლივა-
ნაში შემოსვლა იყო საუკეთესო დემონსტრაცია იმისა, თუ როგორი აღ-
ფრთოვანებით ეგებებოდა ხალხი გამათავისუფლებელ არმიას. ამის შესა-
ხებ სამხედრო სარდლობის ოფიციალური ცნობების გარდა, იმდროინდელ
პრესაში საკმაო მასალა მოცემული.

კავკასიის არმიის სარდლობის რაზმების უფროსის სვიატოპოლკ-მირ-
სკის განკარგულებით 1878 წლის 14 აგვისტოს მოსახლეობას წარედგინა
სამხედრო სარდლობის გარანტიები, რომელიც ქართულ ენაზე იყო შედ-
გენილი და საჯაროდ ცხადდებოდა. ამ განცხადებაში ნათქვამი იყო, რომ
დაცული იქნებოდა ბათუმის ოლქის მოსახლეობის ოჯახური, ქონებრივი
და რელიგიური ხელშეუხებლობა. ასევე დარჩებოდა აგრეთვე შინა-სახალ-
ხო მმართველობის არსებული წესები.

როგორც ზემოთ იყო ნათქვამი, ქობულეთის მოსახლეობამ თავისი ნე-
ბასურვილი ადრევე გამოხატა რაზმში დეპუტატების წარგზავნით, ხალხი
რაზმის მსვლელობას გულითად შეხვედრას უწყობდა.

მათი განწყობილება შესანიშნავად გამოხატა რუსთა არმიის მეწინავე,

ქართველი მხედრობის შესახებ დრად გამართულ მიტინგზე ცნობილმა საზოგადო მოღვაწემ გულო კაიკაციშვილმა, რომელმაც ამაღლებელი სიტყვით მიმართა: „...ეხლა ღვით მე იმედი მაქვს, რომ რაკი ჩვენს ქვეყანაში ნამდვილი ძმები, ბიძაშვილები და ნათესავებისაგან შემდგარი ქართველი ჯარი შემოვიდა, ახლა... გავძლიერდებით ჩვენ, ავმაღლდებით სულით. გულით. თქვენც ჩვენის დაახლოებით გაიხარებთ და მერე ჩვენის ასეთი შეერთებით და ამ ერთმანეთის სიყვარულით აღსდგება და გაძლიერდება საქართველო...“¹

ჯერ კიდევ 22 აგვისტოს ზემო აჭარის რაზმის გადმოსვლამდე გენერალ-მაიორ ტრეიტერთან ავიდა ქვემო აჭარის საპატიო პირების დეპუტაცია. მათ სრული ერთგულება აღუთქვეს და ხეობის დასაკავებლად მიიწვიეს. აქვე უნდა ითქვას, რომ თურქეთის აგენტურა ქობულეთ-მაჭახლის შემდეგ დიდ მუშაობას ქვემო აჭარაში ეწეოდა, რაზედაც რუსეთის სამხედრო სარდლობაც იყო ინფორმირებული.² იმის გამო, რომ ქობულეთის რაზმი უკვე 25 აგვისტოსათვის ბათუმთან იყო, ზემო აჭარის რაზმის მარჯვენა ფრთა ერისთავის წინამძღოლობით პერანგაზე აღარ გადასულა. რადგან ზემო ხინოსა და ზერაბოსელის საზოგადოება სრულ სიწყინარეს იჩენდა.³

ბათუმის ოლქის თითქმის ყველა თემსა და სოფელში მოსახლეობის ასეთმა გულითადად შეხვედრებმა სამხედრო სარდლობა დაარწმუნა. რომ დიდი სამხედრო ნაწილების გადმოყვანა მხარის დასაკავებლად აღარ იყო საჭირო.

აჭარის მოსახლეობის გამათავისუფლებელ არმიასთან შეხვედრის საუკეთესო გამოხატულება იყო სოფ. ცხმორისში ზემო და ქვემო აჭარის მცხოვრებთა წარმომადგენლობის მისვლა გენერალ-მაიორ ტრეიტერთან. მათ ხალხის გულითადი მადლობის გადასაცემად მთავარსარდლის მოადგილესთან, გენერალ-ადიუტანტ სვიატოპოლკ-მირსკისთან შეხვედრა მოითხოვეს, რომელიც 1878 წლის 2 სექტემბერს ბათუმში განხორციელდა.⁴

რუსეთის სამხედრო ნაწილების ეს საზეიმო მსვლელობა 1878 წლის 25 აგვისტოს ბათუმის გათავისუფლებით დაგვირგვინდა. 25 აგვისტოს დღის 2 საათზე საზეიმო ვითარებაში ბათუმზე რუსეთის დროშა აფრიალდა.

1 ა. სურგულაძე, გულო კაიკაციშვილის უცნობი სიტყვები, „ლიტერატურული აჭარა“, № 3. 1968 წ.

2. სახ. ცენტრ. სამხ. არქივი, ფ. ვუა, ს. 1337, გვ. 31.

3 იქვე, გვ. 32.

4 იქვე, გვ. 34.

აჭარის განთავისუფლების ღირსშესანიშნავ დღეს მიეძღვნა 1878 წლის 2 სექტემბერს რუსეთის ჯარის ხელმძღვანელობისა და ადგილობრივი მოსახლეობის წარმომადგენელთა შეხვედრა. შეხვედრის ნაღიმს აჭარის განთავისუფლებისათვის დედაწამოსილი შერიფ-ბეგ ხიმშიაშვილი ხელმძღვანელობდა.

შერიფ-ბეგის სიტყვებში გადმოცემული იყო მოსახლეობის უღრმესი მადლობა გამათავისუფლებელი არმიისადმი: „ესეც იმათი სადღეგრძელო იყოს. — ამბობდა შერიფ-ბეგი, — ვინც ამ ომში მონაწილეობა მიიღო და ჩვენ ძველი და ახალი განაწილებული ქართველები შეგვაერთა. ვისურვოთ იმათი ბედნიერება და სიცოცხლე!“¹

სამხრეთ-დასავლეთ საქართველოს მნიშვნელოვანი ნაწილის განთავისუფლება თურქეთის მრავალსაუკუნოვანი ბატონობისაგან მთელი ქართველი ხალხის ისტორიული დღესასწაული იყო. იმდროინდელი ქართული პრესა პატრიოტული წერილებითა და სტატიებით გამოეხმაურა. საერთო აღტაცებას გამოთქვამდნენ ჩვენი ერის ცნობილი საზოგადო მოღვაწეები და მწერლები: ი. ჭავჭავაძე, ა. წერეთელი, ს. მესხი, რ. ერისთავი, დ. ყიფიანი, ნ. ნიკოლაძე, პ. უმიკაშვილი და სხვ.

განთავისუფლების დღეებში ი. ჭავჭავაძე წერდა: „ჩვენი ძმები, ჩვენი სისხლზორცეული, ჩვენთან ერთად „მებრძოლი შავის ბედისა“ ჩვენის გამირების ბუდე, ჩვენის უწინდელის განათლებისა და სწავლის აკვანი, ჩვენი ძველი საქართველო, დღეს ჩვენ შემოგვიერთდა“.²

1878 წლის ნოემბერში ქ. თბილისში საზოგადოებრიობამ ზეიმით აღნიშნა აჭარის განთავისუფლება. ამ ზეიმზე მოწვეულნი იყვნენ აჭარის მოწინავენი: შერიფ ხიმშიაშვილი, ხუსეინ აბაშიძე, ნური ხიმშიაშვილი, ხუსეინ ბეჟანიძე და სხვები. დღეგაცეის საპატივცემულოდ გამართული სადილი ქართველი ხალხის დღესასწაულად გადაიქცა. სიტყვებში, რომელიც წარმოთქვეს გრიგოლ ორბელიანმა, აკაკი წერეთელმა, დიმიტრი ყიფიანმა და სხვებმა, გადმოცემული იყო ქართველი ხალხის უსაზღვრო სიხარული. რასაც იგი თავისი მოძმეების შემოერთებით განიცდიდა. ასევე ღრმად პატრიოტული იყო აჭარის წარმომადგენელთა საპასუხო სიტყვები.

ახლად შემოერთებულ მხარეს, რომელიც თურქების ადმინისტრაცი-

1 „დროება“ № 182, 1878 წ.

2 ი. ჭავჭავაძე, ტ. 5. 1955 წ. გვ. 18.

ული დაყოფით ლაზისტანის სანჯაყში შედიოდა, ბათუმის ოლქი ეწოდა: 1878 წლის 20 სექტემბერს კავკასიის მეფის ნაცვალმა დაამტკიცა ბათუმის ოლქის ადმინისტრაციული მმართველობის დროებითი წესები.¹ ოლქში თავდაპირველად სამი ოკრუგი გამოიყო, კერძოდ: ბათუმის (კინტრის, გონიოს და ბათუმის უბნებით), ართვინის (არტანუჯის, ართვინის და შავშეთის უბნებით) და აჭარისა (ზემო აჭარის, ქვემო აჭარისა და მაჭახლის უბნებით) ცალკე საოლქო და სანავსადგურო ქალაქად გამოიყო ბათუმი.²

ბათუმის ოლქი, სამხედრო და ადმინისტრაციული თვალსაზრისით კავკასიის მეფისნაცვალს ე. ი კავკასიის არმიის მთავარსარდალს და მის სამხედრო განყოფილებას დაექვემდებარა. ოლქის სამხედრო გუბერნატორად გენერალ-მაიორი კომაროვი დანიშნა. მის თანაშემწედ და საოლქო მსასამართლოს თავმჯდომარედ თავადი ერისთავი, ხოლო თვით ბათუმის ოკრუგის უფროსად თავადი გ. გურიელი. ბათუმის ოლქის ადმინისტრაციული დაყოფის წესდებაში, ბათუმის გუბერნატორის არჩევით და კავკასიის მეფისნაცვლის დამტკიცებით სახალხო გამგეობის თანამდებობაზე ადგილობრივი მცხოვრებლების დანიშვნის შესაძლებლობაც იყო მითითებული, ხოლო სამოქალაქო საქმეების გასარჩევად სახალხო მეჯლისები დატოვებული იქნა.

მეფის რუსეთის კანონების მიხედვით მართვის ეს წესები სულთანის თურქეთის მართვა-გამგეობასთან შედარებით, აჭარელთა ცხოვრებაში წინგადადგმული ნაბიჯი იყო. აქვე უნდა შევნიშნოთ, რომ ოლქის ადმინისტრაციულ მმართველობაში, განსაკუთრებით ე. წ. სამოქალაქო მართვის დარგში რუს ჩინოვნიკებთან ერთად, რამოდენიმე ქართველი პატრიოტის — თავად გრიგოლ გურიელის, ერისთავის, ამილახვარის, მეფისოვისა და მსხვათა შეყვანას გარკვეული მნიშვნელობა ჰქონდა.

ამრიგად, რუსეთმა მის წინააღმდეგ დაძაბული საერთაშორისო ვითარების მიუხედავად, არ დათმო მოპოვებული გამარჯვების მთავარი შედეგი — შავ ზღვაზე ნავსადგური ბათუმი და კავკასიაში უაღრესად მნიშვნელოვანი სტრატეგიული — ეკონომიკური მხარე ბათუმის ოლქი. ამ საქმეში მას ენერგიულად დაუჭირა მხარი ჩავვრისაგან განაწამებმა ადგი-

1 ვ. სიჭინავა, დასახ. ნაშრ., გვ. 75-76.

2 მ. ჭიჭინაძე, ქართველ მაჰმადიანთა დიდი გადასახლება ოსმალეთში. მუჰაჯირობა-ემიგრაცია, თბილისი, 1912, გვ. 187.

ლობრივმა მოსახლეობამ, რომელიც ღირსეულად შეხვდა რუსეთის გამათავისუფლებელ მხედრობას.

ომის შედეგად საბოლოოდ მოხერხდა სამხრეთ-დასავლეთ საქართველოს ისტორიული მიწა-წყლის აჭარის თურქეთის ბატონობისაგან განთავისუფლება და მისი დედა-საქართველოსთან შეერთება.

ამ დროიდან აჭარაში ახალი სამეურნეო, კულტურული და ეროვნული აღორძინების ხანა იწყება.





პირველი ტორპედოს გამოყენება

ტორპედოს ისტორია ბათუმთანაა დაკავშირებული. რუსეთის ფლოტმა ადამი-რალ მაკაროვის მეთაურობით პირველად აქ გამოიყენა ეს მძლავრი იარაღი, რომელსაც მაშინ „თვითმფრენი ნაღმი“ უწოდეს.

აი, როგორ მოხდა ეს.

რუსეთის ინიციატივით 1877 წლის მარტში ლონდონში შედგა ექვსი სახელმწიფოს წარმომადგენელთა კონფერენცია, რომლის გადაწყვეტილება ავალებდა თურქეთს გადაპქრელი ზომები მიეღო ქრისტიანობის დასაცავად. თურქეთი წინ აღუდგა ამ გადაწყვეტილებას და 23 აპრილს შავი ზღვის ბლოკადა გამოაცხადა. ამის საპასუხოდ რუსეთმა ომი გამოუცხადა მოწინააღმდეგეს და შეუდგა სამზადისს. საჭირო გახდა შავი ზღვის სამხედრო ფლოტის სასწრაფოდ აღდგენა, და ამ საქმეს სათავეში ახალგაზრდა ს. მაკაროვი ჩაუყენეს. იგი ჯერ კიდევ ომის დაწყებამდე თბომაველ „კონსტანტინის“ კაპიტანდ დანიშნეს. მალე საჭირო გახდა ამ გემის ნაღმოსნად გადაკეთება.

„კონსტანტინის“ ეკიპაჟმა კიდევ ერთი სიახლე განახორციელა: გემბანზე აიტანა ოთხი სატორპედო კატარღა, მათ შორის „ჩესმა“ და „სინობი“.

1877 წლის 2 მაისს მტრის ხუთი ჯავშნოსანი მოადგა. სოხუმს და ორსათნახევრის განმავლობაში ბომბავდა ამ ქალაქს. სევასტოპოლში მყოფმა ს. მაკაროვმა, გაიგო თუ არა. ახმედ ფაშას ესკადრა ბათუმს მოადგაო, „კონ-

სტანტინი“ აქეთკენ დასძრა და რამდენიმე დღის შემდეგ უკვე ჩვენი ქალაქის სანაპირო ზონაში მტერს ზვერაგდა.

ყველაზე სწრაფმაველმა „ჩესმა“ ბრძანება მიიღო პირველს მიეტანა იერიში მოწინააღმდეგეზე. ოპერაციაც განხორციელდა, მაგრამ ნაღმი არ აფეთქდა. მორიგ თებრაციას ს. მაკაროვი ხელმძღვანელობდა... და მტერი იგემებდა ძლიერ დარტყმებსაც, მაგრამ იგი მიიძვალა. ბათუმის რეიდზე დარჩენა სასიფათო შეიქნა. სევასტოპოლში დაბრუნებულ ს. მაკაროვსა და მის ეკიპაჟს ჭორები გაუვრცელეს.—არ უნდა გაეშუათ ეს მეტიჩარა ბათუმში, კბილებამდე შეიარაღებულ და ჭარბ მტერთან შეებმა თამაში ხომ არაა, აიჩემა ახალი იარაღი და ყველა აგვაწრიალაო. ამან ძალიან ააღელვა ს. მაკაროვი და ბრძოლაში ჩაბმას ესწრაფვოდა. მას მხარი დაუჭირეს მეზღვაურებმაც. ახალგაზრდა ოფიცერმა ამჯერად ითხოვა, მის „განკარგულებაში გადაეცათ ტორპედოები და ნება დაერთოთ ქობულეთ-ციხისძირთან დაბანაკებულ მტერზე იერიში მიეტანა. მაგრამ შავი ზღვის ფლოტის უფროსმა ნ. არკასმა უარი თქვა და „კონსტანტინი“ სხვებთან ერთად ბოსფორისკენ გავზავნეს. აქ მათ რამდენიმე ჯავშნოსანი ჩაძირეს და ვალმოხდილნი დაბრუნდნენ უკან. შემდეგ ს. მაკაროვის ხომალდი მარტოდმარტო დაედგინა მტერს და გავრასთან ღია ზღვაში გაიტყუა მტრის ჯავშნოსანი. ამის შედეგად: შავი ზღვის კავკასიის სანაპირო ჯა-

რების უფროსის გ. შელკოვნიკოვის ნაწილებს საშუალება მიეცათ შეერთებოდნენ გენერალ ი. ალხაზოვის არმიას, რომელიც სამხრეთის ფრონტისაკენ მიემართებოდა. შემდგომში გენერალ-მაიორი ბეგბუტ მარტიროსის-ძე შელკოვნიკოვი წერდა: ს. ნაკაროვი თუ არა, ვერ გადავურჩებოდით მტერსო. ამ ოპერაციის წარმატებით ჩატარებისათვის იმპერატორმა ალექსანდრე II ოქროს ხმალი უბოძა მკაროვს.

ახლა „კონსტანტინის“ მატროსები უფრო გაბედულად დაეჭებდნენ მტერს. სოხუმთან მათ რამდენიმე ხომალდს გაუხსნეს ცეცხლი და 2 აგვისტოს კიდევაც გამოიყვანეს მწყობრიდან ჯავშნოსანი „ასსარი — შევქეთი“, რომელიც თურქებმა ბუქსირით ბათუმისაკენ გამოაცურეს. როგორც შემდეგ გამოიკვია, იგი გზად ჩაიძირა, მაგრამ მტერმა „ასსარი — შევქეთი“ ამავე ტიპის მსგავსი ხომალდით შეცვალა, თითქოს აქ არაფერი მომხდარაო.

1878 წლის 10 იანვარს „კონსტანტინმა“ კურსი ისევ ბათუმისაკენ აიღო. მეზღვაურები ჩქარობდნენ, რომ დახმარებოდნენ თანამემამულეებს, რომლებიც ხმელეთიდან აპირებდნენ იერიშის მიტანას. მალე „კონსტანტინი“ ნაპირიდან 4-5 მილის მანძილზე გაჩერდა. ისევ „ჩესმა“ და „სინოპი“ ჩაუშვეს წყალში და ნისლის ჩამოწოლამდე დახვერვაც მოახერხეს, შემდეგ კი „მთვარის

სინათლემ და თოვლიანი მთების ელვარებამ საუცხოოდ გაანათეს საბრძოლო რაიონი“ — ვკითხულობთ მკაროვის მოხსენებაში. ი. ზაცარენსა და ო. შეშინსკის მხოლოდ ორი წუთი დასჭირდათ ტორპედოების გაშვებისათვის. ორივე ერთად აფეთქდა და იქაურობა შემზარავმა ხმაურმა მოიცვა. მტრის გემი გადატყდა და ფსკერისაკენ დაეშვა. ეს მოხდა 1878 წლის 14 იანვარს, ღამით... და იგი იყო პირველი ბრწყინვალე ბრძოლა ზღვაზე ტორპედოს გამოყენებით. ჩაიძირა თურქეთის საღარაჯო გემი „ინტიბახი“. შემდეგ „კონსტანტინმა“ სამსონს ჩაუარა და იქედან სევასტოპოლისაკენ გაეშურა. ეს იყო ამ სახელოვანი ხომალდის უკანასკნელი ბრძოლა რუსეთ-თურქეთის 1877-78 წლების ომში.

„ინტიბახის“ ჩაძირვის გამო ს. მკაროვმა ფლიგელ - ადიუტანტის წოდება დაიშინა.

არ შეიძლება გვერდი ავუაროთ იმ ფაქტსაც, რომ ს. მკაროვს აქ, ბათუმისათვის ბრძოლებში დაებადა თანამედროვე სატორპედო კატარღების, პირველი ავიამზიდისა და ყინულმკურელის აგების იდეა. ზოგიერთი მისი ჩანაფიქრი მაშინვე განხორციელდა ნაღმოსან „ვზრივზე“, აგრეთვე „ბათუმა“ და „სოხუმზე“, რამაც დასაბამი მისცა ახალი კლასის ძლიერ ხომალდებს — სატორპედო კატარღებსა და ნაღმოსნებს.



საქართველო
ბიბლიოთეკა

მ. შოლოხოვი უცხოურ პრეტიკაში

მ. შოლოხოვის შემოქმედებას დიდი ინტერესით ადევნებენ თვალყურს როგორც მკითხველთა საზოგადოება, ასევე არა მარტო საბჭოთა კრიტიკოსები, არამედ უცხოელებიც. ჩვენი მკითხველი კარგად იცნობს საბჭოთა კრიტიკოსების აზრს შოლოხოვზე. იგი შეუღარებელ ბელეტრისტად არის აღიარებული. უცხოეთში კი ზოგიერთ მათგანს გადაუწყვეტია შოლოხოვის შემოქმედებაში „აღმოაჩინოს“ რეალიზმისათვის შეუფერებელი სუსტი ადგილები და ეს ჩასთვალოს რუსული და, კერძოდ, საბჭოთა ლიტერატურის დამახასიათებელ თვისებად. ასეთია ინგლისელი კრიტიკოსის ალექსი კომფორტის აზრი შოლოხოვზე.

კომფორტი თავისი წიგნის „რომანი და ჩვენი დრო“ ერთ ერთ თავში „რეალიზმი, ფანტაზია და სიმბოლიზმი“, რეალიზმის ორ სახეობას არჩევს:

1. პოეტური სახეებით მდიდარი ნაწარმოები მოვლენების ზუსტ ფორმულირებასთან ერთად შეიცავს შეგარძნების თუ ქვეშეგარძნების რეფლექსებს, გამოწვეულს იმ პერსონაჟების მიერ, რომლებსაც ეს ნაწარმოები მიეძღვნა, ე.ი. როცა რეალიზმი არ წარმოადგენს უბრალო თხრობას.

2. მოვლენები ისეა გადმოცემული, როგორც მას ხედავენ. რეალიზმის ეს მეორე, ნაკლებ ჭეშმარიტი სახეობა, კომფორტის აზრით, მარქსიზმის შედეგად ფართოდ გავრცელდა და განვითარდა ომამდელ რუსულ რომანებში: რეალიზმის ამ სახეობის წარმომადგენლად ავტორს შოლოხოვი მიაჩნია.

მანამ რუსეთთან მოკავშირეობა პატივსაცემად ითვლებოდა, — ამბობს კრიტიკოსი, ინგლისის ბურჟუაზიის საშუალო ფენა გატაცებით კითხულობდა შოლოხოვს და შეიძლება კიდევაც მოსწონდა იგი. ამას ისიც კი ამტკიცებს, კომფორტის სიტყვებით, რომ ბიბლიოთეკებში შოლოხოვის წიგნები ხმარებისაგან გაცვეთილი იყო.

კომფორტი ამ „მდარე რეალიზმით“ გატაცების მიზეზებს ეძებს და უკვირს როგორ შეაღწია შოლოხოვის ნაწარმოებმა ინგლისელ მკითხველთა წრეში, რა მხატვრული თავისებურებებით მოიხიბლნენ მისი ქვეყნის მკითხველები. კრიტიკოსი ვერ უარყოფს, რომ შოლოხოვის შემოქმედებაში არსებობს რაღაც, რითაც მწერალი უკავშირდება ოქროს ხანის რუსეთის რომანისტების ნაწარმოებებს. მაგრამ რა არის ეს „რა-

ლაც? კომფორტის აზრით ეს არის მია-
მიტობა. ამ ტერმინით, ფიქრობთ, ავტო-
რი გულისხმობს უშუალობას, განზოგა-
დების უნარის უქონლობას, რაც თურ-
მე, ასევე შეიმჩნევა დოსტოევსკისთანაც,
გარდა ამისა შოლოხოვს, კომფორტის
თქმით, მიღრეკილება ჰქონია, მოგვი-
თხროს მხოლოდ ის, რაც თავლახედვის
არეშია, მგავსად ბეშვისა ან ველურისა.
ავტორი მწერლის ენაშიც ამჩნევს მიამი-
ტობის ნიშნებს, რაც, მისი აზრით, ემო-
ციების, ფიქრების და საერთოდ, ფსიქო-
ლოგიური სიმარტივით არის გამოწვე-
ული.

კომფორტს რუსი მწერლის მეორე თა-
ვისებურებად მიაჩნია უბრალოება მომ-
ხდარი ფაქტების გადმოცემისას. ამას
ავტორი რუსული პროზის დამახასიათე-
ბელ თვისებად თვლის. იგი ფიქრობს,
რომ ეს თვისება რუსული ლიტერატუ-
რის ტრადიციას წარმოადგენს. და შესა-
ძლებელია იგი რუსული ენის ბუნებიდან
გამომდინარეობდესო. თანაც ვერც იმას
უარყოფს, რომ მან რუსული არ იცის
და ამიტომ ძნელია შედარების მოყვანაო.

მიუხედავად ამგვარი აღიარებისა, იქ-
ვე დასძენს, რომ მან თითქოს დოსტოევ-
სკისთანაც იპოვა ამგვარი უბრალოების
ნიშნები(!), მაგრამ, რატომღაც, შოლო-
ხოვის მიერ კაზაკთა შესახებ დაწერილ
რომანებში უფრო ნათლად შეამჩნია ეს
უბრალოება, ვიდრე დოსტოევსკის ნა-
წარმოებებში.

კომფორტი, მას შემდეგ რაც „ლაამ-
ტიცა“, რომ შოლოხოვის შემოქმედე-
ბის ერთ-ერთი მთავარი თვისება მია-
მიტობაა, ე. ი. აღქმის უშუალობა, რამ-
დენიმე სტრიქონის შემდეგ ამტკიცებს
რომ მწერალი არ გადმოგვეცემს მღაბიო
ხალხის აზრებს და განცლებს ისე, რო-
გორც ის არის — მარტივად, არამედ
სინამდვილის კულტივიზირებას ახდენ-
სო, რაც გამოწვეულია, ერთის მხრივ
თვით შემოქმედის სურვილით დაიცვას
განსაზღვრული იდეოლოგია და მეორე
მხრივ ამას განსაზღვრავს ნახევრად წე-
რაკითხვის მცოდნე, მაგრამ ღიდი ენთუ-
ზიანის მქონე მასის გონებრივი შეგნე-
ბაო. კრიტიკოსის აზრით, რატომღაც,

თითქოს ამიტომაც, რომ შოლოხოვის
შემოქმედებაში მოვლენები ბავშვურად
არის აღქმული და აღწერილი, მაგრამ
კომფორტი ვერც იმას უარყოფს, რომ
მწერალი ღიდი ყურადღებას, უთმობს
ამა თუ იმ მოვლენის ახსნას და რაც
მთავარია, შოლოხოვის შემოქმედებაში
იდეოლოგიას ყოველთვის ხაზი აქვს
გასმული.

ავტორის ყურადღებას იპყრობს შო-
ლოხოვის მიერ დახატული, საშინელე-
ბათა ამსახველი სურათები, სახელდობრ
ის ფაქტი, რომ მწერალი არასოდეს არ
არბილებს ფერებს საშინელებათა აღწე-
რის დროს, პირიქით, იგი ცდილობს
რაც შეიძლება უშუალოდ და მკვეთრად
ასახოს მოვლენები და თანაც ყურადღე-
ბა ფოკუსის გარეთ გაიტანოს. ასე აე-
თებს ბავშვი და რუსი, ამბობს კომფორ-
ტი, ძალიან რომ არ შეშინდეს მის მიერ
აღწერილ საშინელებებით. თითქოს გო-
გოლიც ამ მეთოდს მიმართავდა. მის
მიერ აღწერილი საშინელება მერყეობს
რეალიზმსა და ორასროვან ფანტასტი-
კას შორის, რომელიც თუ კარგად და-
ვეუკვირდებით, ძრწოლას მოგვეკვრის,
როგორც საშინელი სიზმარი.

ასე, მაგალითად, კომფორტის აზრით,
შოლოხოვის ნაწარმოებში წინასწარ იგ-
რძნობა საშინელების მოახლოება, მანამ
სანამ ამ საშინელებას აღწერდეს მწე-
რალი, მაშინ, როცა პერსონაჟები ამას
ვერ ამჩნევენ, თითქოს თოჯინები იყ-
ვნენ და არ გააჩნდეთ წინასწარ შეგრ-
ძნების უნარი. კომფორტს ამის დასამ-
ტიკებლად, მოჰყავს ერთი სურათი
„წყნარი ღონიდან“. კაზაკები საუბრო-
ბენ, ამ დროს თვითმფრინავი მათ წინ
მდებარე სახლს დაბობავს, ბომბარდი-
რების დამთავრების შემდეგ მუცელში
დაჭრილი ერთი კაზაკი მიხზხავს და
თან მიათრევს საკუთარ შიგნულს. რო-
ცა მკითხველი ამას კითხულობს, ამბობს
კომფორტი, ჰგონია, რომ აღამიანის
ტანჯვა არა რეალურია, კიდევ მეტი,
თითქოს რამდენიმე საათის შემდეგ ეს
სურათი აღარ ახდენს გავლენას და მკი-
თხველს უკვე ეჭვი ეპარება ამ სურა-
თის რეალობაში. კრიტიკოსის აზრით,

ეს არის თვისება იმ ცხოვრებისა, რომელსაც, შესაძლებელია, უფრო მეტი უშუალობა გააჩნია, ვიდრე ინგლისურს.

კომფორტს ზოგადი დასკვნები გამოაქვს საკუთარ დაკვირვებებიდან და ამბობს, რომ ტენდენციური რეალიზმი, რომლითაც რუსები საკუთარი იდეების პროპაგანდას ეწევიან, თავისი საშინელებებით ასეთი არაფექტურია, რადგან რუსი მწერლები შშინებული არიან იმ ისტორიით, რომლის შესახებაც ისინი წერენ, და მკითხველი და თავი რომ დაიცვან ამ საშინელებისაგან, ფოკუსი შორს გადააქვთ და ამით ასუსტებენ რეალური სახის სიძლიერეს. აი, კიდე კომფორტის მიერ ილუსტრირებული მაგალითი: როცა კრივოშლიკოვი („წყნარი დონი“) ჩამოსახრჩობად ჩამოკიდეს, მისი ფეხები მიწას შეეხო. შოლოხოვს კრივოშლიკოვის ფიგურის გროტესკულ მხარეზე გადააქვს უეცრივე ყურადღება, კერძოდ, სახის მოყვანილობაზე, პოზაზე და გროტესკს იმისათვის იყენებს, რომ მკითხველმა გაუძლოს ამ საშინელებას.

ყოველივე ამის შემდეგ კომფორტს უკვირს თუ როგორ მოიპოვა შოლოხოვმა მწერლის ესოდენ დიდი სახელი, რა იზიდავს მკითხველს მწერლის შემოქმედებაში. კრიტიკოსს, შეიძლება მწერლის დიდ მხატვრულ ნიჭთან ერთად მისი სახელიც უარეყო, მაგრამ ფაქტების სიჯიუტემ აიძულა სრულიად „უბრალოდ აეხსნა“, ეს მისთვის გაუგებარი, მწერლის მიღწევები; კერძოდ კომფორტის აზრით შოლოხოვის წარმატების მიზეზი თურმე მხოლოდ და მხოლოდ თხრობაში უნდა ვეძიოთ, რომ შოლოხოვის შემოქმედება არაჩვეულებრივად მიმზიდველი და საინტერესოდ მოთხრობილი ისტორიაა და სხვა არაფერი, ამიტომ შოლოხოვის ნაწარმოებები მოთხრობა უფროა, ვიდრე რომანი. შოლოხოვის მიერ აღწერილი სამყარო, ესა სამყარო, სადაც ერთად არის თავმოყრილი გროტესკული საშინელება, ძალიანობა, უხეშობა. ყველაფერი ეს ქმნის რეალიზმის შთაბეჭდილებებს,

რომლის მიზანია ცხოვრების მოვლენები თხრობას დაუმორჩილოს.

მაგრამ ყველა ასე როდი ფიქრობს უცხოეთში, არიან სალად მოაზროვნე ადამიანები, რომლებიც გონივრულად მსჯელობენ და რეალურ შეფასებას ამლევენ „წყნარ დონსა“ და მის ავტორს. ერთ-ერთი მათგანია აივორ სპექტორი, რომელიც რუსულ ლიტერატურაში ლექციებს კითხულობს ვაშინგტონის უნივერსიტეტში. მან 1945 წელს გამოსცა წიგნი „რუსული ლიტერატურის ოქროს ხანა“. ამ წიგნში ავტორი, სხვა რუს მწერლებთან ერთად ამერიკელ მკითხველს აცნობს შოლოხოვის შემოქმედებასაც და მიაკუთვნებს მას მე-19 საუკუნის რუსი კლასიკოსების ბრწყინვალე პლედარს. სპექტორს ზემოთ დასახელებულ წიგნში მოჰყავს შოლოხოვის ბიოგრაფია, „წყნარი დონის“ მოკლე შინაარსი და შემდეგ ამ რომანის კრიტიკული ანალიზი.

სპექტორის აზრით, ეს ნაწარმოები რუსული ლიტერატურის უბადლო განძია, რადგან იგი დაიწერა და შეიქმნა საბჭოთა ხელისუფლების დროს. როგორც ამ წიგნიდან ჩანს, სპექტორი კარგად იცნობს რუსულ კლასიკურ ლიტერატურას, იგი ერთმანეთს ადარებს მე-19 საუკუნის ოქროს ხანის მწერლებს, როგორც თვითონ უწოდებს და ამბობს, რომ „წყნარი დონი“ არ უნდა ავურიოთ გავოლის „ტარას ბულბაში“ და ტოლსტოის „კაზაკებში“ ან „ჰაჯი მურატში“, არც ლერმონტოვის მიერ აღწერილ კავკასიელ კაზაკთა ცხოვრების ამსახველ ნაწარმოებში. „წყნარი დონი“ ამერიკელი კრიტიკოსის აზრით, მე-20 საუკ. ორიგინალური ნაწარმოებია დონის კაზაკების ცხოვრებაზე.

სპექტორი ერთი მეორის გვერდით აყენებს ტოლსტოისა და შოლოხოვს, მიიჩნევს მათ ორი საუკუნის უდიდეს რომანისტებად. ამ შედარებისას იგი ერთგვარ უპირატესობას ანიჭებს შოლოხოვს. კერძოდ, კრიტიკოსის აზრით, შოლოხოვს ეს სჭირდებოდა რომანის მასალები ისტორიულ არქივებში ეძებნა, ამასთანავე, შოლოხოვი არ ყოფილა ისე როგორც ტოლსტოი, ნაწარმოებში აღწერილ ფაქტების გარეშე მყარებული,

რომელმაც კახეთა ცხოვრების მხოლოდ ერთი პერიოდი აღწერა. შოლოხოვი თვითონ არის კახაი და უშუალოდ აქტიური მონაწილე იმ მოვლენებისა, რასაც აღწერს, ეს კი სპექტორის აზრით, შოლოხოვს ბევრ უპირატესობას ანიჭებს.

ტოლსტოისა და ლურმონტოვის კახაელების ცხოვრება, განაგრძობს სპექტორი, მოგვაგონებს ამერიკელი კვების ან სამხრეთ შტატების ინდიელების რომანტიკულ, ფათურაკებით აღსავსე ცხოვრებას. სულ სხვანი არიან შოლოხოვის გმირები, ისინი რუსეთის რევოლუციის არსებით ნაწილს შეადგენენ, რომელთა აქტიურობა არ განისაზღვრება უბრალო თავდასხმითი ექსპედიციებით, არამედ ისინი ისტორიულად მნიშვნელოვან ბრძოლაში მონაწილეობენ.

შოლოხოვი, ფიქრობს სპექტორი, „წყნარ ღონში“ ყველაზე უფრო ტოლსტოის „ომისა და მშვიდობის“ გავლენას განიცდის. მაგრამ საქმე ისაა, რომ ამ ნაწარმოებში („წყნარი ღონი“) კახეთა ცხოვრება გადმოცემულია „ავნიდან საფლავამდე“, რაც ამერიკელი კრიტიკოსის აზრით, შოლოხოვამდე არც ერთ რუს მწერალს არ გაუქეთებია, ე. ი. არ დაუხატავს ამ ხალხის ცხოვრება ესოდენ სრულყოფილად.

სპექტორი რუსულ ლიტერატურასთან ერთად კარგად იცნობს რუსეთის ისტორიასაც, კერძოდ, იგი ამერიკელ მკითხველს აცნობს თუ რა როლი ეჭირა კახაელებს თვითმპყრობელობის დროს რუსეთში. სახელდობრ, კახაეის ხსენებაც კი საემარისი იყო, რომ შემინებულყო არა თუ ბავშვი, არამედ მოზრდილიც კი. კახაელებს მეფე იყენებდა თავისუფალი აზრის წინააღმდეგ საბრძოლველად, რეაქციული რეჟიმის დასამყარებლად და რომ თვით კახაელებიც თავიანთ თავს კანონებისა და წესრიგის დამცველად თვლიდნენ. მათ ნაბრძანები ჰქონდათ ჩაეხშოთ აჯანყება, წინააღმდეგობა გაეწიათ ლიბერალური მოძრაობისათვის, რომელიც კონსტიტუციონალურ მიმართულებას მოითხოვდნენ, და ამგვარად რუსეთ-

ში სიტყვა „კახაი“ გახდა რეაქციონიზმად.

სპექტორი შოლოხოვის ერთ-ერთ დამსახურებად სწორედ იმას თვლის, რომ მან დაამტკიცა ამ შემოთ მოყვანილი დებულების მცდარობა. დაამტკიცა, რომ კახაი ბუნებით არ იყო რეაქციონერი და თვით კახეთა შორის არასებობდა კლასობრივი დიფერენციაცია. მხოლოდ შოლოხოვმა შესძლო რუსულ ლიტერატურაში ფარდა აეხადა და მკითხველისათვის კახეთა ცხოვრების მთელი პანორამა ეჩვენებინა. მკითხველმა მხოლოდ შოლოხოვის შემოქმედებაში დაინახა, რომ კახაეები იმგვარივე ხალხია, როგორც რუსეთის სხვა ხალხები.

სპექტორი რომანის გონებრივ მხარესაც არ ტოვებს უყურადღებოდ. მისი აზრით, შოლოხოვმა მიზნად დაისახა კახაური ფრაზები რუსული ენის საკუთრებად გაეხადა, რუსული არისტოკრატული მეტყველება კახაკური დიალექტით გაემორფებინა, რისთვისაც სპექტორის აზრით, მწერალი უდავოდ დაფასების ღირსია.

სპექტორი ხაზს უსვამს იმ ფაქტს, რომ ისევე როგორც ტოლსტოი, შოლოხოვიც თავისუფალია ყოველგვარი შეზღუდვისაგან, ეს შეიძლება იმიტომ, ფიქრობს კრიტიკოსი, რომ საბჭოთა მთავრობამ შოლოხოვის სახით დაინახა გულწრფელი შემოქმედი, რომელმაც პირველად ასახა კლასთა ბრძოლის სურათები კახეთა შორის და ეს მწერალი თავისუფალი კახაის უფლებებით დააჯილდოვა.

ყოველივე ამის შემდეგ ამერიკელი კრიტიკოსი ამტკიცებს, რომ თუმცა შოლოხოვი, როგორც მწერალი ჩამოყალიბდა საბჭოთა ხელისუფლების დროს, მაგრამ მისი რომანი „წყნარი ღონი“ მე-19 საუკუნის კლასიკური რუსული რომანის ტრადიციებს აგრძელებს. უპირველეს ყოვლისა, შოლოხოვი მიყვება მის წინაპართა გზას მეორეხარისხოვან სიუჟეტებისა და გმირთა დახატვისას და ამასთანავე თანამედროვეობისაგან განსხვავებით, შოლოხოვი გვაძლევს უამრავ პატარა „დეტალს“ განსაკუთრებით მაშინ, როცა ადვილობრივ ფაქტებს აღ-


წერს. ამ მხრივ მისი კონკურენტი მხოლოდ გოგოლი და ტოლსტოია. ამიტომ, ასკენის სპექტორი, შოლოხოვის საბატიო ადგილი ეკუთვნის რუსული ლიტერატურის ოქროს ხანის დიდ რეალისტებს შორის; კიდევ მეტი, „წყნარი დონი“ არა მარტო შეიძლება შევადაროთ ტოლსტოის „ომსა და მშვიდობას“, არამედ იგი ზოგჯერ კიდევაც სჯობნის ამ ადრეული პერიოდის კლასიკოსს, რადგან მაშინ, როცა ტოლსტოი ლაპარაკობს წარსულ ისტორიაზე, რომელშიც მას მონაწილეობაც კი არ მიუღია და ამიტომ არქივის მასალებს უნდა დაყრდნობოდა, შოლოხოვი აღწერს საკუთარი ეპოქის უზარმაზარ აჯანყებას, რომლის უშუალო მონაწილე თვითონ იყო, რაც რომანს ერთგვარ ავტობიოგრაფიულ ხასიათსაც კი აძლევს.

ტოლსტოის სურდა გამოეყენებინა „ომი და მშვიდობა“, როგორც შესავალ ნაწილში უფრო მნიშვნელოვანი მოვლენების — დეკაბრისტთა მოძრაობის აღწერისათვის, რასაც ზოგჯერ რუსეთის პირველ რევოლუციასაც კი უწოდებენ, მაგრამ მწერალი დაკმაყოფილდა გმირული ნაციონალური ბრძოლის აღწერით ნაპოლეონის წინააღმდეგ. შოლოხოვმაც „წყნარ დონში“ აღწერა საბჭოთა რევოლუცია 1917-21 წლებში, მაგრამ არ არის გამორიცხული, ფიქრობს სპექტორი, რომ შოლოხოვმა ან ვინმემ განაგრძოს „წყნარი დონი“, რომელშიც გრიგორის ვაჟი მიშაბკა დაგვიხატოს მოსკოვის ან სარატოვის გმირული თავდაცვის მონაწილედ, ეპიკურ ნაციონალურ ბრძოლებში ნაიცისტების წინააღმდეგ.

ასევე დიდ მოწონებას გამოიჭინა შოლოხოვის „წყნარ დონზე“ „Anglo-Soviet Journal“ = ის 1962 წლის მეორე ნახევარში მითავესებულ სარედაქციო წერილის „დონის ხელოვნის“ ავტორი.

სტატია ეხება პ. სტევენსის მიერ ინგლისურად თარგმნილ „წყნარ დონს“. რეცენზენტის აზრით მთარგმნელს მიუღწევია მიზნისათვის, რადგან მიუხედავად იმისა, რომ ინგლისური ენა საესვა წინდებულივით, არტიკლებით და სხვა ფორმალური სიტყვებით, მას მაინც მოუხერხებია ძლიერი მხატვრული ეფექტით გადმოეცა ისეთი ხელოვნის ზაწარმოები, როგორიცაა შოლოხოვი. კარდა ამისა წერილის ავტორი ეხება „წყნარ დონს“ და მას მიიჩნევს საუკეთესო ნაწარმოებად, რომელიც ძლიერად მოქმედებს ადამიანის გრძნობებზე, რადგან შოლოხოვი არ კმაყოფილდება სახეების უბრალო ხატვით, შოლოხოვი პოეტია და მისი მოქმედება ნამდვილი ეპიკური ქმნილებაა.

ეგრობელ მწერალთა შორის, წერილის ავტორი შოლოხოვს ეიქტორ პიუგოს ადარებს, რადგან ორივე „პოზიტიური რომანტიკოსებია“, იმ განსხვავებით, რომ მათი პოეზია არ განისაზღვრება პირადი ცხოვრებით. ეს არის გრძნობებით აღვსილი პოეზია, რომელშიც მთელი სამყარო ჩანს, ეს არის მიწის პოეზია, რომელიც კარგია მიუხედავად იმისა, რომ იგი სისხლით მოირწყო, ეს არის ადამიანის პოეზია, რომელიც კარგია იმიტომ, რომ იგი ადამიანურია.



„ქალის ტვირთის“ ფოლკლორული წყაროები

„ქალის ტვირთში“ „არსენა მარაბდელის“ მსგავსად, ხალხი შეფასებულია; არა მარტო როგორც საზოგადოებრივი ცხოვრების გარდამქმნელი, არამედ როგორც შემოქმედი.

„ქალის ტვირთის“ ფოლკლორული ანალიზისას, უპირველესად რომანის წყაროების საკითხი გვაინტერესებს. ამ შემთხვევაში გასათვალისწინებელია სამი გარემოება: 1. ისტორიული სიმაღლე თავისი დოკუმენტაციით. 2. ლიტერატურული ტრადიცია და 3. ფოლკლორი.

„ქალის ტვირთის“ მაგისტრალური ხაზი მთავარი მოქმედი პირის — ქეთო ახატნელის ცხოვრებას მისდევს. საბაურიც და იდეაც იმაზე მიუთითებს, ასწევს თუ არა ახატნელის ასული იმ ტვირთს, რომელიც რევოლუციამ ქალს დააკისრა.

ამ ნაწარმოების განვითარების მთავარ ძალას ფოლკლორული მოტივი — ივლითობა, წარმოადგენს, რომელიც სხვა ხალხურ დეტალებთან ერთად საშუალებას გვაძლევს ვილაპარაკოთ თხზულების ფოლკლორულ წყაროებზე.

ივლითობა, თავისი ზოგადი ვაგებით, ქალისაგან სულიერი და ფიზიკური ხარკის გაღებას ნიშნავს. ამ ცნების უინარსის სათავე ებრაულ ლეგენდაში არსებობს, ხოლო იქ, ივლითობა, ფოლკლორიდანაა

შესული... ამიტომ ჩვენ მას ვიხილავთ, როგორც ფოლკლორულ მოტივს.

ლეგენდამ, რომელიც მძაფრად ხატავს პატრიოტი ქალის სახეს, თავისებური გარდატეხა ჰპოვა სხვადასხვა ხალხის ფოლკლორში, ლიტერატურასა და ხელოვნებაში.

მ. ჯავახიშვილისათვის ეს ლეგენდა ცნობილი იყო როგორც პირველწყაროებიდან (ბიბლიის ქართული რედაქციები), ისე აღორძინების ხანის მხატვრების ტილოებიდან, აგრეთვე ფლობერის „სალამბოდან“, გუცოკვის „ურთელ აკოსტადან“. ქართული ლეგენდიდან „ხორეშანის თავგადასავალი“, შ. არაგვისპირელის „შიო თავადიდან“. და სხვ.

ქეთოს ივლითობის საკითხზე ორი აზრი არსებობს. აკადემიკოსი გ. ჯიბლაძე ამბობს: ქეთოს სურდა „ივლითობის“ მძიმე ხვედრი გაეზიარებინა, რაკი აკოსტად ზურაბ გურგენიძე მიიჩნიაო“

მკვლევარი ლ. ძნელაძე კი მას ბიბლიურ ლეგენდის გმირ ქალად თვლის.

საკითხის ნათელსაყოფად განვიხილოთ მწერლის ხელთ არსებული წყაროები.

ბიბლია: — „ნაბუქოდონოსორ ასურესტანის მეფემან“, ქურთებზე გამარჯვებით გაამაყებულმა, მონიღომა „დაპყრობაცა მთელი ქვეყნისა, და ღმერთსავით ყოველთაგან თაყვანისცემულ ყოფვა“. ამის გამო თავის სარდალს ოლოფერნს მისცა ჯარი და უთხრა, დაიპყრე

ქვეყნები. ოლოფერნი მიადგა ებრაელთა ქალაქს — ბეტლივას და სასოწარკვეთილებაში ჩააგდო მოსახლეობა... ბეტლივასში ცხოვრობდა ერთი მდიდარი ქვრივი „ივდიო წოდებული, სახით ფრიად მშვენიერი და ღვთის მოშიში“, რომელმაც ქმრის მენასეს სიკვდილის შემდეგ „არღა ინება ხელმეორე ქვეყნიერებაო“ და სიწმინდითა ცხოვრობდა. „ვითარცა ესმა საქმენი ესე“, ადგა, მონი-რთ-მოიკაზმა, აიყვანა მხევალი, ბეტლივიდან გავიდა და ეახლა ოლოფერნს... „ესრეთ დღესა სამსა და ღამესა სამსა ივდიო ოლოფერნესთან გაატარა“, მეოთხე ღამეს მთვრალს თავი მოკვეთა და გამობრუნდა უკან. უმეთაურო ლაშქარი ებრაელებმა უკუაქციეს.¹

„სალამბო“: — ჩვენს ერამდე მესამე საუკუნეში ეგვიპტის კუნძულებთან რომაელებმა კართაგენის ფლოტი. დამარცხებულმა კართაგენმა ჯამაიკირი ვერ გადაუხადა დაქირავებულ ლაშქარს, რის გამოც ისინი აჯანყდნენ. როცა ლაშქარი ახალი იერიშისათვის ემზადებოდა, კართაგენის მხედართმთავრის ჰამილკარის ღვთის მოშიში ქალიშვილი — სალამბო მზღებლებით შეიპარა მტრის ბანაკში და მასზე შეყვარებულ მხედართმთავარ მათოსთან განმარტოვდა. შემდეგ კი ჩაძინებულ მათოს თავის მოკვეთა მოუწოდოდა, მაგრამ ვერ გაიმეტა (თურმე მასაც შეპარვოდა გულში მოსისხლე მტრის სიყვარული)... მოიპარა ქალღმერთის (ტანიტის) რიდე, რომელიც მათოს ჰქონდა განტაცები და დაბრუნდა მამის ლაშქარში. კართაგენელებმა სასტიკად დაამარცხეს მათოს ჯარი. ამის მიზეზი თურმე იმ რიდის დაბრუნება იყო, რომელიც სალამბომ მოჰპარა მძინარე მათოს.

„ურთელ აკოსტა“: ამსტერდამელ მდიდარ მენესეს ასული ივდიო, რომელიც იოხანის საცოლედ ითვლება, მოიხიბლა რა ურთელ აკოსტას ფილოსოფიური აზროვნებით, შეუყვარდნენ იგი. მათ შეუთლებას წინ აღუდგება მამა, სინაგოგა, ხალხი... ივდიო იძულებულია ცოლად გაჰყვეს იოხანს, გული კი აკოსტასკენ მიუწევს. ივდიოს გატანჯულ სულ-

ში გაორება ისაღებებს და განაწამები ქალი თავს იწამლავს.

აი რას გვიამბობს ქართული ლეგენდა ხორეშანის შესახებ.

შაჰ-აბასმა დაიპყრო მთელი კახეთი და მეტი წილი ქართლისა. საქართველოს მეფემ, შაჰთან საჩუქრებითა და შეწყნარების თხოვნით სახელგანთქმული მამულიშვილი შიო თავადი გავზავნა, მაგრამ ამოოდ. მეფის თხოვნა შაჰმა სასაცილოდ აიგდო... საქართველო საშინელი საფრთხის წინაშე დიდგა, საშოში იყო აგრეთვე თელავის ახლოს მოკალათებული ალავერდა-ხანიც, რომლის გადმობირებას ამ ხანად ქართველებისათვის დიდი მნიშვნელობა ჰქონდა. ეს დიდი მისია შიო თავადის ლაშქარს — ხორეშანს დაეკისრა... სამშობლოს განსაცდელმა პატრიოტი ქალი უყოყმანოდ მიიყვანა ალავერდა-ხანთან, რათა თავბრუდაეხვია ვნებაშლილ ხანისათვის. ხორეშანი მას შაჰის წინააღმდეგ ამხედრებს და საქართველო დარბევას გადაურჩება.

ამ მოტივზეა აგებული შ. არაგვისპირელის დრამა „შიო თავადი“.

მ. ჯავახიშვილის, „ქალის ტვირთი“, — მაღალი წრის ქალიშვილი ქეთო ახატნელი რევოლუციონერთა მეთაურით — ზ. გურგენიძით მოიხიბლება და ერთობის საქმის თანამგრძნობი გახდება. შექმნილი მდგომარეობა უკარნახებს ცოლად გაჰყვეს რევოლუციის და პირადად ზურაბ გურგენიძის დაუძინებელ მტერს ავშიროვს, რათა მოჩვენებითი ცოლობით ერთობის საქმეს სამსახური გაუწიოს. ქეთო ვერ უძლებს გაორებას და იღუპება.

ამრიგად აქ მოყვანილ ამონაწერებს ერთი საერთო მოტივი „ივდიობა“ ასულდგმულებს, გარკვეული მიზნის მისაღწევად სულიერი და ფიზიკური მსხვერპლის გაღება.

რომელი მათგანი დაედო საფუძვლად ქეთო ახატნელის ივდიობას?

ბიბლიური ლეგენდის გმირი ქალის — ივდიოს სახე, ქეთო ახატნელის სულიერი ტანჯვის წყარო, შთაგონება და მიზნის სიხედაღა. ვერწმუნებით მკვლევარ, ლ. ძნელაძეს, რომელმაც ახატნე-

ლის ასულის ივლითობის პირველ წყაროდ ბიბლია მიიჩნია. მოვიგონოთ ზურაბ გურგენიძის გამოსვლა ქალთა წრის სხდომაზე, რომელსაც ქეთოც ესწრება.

— ქალის როლი პოლიტიკურ ისტორიაში, — ამბობს ზურაბი, დასაბამიდანვე მოჩანს. თუნდაც ივლითმა გაიხსენეთ. ნაბუხოდონოსორის სარდალმა ოლოფერნმა ებრაელთა ერთ ქალაქს ალყა შემოარტყა, ვინმე მანასეს მზეთუნახავმა ქვრივმა ივლითმა თავი გასწირა: მტრის ბანაკში გავიდა, ოლოფერნი მოხიზლა და დანებდა. როცა ოლოფერნმა გული იჭერა და ჩაეძინა, ივლითმა მისივე მახელით მოჰკვეთა თავი და გამოიპარა. უმეთაურო ლაშქარმა ებრაელებს ვედარ გაუძლო და გაიქცა. სად არის დედა აზრი ამ ლეგენდისა? ივლითმა თავისი უბიწო სახელი და მშვენიერი სიხელი საბილწავად მისცა მტრის და სამაგიეროდ სამშობლო ქალაქი და მშრომელი ხალხი იხსნა, — სიქვა ზურაბმა და ქეთოს დაეცქერა, რომელიც მოხიზლული იჭდა. და თავის ახალ მეგობარსა და მასწავლებელს თვალს არ ამორებდა..

—ესეიგი, მიზანი თვითონ მიზანია, საშუალება კი თითქმის არაფერი. — განაგრძო ზურაბმა. — ვისაც ჩვენი მიზანი ღრმად სწამს და ძვალრბილში აქვს გამჯდარი, ის არავითარ საშუალებას არ მოერიდება და ყველაფერს გასწირავს“.

აქედან იწყება ქეთოს ივლითობა, მისი ხასიათის გარდატეხა. ამის შემდეგ აჩრდილივით დასდევს ახატნელის ასულს ივლითის, სახე და ყველაზე კრიტიკულ ნაბიჯსაც ივლითის მიბაძვლობით დგამს — რევოლუციის ინტერესების დასაცავად ცოლად მიჰყვება რევოლუციის დაუძინებელ მტერს ავსაროვს. ე. ი. პირველი წყარო, რომელმაც ქეთოს სახის ჩამოყალიბებაში ერთგვარად გადამწყვეტი როლი ითამაშა, არის ებრაული ლეგენდა „მოთხრობა ივლითისა“.

მაშ რაღა აქვს ქეთოს სახეს საერთო სალამბოსთან, გუცკოვის ივლითისთან, ქართველ ხორეშანთან?!

„სალამბო“ მიხილ ჯავახიშვილის საყ-

ვარელი რომანი იყო. ჰიმილკარის ასულის მოქმედებით მოხიზლულს განზობილ ხული ჰქონდა დაეწერა ქართული „სალამბო“ მთიელთა ცხოვრებიდან. ამიტომ ბუნებრივია „ქალის ტვირთზე“ მუშაობისას მწერლის მუხას სალამბოს ლენდიც დასტრიალებდა. თუმცა უნდა აღენიშნოთ, რომ ფლობერი და ჯავახიშვილი სხვადასხვანაირად ახდენენ მსგავსი მოტივის მხატვრულ გარდასახვას. მაგალითად, ჰიმილკარის ასულისა და მისი ხალხის ინტერესები ერთ მხარეზეა, სასურველი ადამიანი კი მოწინააღმდეგის მხარეზე; ქეთოს ხასიათი ამ შემთხვევაში უფრო უახლოვდება ბიბლიურ ივლითის — იგი მოქმედებს მტრის და არა მიჯნურის წინააღმდეგ.

მ. ჯავახიშვილის გმირი ქალისა და გუცკოვის ივლითის ბედი ნამდვილად გეანან ერთმანეთს: ორთავენი პროგრესულ აზრს უჭერენ მხარს, პროგრესული აზრის მატარებლებს უმიჯნურდებიან და რადგან არსებული მდგომარეობა არ იძლევა დაქორწინების საშუალებას, პირადი ბედნიერება მიაქვთ სამსხვერპლოზე.

ქართული ლეგენდით, ხორეშანის თავდასასვლით მ. ჯავახიშვილი მოხიზლული იყო. იგი ჯერ კიდევ 1907 წელს წერდა: „შით თავადმა და ხორეშანმა ერთმანეთს დაუპირისპირეს პირადი ბედნიერება და სიყვარული მამულისადმი“. ეს ლეგენდა ჯავახიშვილს მიანდა მწერლისათვის მშვენიერ მასალად. ამიტომ გვეგონია, რომ ხორეშანის სახემაც თავისებური განვითარება ჰპოვა ქეთო ახატნელის ივლითობაში.

„ქალის ტვირთში“ და ქართულ ლეგენდაშიც, გმირი ქალის საბედისწერო ნაბიჯის გადადგმა — საერთო საქმისათვის მტრის სარეცლის გაზიარებაა.

საყვარელი ადამიანების კარნახით, მამულის უბედობით შეძრწუნებული თავადი მიეჭრება ახალ შერთულ ცოლს ხორეშანს და ეუბნება: „სამშობლო და-



ინსენ... გაიწირე თავი!.. მიეც შენი სიყვარული მცირე ხანს ხან-ალავერდის, ვარსკვლავების ამოსვლიდან განთიადამდინა“.

ზურაბიცი ასევე ეუბნება ქეთოს: „საჭიროა მტერს ცოლად ვაპყვე... შენს მიხანს იქედან ემსახურო და განსაზღვრული სარგებლობა მოუტანო.“

ქეთოსა და ხორეშანის ხასიათებს ახლოვებს ის მდგომარეობაც, რომ ისინი უმტყვიანეულოდ ვერ ურიგდებიან მტერთან განმარტოებას. ყოყმანობენ, ზომიერ და წონიან ნაბიჯს... რასაკვირველია, ხორეშანის განცდები ამ მხრივ უფრო მძაფრია.

მამასადამე, ქეთოს ივლითობას პირველ წყაროდ დაედო ბიბლიური ლეგენდა „მოთხრობა ივლითისა“. ხოლო „სალამბომ“, „ურიელ აკოსტამ“, ხორეშანის თავგადასავალმა, „მთა თავდამა“ და სხვამ, მეტნაკლებად შეუწყვეს ხელი ახატნელის სახის შექმნას, რაც გვაძლევს უფლებას ყველა ჩამოთვლილი ძეგლი მივიჩნიოთ ქეთოს ივლითობის ფოლკლორულ-ლიტერატურულ წყაროდ.

„ქალის ტვირთში“ ყურადღებას იპყრობს სხვა ფოლკლორული მოვლენებიც: პერსონაჟებისა და სიტუაციების დახასიათებისას მწერალი იშველიებს ჯადოსნური ზღაპრის ატრიბუტებს: ბროლის კოშკში მჯდომი ქეთო გაიგივებულია თეთრ ვედთან, მისი პორტრეტი შეფერადებულია ლალის, ზურამუხტის, ფირუზის თვლებით, ერთობა შედარებულია გველშაპთან. ნაწარმოებში გაბნეულია ხალხური ეპოსისათვის დამახასიათებელი სიტყვები და გამოთქმები. შეიმჩნევა ხალხური ეპოსიდან მხატვრული ციტაციის მაგალითებიც, გამოყენებულია ანეგდოტები, ხალხური ტრადიციული სიმღერები, ცეკვები, მცირე ხალხური ჟანრები.

რომანში, ჩვენებასა და სიზმრების ვისებური მხატვრული ფუნქციონირების ქეთო ახატნელს ეჩვენება, რომ: შემფოთებულ ცაში, სადაც ღრუბლებს თეთს დოლი გაემართათ, „განმარტოებით თეთრი მარმარილოს კოშკი მისცურავს, — კოშკის თავზე ყელმოღერებული თეთრი გედი წამოძვარა. უკან პირდაღებული შავი ურჩხული მოსდევს... საცაა უნდა დაეწიოს... აჰა კიდევ დაეწია, კოშკი დაანგრია, გედიც ჩაყაპა და თვითონაც ჩაიფულა“. მსგავსი ფანტასტიკურობით ხასიათდება ზურაბ გურგენიძის სიზმარიც⁴.

მხატვრულ ნაწარმოებში სიზმრისა და ჩვენების მიზანია პერსონაჟების მოქმედების განვითარების ნათელყოფა. ქეთოს ჩვენება თავისთავად წარმოადგენს პატარა ფანტასტიკურ მოთხრობას, სადაც ურჩხულის დადევნება ფოლკლორული მოტივია,

რად დასჭირდა მწერალს სიზმრისა და ჩვენების გამოყენება ნაწარმოებში? მწერალი ალეგორიული ფორმით გვეუბნება: კოშკის თავზე ყელმოღერებული გედი — მაღალ არისტოკრატიულ ბუდეში მონებივრე ქეთოა, რომელიც ვერ ხედავს მის უკან მყოფ ურჩხულს. იგივე ძირმომპალ თავადაზნაურულ ცხოვრებას, რომელიც საცაა ჩაუნგრევს კოშკს (ოცნებას) და შთანთქავს ქეთოს. ეს პასაჟი ქეთოს ცხოვრების ერთგვარი პროლოგია, რომელიც მიუთითებს პერსონაჟის ძირითად ხასიათზე, მწერლის მხატვრულ ჩანაფიქრზე.

ქეთოს ჩვენებას მეორე მხარეც აქვს. იგი წარმოადგენს პეიზაჟის სამკაულს, ჯადოსნურად აღშფოთებული ბუნების კომპოზიციურ ნაწილს, რომელიც მიგვანიშნებს, რომ რაღაც ძვრების წინაშე დგას ქეთოს გარშემო მყოფი სამყარო.



რევოლუციური რომანტიკის კათოსით...

დიდი ოქტომბრის სოციალისტურმა რევოლუციამ დასაბამი მისცა ახალ ეპოქას კაცობრიობის განვითარების ისტორიაში. მანვე წარმოშვა საბჭოთა ხელოვნება, რომელიც პირველი დღიდანვე ამოცანად ისახავდა ყოველმხრივ ავსახა ახალი სინამდვილის შინაარსი, მისი პათოსი, მისი წინააღმდეგობანი და მამოძრავებელი ძალები. ამ პერიოდში მთავარი მხატვრული თემა გახდა ახალი სამყაროსა და ახალი ადამიანის დაბადება.

„მშვენიერების“ გამოვლინების ერთი სფერო იყო ხალხის გმირული ბრძოლა ოქტომბრის რევოლუციისა და სამოქალაქო ომის პერიოდში. დრო მოითხოვდა გმირებს და შობდა კიდევაც მათ. „გმირული“, როგორც „მშვენიერების“ ერთ-ერთი მხარე, ასახვას პოულობდა ოციანი წლების პირველი ნახევრის ფართო ლიტერატურულ ნაკადში. ლირიკულ თხრობაში სოციალურად შეგნებული პეროიზმის, როგორც „მშვენიერების“ გამოვლინების სახეობრივი გახსნა განსაზღვრავდა საბჭოთა ლიტერატურის რევოლუციურ-რომანტიკულ სიმამფრეს საერთოდ, კერძოდ კი ოციანი წლების მწერლობის პათოსს.

რევოლუციური რომანტიკა ახასიათებს როგორც უფროსი, ისე უმცროსი თაობის საბჭოთა მწერლებს. ახალი ლიტერატურის ფუძემდებელთა შორის ერთი საპატიო ადგილი უკავია ბ. ლავრენევს. რომლის შემოქმედებითი აყვავების პერიოდი სწორედ ოციან წლებზე მოდის. აღიარებულია, რომ მწერლის ამ პერიოდის

დის საუკეთესო ნაწარმოებია მოთხრობა „ორმოცდამეერთე.“ მასში ბ. ლავრენევმა თავი გამოიჩინა, როგორც დრამატული სიუჟეტის ოსტატმა.

„ორმოცდამეერთის“ რომანტიკა უკავშირდება რევოლუციის ერთგულების პრობლემას. ლავრენევმა იგი გახსნა სიყვარულის ზოგადკაცობრიული იდეალისა და რევოლუციის ერთგულების სოციალურ-ისტორიული იდეალის შეტაკებათა მეშვეობით, რამაც განსაკუთრებული სიმწვავე შესძინა ამ პრობლემას.

მხატვარმა თავისი იდეის ნათელსაყოფად აირჩია საგანგებო სიტუაცია. წითელარმიელთა რაზმმა შეიპყრო თეთრი ოფიცერი, რომელიც აუცილებლად უნდა მიეყვანათ შტაბში. რაზმი გზას მიიკვლევდა ყარა-ყუმის უღდანოში და ქვიშის ამ ოკეანეში ზედიზედ კარგავდა მებრძოლებს. როცა უღდანო გალიეს და წინ მხოლოდ არალის ზღვა დარჩა, უკანასკნელი მებრძოლებიც დაიღუპნენ. გადარჩნენ მხოლოდ ორნი — ევისუკოვის რაზმის ჯარისკაცი მარიუტკა და თეთრი ოფიცერი გოვორუხა. ბედმა ისინი გარიყა კუნძულზე, რომელსაც მხოლოდ გვიან შემოდგომაზე აკითხავდნენ მეთევზეები. იწყება უცნაური რობინზონიად: უკაცრიელი კუნძული და ორი მტერი — ერთი ტყვე, მეორე კი დარაჯი.

თვით სოციალურმა წარმოშობამ განაპირობა გმირების ადგილი მტრულ ბანაკებში. გოვორუხა იყო მდიდარი, აზნაური, განათლებული და კულტურული, მარიუტკა კი ღარიბი მეთევზე,

რომელმაც ბოლომდე გამოსცადა სილატაკის საშინელება. და შეიძლება არც არასოდეს დაახლოებოდნენ ისინი ერთმანეთს, განსაკუთრებულ ვითარებაში რომ არ აღმოჩენილიყვნენ.

ჩამკვლარ კუნთულზე მათ წინაშე დაისახა ამოცანა: გაეძლიათ, როგორმე სიცოცხლე შეენარჩუნებინათ. არსებობისათვის ბრძოლის პროცესში დროებით ორივემ დაივიწყა მტრული ურთიერთობა. ისე ჩანდა, თითქმის საღლაც შორს ღარჩა კლასობრივი ბრძოლა და ქარი აქ არასოდეს მოიტანდა სამყაროს მოვიზიზე ხანძრის ნაპერწკლებს.

მარიუტკამ იკისრა მეურვეობა გაეწია ამ „ციხეერთვალა“ ოფიცრისათვის, რომელიც ბევრს ვიფიქრო იყო შეუჩვეველ და ესოდენ მძიმე პირობებში. მას ამოძრავებდა სუსტიხადმი თანდაყოლილი დედობრივი ზრუნვა და უცნაურადაც კი მოეჩვენა ოფიცრის მადლობა: „მადლობას ნუ მიხდი... აბა რისთვის? გმადლობთ. რა, შენი აზრით, ადამიანი სასიკვდილოდ უნდა გავწირო! ტყუილი ვარ თუ ადამიანი?“ ამას ამბობს გოგონა, რომელიც მშვიდად ითვლიდა დანოცილი მტრის თავებს.

ოფიცრისადმი მარიუტკას დამოკიდებულება ჯერ კიდევ მანამდე, ვიდრე გულში სიყვარულის ცეცხლი აენთებოდა, ცხადყოფდა მის თანდაყოლილ ჰუმანურობას. იგი ცხოვრებამ აიძულა იარაღი აესხა და არ ამოძრავებდა ნგრევის არავითარი სტიქიური ვნება. მარიუტკა მონაწილეობს რევოლუციაში. რადგან შეიგნა, რომ მას ხალხისათვის მოჰქონდა რაღაც დიდი და კეთილი.

არის რაღაც ღრმა და ნაზი მარიუტკას, ამ პოეტურად მეოცნებე ქალიშვილის სიყვარულის პირველსავე გამოვლინებაში. მწერალმა შეძლო ეჩვენებინა ის მრავალი გრძნობა, რომელიც ქალის სიყვარულის ერთიან გრძნობას შეადგენს და რომელშიც დედობრივი ზრუნვა მკიდროდ ერწყმის თანდაყოლილ მისწრაფებას დაიცვას რითიმე მულამ სუსტი მამაკაცი, ამავე დროს იგი ბოლომდე აფა-

სებს იმ კარგს, რაც მან მამაკაცში აღმოაჩინა.

ლავრენევის ადრინდელი შემოქმედების მკვლევარები ერთსულოვნად აღიარებენ, რომ მარიუტკა გაიტაცა პორუჩიკის „განსწავულობამ.“ ამის გამო ი. ევენტოვი მარიუტკას გრძნობას თვლის შემთხვევითად, რომელიც გაჩნდა „სუცნაურ, მძიმე, გაუგებარ დღეებში“ (ბ. ლავრენევი“ 1951 წ. გვ. 25). ასე რომ ყოფილიყო, არავითარი ტრაგედია არ დატრიალდებოდა. გოგორუნა უბრალოდ რიგით ორმოცდამეერთე იქნებოდა და მეტი არაფერი.

ვითარების მთელი დრამატიზმი იმაშია, რომ მარიუტკას დაეუფლა მართლაც დიდი ღრმა გრძნობა. ეს არ ყოფილა უბრალო გატაცება. მარიუტკას სიყვარული გამოხატავს ამ მშვენიერი გრძნობის უსაზღვრო შინაარსობრივ სიმდიდრეს და სილამაზეს.

გმირი, რომელმაც ეს გრძნობა აღძრა მარიუტკაში, სრულიადაც არ ყოფილა „არარაობა“, როგორც მას უწოდა კრიტიკოსმა ი. ევენტოვმა. გარკვეული აზრით, გოგორუნა არის ტიპიური წარმომადგენელი იმ რუსი ინტელიგენციისა, რომელიც სავსებით მოუშანდებელი შეხება რევოლუციურ მოვლენებს. „წმინდა მეცნიერების“, წიგნების სიყვარულმა მოწყვიტა გოგორუნა ხალხის ცხოვრებას. საშობლოს ერთგულების სულისკვეთებით აღზრდილი, იგი ფრონტზე მიდის და რწმუნდება, რომ ომი სრულიადაც არ არის დიდი მოვლენა, როგორც მას ეგონა. მერე მოხდა რევოლუცია, რომელიც გოგორუნას წარმოედგინა როგორც დღესასწაული. მაგრამ „დღეგრძირებმა“ მას პაგონები ჩამოგლიჯეს და შეურაცხვეს.; „რისთვის?“, უკვირდა გოგორუნას — მას ხომ ოფიცრობისას არასოდეს შეურაცხუყვია არცერთი ჯარისკაცი! ასე აღმოჩნდა იგი თეთრების ბანაკში, მაგრამ ისინიც არ მოეწონა და გადაწყვიტა განდგომოდა ორივე ბანაკს, ჩაკტილიყო თავის თავში. თავისი ბედით და ხასიათით გოგორუნა რამდენა-


დმე მოგვაგონებს ა. ტოლსტოის ვადიმ როშჩინს („ტანჯვის გზები“).

ერთი კი ცხადია: არა თეორი ოფიცერი, არამედ მარიუტკა გამოხატავს მწერლის წარმოდგენას მშვენიერებაზე. მარიუტკამ რევოლუცია განიცადა როგორც ახალი სამყაროს დაბადება, შეიგნო მისი განმაახლებელი ძალა და ამ შეგნებამ შეაძლებინა მას ორმოცდამეერთე გასროლა. მოვალეობის გრძნობამ დათრგუნა პირადული გრძნობა. ამასთან მარიუტკამ უკანასკნელი ნაბიჯი უფრო ინსტინქტურად გადადგა, ვიდრე შეგნებულად.

ამ მოთხრობის დაწერიდან ოცდაათი წლის შემდეგ რომანტიკოსმა მწერალმა ა. დოვეჟენკომ შენიშნა, რომ სწორი არ არის, როცა უგულვებელვყოფთ ტანჯვას, რომელიც ჩვენი ყოფის ისეთივე დიადი დადასტურებაა, როგორც ბედნიერება და სიხარული. ლავრენევმა ფაქიზი მხატვრული ტაქტი გამოიჩინა, როცა ძუნწაჲ, მაგრამ ესოდენ ძლიერად გადმოსცა გამიჯნურებული ქალის ტანჯვა და მოთხრობაც აქ შეწყვიტა. „ეს რა ჩაიდინე?“, გაოგნებული ამბობს მარიუტკა და ასე-

თი ტანჯვით მოპოვებული მისი გმირობა კიდევ უფრო გამირული ხდება.

ლავრენევს არაერთხელ უსაყვედურეს, რომ გმირობა გააიგივა მხოლოდ „განსაკუთრებულთან“, დაივიწყა, რომ გმირული ვლინდება ყოველდღიურშიც, ჩვეულებრივ ვითარებაშიც. ჩვენი აზრით, ყოველ მწერალს უფლება აქვს თვითონ აირჩიოს მოვლენა — ჩვეულებრივი თუ არაჩვეულებრივი. მთავარია, გამოხატულის არსი შეესაბამება თუ არა ცხოვრების ლოგიკას, გასაგები და ახლობელია თუ არა მილიონობით მკითხველისათვის. მშვენიერების ის წარმოდგენა, რომელიც ნაწარმოებშია მოცემული. ლავრენევის მოთხრობა კი ამ მხრივ სანიმუშოა. და მართალი იყო კრიტიკოსი ი. ვიშნევსკი, როცა წერდა, რომ ლავრენევმა „ორმოცდამეერთეში“ შეძლო გაეხსნა „გამარჯვებული სამყაროს ადამიანის ცოცხალი, მრავალწახნაგოვანი ხასიათი.“ ყველაფერი ეს ცხადყოფს, რომ ლავრენევი იყო რევოლუციის რომანტიკოსი მწერალი.





როგორ იქმნებოდა მენავთობით კომბა

1929 წლის 25 მაისი ბათუმელმა მენავთობებმა დიდი ზეიმით აღნიშნეს, ამ დღეს გაიხსნა საბჭოთა მუშებისა და ინჟინერ-ტექნიკური პერსონალის მიერ აგებული ნავთობგადამამუშავებელი ქარხნის პირველი რიგი — ნავთის კუბური ბატარეა. იგი მწყობრში ჩადგა მაშინ, როცა ინდუსტრიული გიგანტები საბჭოთა ქვეყანაში თითზე ჩამოსათვლელი იყო.

საავტომობილო და მოტორმშენებლობის განვითარებამ 1929 წლიდან დიდად გაზარდა მოთხოვნილება მაღალი ხარისხის ბენზინსა და ზეთზე. აუცილებელი გახდა ნავთობის გადამამუშავების ტექნოლოგიის გარდაქმნა, მისი განახლება და ახალი ტექნიკით აღჭურვა. საჭიროებამ მოითხოვა წარმოებაში დამკვიდრებულიყო ევროპულად კრეკინგპროცესები, რომელიც გაზრდიდა ბენზინის გამოსავლიანობასა და მის ხარისხს. ქარხნის წარმატებებმა და ახალმა ცხოვრებამ განაპირობეს შექმნილიყო საერთაშორისო ბაზრის კონიუნქტურა. გაორკეცებულიყო საერთაშორისო ბაზარზე საბჭოთა ნავთის ექსპორტი.

იმ დროისათვის, მსოფლიოს ბაზარზე ნავთობის პროდუქტების გასაღებაში პირველობისათვის, ინგლის-ამერიკის დამოკიდებულება მეტად დაძაბული გახდა. ამის თაობაზე 1929 წლის 1 აპრილს გაზეთი „ვიშა“ წერდა: „ინგლისის ბაზარზე ნავთის ფასი ეცემა. ინგლის-ამერიკის შორის შეთანხმებამ ნაყოფი არ გამოიღო. ამერიკის სანავთო ტრესტი ყი-

ღულობს საბჭოთა ნავთს და დანტერესებულია ინგლისში ნავთის ფასების დაცემით. ამავე დროს არ უჭერს მხარს ინგლისის ზრახვებს საბჭოთა ნავთის ბოიკოტის საკითხში, თითქოს ეს ნავთი მოპარულია ირანიდან. ირანისა და აზერბაიჯანის ნავთის საბადოები თითქოს მიწის ქვეშ არიან შეერთებული და ზიარჭურჭელს წარმოადგენენ“. ამგვარმა სიტუაციამ განაპირობა საბჭოთა მენავთობითა დელეგაციის გაგზავნა ამერიკაში. დელეგაციას „აზნავთის“ მმართველი ბარინოვი მეთაურობდა. დელეგაციამ შეიძინა უახლესი ტექნიკით აღჭურვილი ნავთობის გადამამუშავებელი დანადგარები რომლის საშუალებით შეიძლებოდა მიღებულიყო ნავთობის პროდუქციის ყველა ასორტიმენტი. დანადგარების ეს სისტემა შემდეგნაირად განაწილდა: თელიშიანი მილგაყვანილობით ბაქოდან მიღებული სურუხანის ნავთობის ერთი ნაწილი, უკვე მოქმედ კუბურ ბატარეაში შევიდოდა, რომელიც გამოხდის წესით იძლეოდა ნავთს, მანქანების ზეთს და ნაწილობრივ ბენზინს. ამასთან ერთად უნდა განლაგებულიყო ჯენკენის სისტემის ოთხი დანადგარი, რომელიც ნარჩენი მაზუთისაგან გამოჰყოფდა ბენზინს. სურუხანის ნავთობის მეორე ნაწილის გადამამუშავება უნდა მოეხდინა, ფოსტერის სისტემის ნავთობის ორ მილოვან დანადგარს „ტრუბაქას“. ეს დანადგარი ძირითადად აწარმოებდა ბენზინსა და ნავთს, ხოლო ნარჩენების ნა-

წილი იგზავნებოდა ბრაისტოკის ქარხანაში საპონის ზეთის მისაღებად.

დღევანდელმა სხვა სახის დანადგარებიც შეისყიდა. ასეთს წარმოადგენდა ვინკლერ კოხის ოთხი კრეკინგდანადგარი. გერმანიიდან შემოტანილი იქნა ვაგირდმეკავას აღმდგენი ფიშერის სისტემისა და სხვა საექსპორტო პროდუქტების გასაწმენდი დანადგარები.

ამ მოწყობილობათა შესყიდვა მოხდა ერთი პირობით. მანქანების დადგმა-ამუშავებაზე პასუხი უნდა ეგო მათ გამოშვებ ფორმებს, რის გამოც ბათუმში მოვლინებულნი იქნენ ამერიკელი ინჟინრები.

აღსანიშნავია ის ფაქტი, რომ ამერიკელი ინჟინრები უგულოდ ეკიდებოდნენ საქმეს, სათანადო დახმარებას არ უწყევდნენ ქარხნის კოლექტივს. მაგარა მუშები და სპეციალისტები თანდათან ეუფლებოდნენ ახალ ტექნიკას და დიდი მონდომებით სძლევდნენ სიძნელებებს.

ქვეყნის ინდუსტრიალიზაციის ლენინური კურსის განხორციელებისა და სახალხო მეურნეობის ტექნიკური შეიარაღებისათვის, მანქანებისა და დანადგარ-მოწყობილობათა იმპორტირებაში, დიდი წვლილი უნდა შეეტანა ნავთობის პროდუქტების ექსპორტს, რაც ძირითადად იწარმოებდა ბათუმშიდან.

ბათუმელი მენავთობეები დიდ და პასუხსაკებ ამოცანის წინაშე დადგნენ: რაც შეიძლება მეტი და მაღალხარისხიანი ნავთი, — გახდა მათი დევიზი.

ამიტომ იყო, საბჭოთა მთავრობა განსაკუთრებულ ყურადღებას იჩენდა ბათუმის ნავთობგადასამუშავებელი ქარხნისადმი. გამომრეკვეი კომისიები მაღალ შეფასებას აძლევდნენ ქარხნის პარტიული უჩრედის ავტორიტეტს, რომელიც ახორციელებდა პარტიის ლოზუნგს — „პირით წარმოებისაკენ!“

დიდი იყო პარტუჯრედის როლი, მისმა დროულად ჩატარებულმა ღონისძიებებმა მუშებში ვიწრო შოვინისტური გამოხდომები უმალ აღმოფხვრა. პარტიულმა ორგანიზაციამ, ზემდგომი პარტიული ორგანოების დახმარებით დაახლოვა და

მჭიდროდ დააკავშირა ისინი, მათ ხასითებასა და მისწრაფებებს დაულოცებელი სარჩული — მეგობრობა!

1930 წლის ივნისში ქარხანაში ადგილი ჰქონდა დიდი რაოდენობის ნარჩენის, კერძოდ მაშუთის დაგროვებას. აუდროულად არ ამუშავდებოდა ჯენკენის დანადგარი, მაშუთი უნდა დაღვრილიყო. ამჟამად იყარგებოდა 50.000 ტონა ბენზინი და ლიგროინი, რომელიც მაშუთის გადამუშავების შედეგად მიიღებოდა. დირექციამ და პარტიულმა ორგანიზაციამ მობილიზაცია უყო მუშა-ინჟინერთა კოლექტივს. დასახული იქნა პრაქტიკული ღონისძიება ასეთი ლოზუნგით: — „თუ არ ავამუშავებ „ჯენკენის“ ვეღარ იმუშავებს ველად გასული ათასობით ტრაქტორი!“

მეორე დღეს 7 საათზე დანადგარი ამუშავდა და აცილებული იქნა სახალხო დოვლათის დაკარგვის მოსალოდნელი საშიშროება.

1930 წლის დასაწყისში დაიწყო ახალი, თბილექტრო, ანუ ძალოვანი სადგურის მშენებლობა, რომელიც მთლიანად მენავთობეთა დაბას ელექტროენერგიით დაკმაყოფილებდა.

1930 წლის ბოლოსათვის დანადგარებისა და მოწყობილობების თერთმეტ მსხვილ ობიექტზე მშენებლობა მიმდინარეობდა, რომლის მეტიც წილი 1931 წელს დამთავრდა და მწყობარში ჩაღვა. ამ დიდ წარმატებებს ნაკლიც ახლდა მშენებლობის დაჩქარებამ და დანადგარების ნაჩქარევად აწყობამ, რიგი შეცდომები გამოიწვია. ამას ხელი იმანაც შეუწყო, რომ ქარხანა ადგილობრივი კადრების ნაკლებობას განიცდიდა. მომწიფდა საკითხი: „ბოლშევიკები უნდა დაეუფლონ ტექნიკას“. ამ მიზნით ბაქოში გაიგზავნა ქარხნის მოწინავე მუშები, უმთავრესად კომუნისტები, ბაქოს მაშინ სამართლიანად ეწოდა „საბჭოთა მენავთობეთა კადრების სამჭედლო“.

ქარხანას მაღლ დაუბრუნდა სამრეწველო-აკადემია-დამთავრებული მუშების ერთი ჯგუფი. მათ შორის იყო მოწინავე მუშა ხუსეინ სარჯველიძე, რომე-

ლიც შემდეგ ქარხნის დირექტორის მოადგილედ დაინიშნა.

ხუსეინ სარჯველაძე მადლიერებით იგონებს ბაქოში გატარებულ სწავლის პერიოდს. იგი დასძენს: — დიდ დახმარებას მიწვევდნენ რუსი და აზერბაიჯანელი ლექტორები. მათმა გულითადმა ზრუნვამ გლეხი კაცი ინჟინერი გამხადა.

ბაქოში აითვისეს და სპეციალობა მიიღეს აგრეთვე ყოფილმა მშენებელმა მუშებმა: ქარხნის ახლანდელმა დირექტორმა ს. დოლიძემ, მთავარმა ინჟინერმა მ. ბეჟანიძემ, საწარმოო განყოფილების უფროსმა ვ. ქირიამ და სხვებმა.


ბათუმელი მენავთობეები თანდათან ეფუფლებოდნენ უახლესი სისტემის დანადგარების რთულ ტექნოლოგიას. მართალია პირველ ხანებში დანადგართა ცალკეულ კვანძებს ვადაზე ადრე სჭირდებო-

და შეეკეთება, დროულად ვერ აუღიოდნენ მოძალებულ ექსპორტს, არც პროდუქციის ხარისხი იყო უნაკლო, მაგრამ ეს სიძნელეები ინჟინრებისა და მუშების მუყაითი მუშაობის შედეგად მალე დაძლეული იქნა.

ასე შეიქმნა და გამოიჭედა ქარხანაში ხალხთა მეგობრობის მუშათა მიძღვრი კოლექტივი, რომელიც ძლიერი და ავტორიტეტული გახდა.

დღეს, როცა გახედავთ მენავთობეთა დაბას, მის ცაზე ცეცხლოვანი მილების ტყეს, სიამაყისა და სიხარულის განცდა გეუფლებათ.

ბათუმის პორტში განუწყვეტლივ შემოდინან სხვადასხვა ქვეყნის ტანკერები, რათა წაიღონ ჩვენი მენავთობეთა დაუღალავი შრომის ნაყოფი — ქართული ნავთი.



ვლადიმერ ქეზნაძე

შენვედრა ვლადიმერ მაიაკოვსკთან

რ ე ლ ა ქ ც ი ი ს ა გ ა ნ

ამ მოგონების ავტორი — მეცნიერების დამსახურებული მოღვაწე ვლადიმერ ქეზნაძე, ადრე ლექსებს წერდა და პროლეტარულ მწერალთა ასოციაციის წევრი იყო. მოგონებაში მოგვითხრობს პოეტთან შეხვედრის შესახებ, რომელიც წილად ხვდა მას მოსკოვში გამართულ დიდ ლიტერატურულ საღამოზე მონაწილეობისას.

ვებჭდავთ ნაწყვეტს მემუარული ხასიათის წიგნიდან „ფაქტები, მოგონებანი“ (რაზედაც იგი ამჟამად მუშაობს).

ქართველ ხალხს ეამაყება, რომ მის მაღლიან მიწაზე დაიბადა რევოლუციის მგზნებარე მომღერალი—ვლადიმერ მაიაკოვსკი. დიდია მაიაკოვსკის დამსახურება საბჭოთა ლიტერატურის წინაშე. მისი ომანიანი ხმა, კვლავაც გრგვინავს ჩვენი დიადი ცხოვრების ყველა უბანზე. მე ბედნიერად ვთვლი ჩემს თავს, რომ საშუალება მქონდა მასთან პირადი შეხვედრისა. მაშინ მე ჭაბუკი ვახლდით და ვიყავი მსმენელი მოსკოვის უმაღლესი ლიტერატურული კურსებისა.

1928 წლის გვიანი შემოდგომა იყო. ჯგუფში დირექტორი შემოვიდა და მთხოვა მონაწილეობა მიმეღო დიდ ლიტერატურულ საღამოზე, რომელიც გაიმართებოდა დიდ თეატრში მაიაკოვსკის უშუალო ხელმძღვანე-

ლობით სიხარულსაგან მთელი დღე დაბნეული ვიყავი. საღამოს რვა საათზე აწურული შევედი დიდ დარბაზში, სადაც საოცარი ფუნქციონირებდა ატეხილიყო. აქაიქ ჯგუფ-ჯგუფად იდგნენ მწერლები. უცებ, ვიდრე მიაკოვსკი გამოჩნდებოდა, მისი ომახიანი ხმა გაისმა. მალე წარმოსადგევი მაკაცის მიხვრა-მოხვრით შემოვიდა და იმერული კილოთი იკითხა:

— საქართველოდან რომელი ხართ?

მე ცოტა ხანი შევყოყმანდი, იქნებ ჩემს გარდა კიდევ ვინმე იყვეს-მეთქი, მაგრამ როცა დავრწმუნდი არავინ ყოფილა, — მე გახლავარ-მეთქი — ენა ამოვიდგი.

— კეთილი, — გულიანად გამიცინა და ხელი ჩამომართვა.

— თქვენი გვარი? — დაინტერესდა მიაკოვსკი. მე გვარი მოვახსენე.

— ქემხაძე? — გაიკვირვა მან — ასეთ გვარს იმერეთში არ შევხვევდრივარ, ალბათ აღმოსავლეთ საქართველოდან ხართ.

— დიახ. — დავუდასტურე და განვუმარტე, რომ ჩვენი წინაპრები ადრე კახეთში სახლობდნენ.

— აბა მაჩვენე რა ლექსებს წაიკითხავთ, ყმაწვილო, — მომმართა და რვეული გამომართვა. რვეულში რამდენიმე ლექსი მეწერა. სწრაფად ჩათვალიერა და ერთ მათგანზე შეჩერდა. ლექსს სათაურად „აიშე“ ეწერა.

— ეს რა, ქალის სახელია, არა? — მკითხა მან.

— დიახ. — მივუგე სწრაფად.

— ამას წაიკითხავ, თუმცა ჯერ კარგად გავეცნო... და კითხვას შეუდგა. ზოგიერთი სიტყვები ვერ გაიგო.

— ეს კუთხური დიალექტი გახლავთ. — ვუპასუხე და თითოეული სიტყვა განვუმარტე.

რადგან მაშინ მიაკოვსკმა საჭიროდ სცნო აემალღებინა მისი იდეური მხარე, რათა გამოეხატა რევოლუციის შედეგად მომხდარი არსებითი ვარდატეხის მძაფრი სიახლე, ამდენად საჭიროდ მიმაჩნია მოვიყვანო ლექსი.

ა ი შ ე

არ შემრობია ყვავილზე ცვარი,
კვლავ ლამაზობდა დილა მაისის...
შორეულ გზაზე აიშე მდგარი,
იყო სადარი ამაყ აისის.
მის წითელ იაზმას ბინდი არხევდა,
დაიძრა კიდევ მხარზე გუგუმით,
ვაჟი თითქოს და ხელსა ართმევდა,
ამბორს ატანდა ნიავს დუდუნით.
აიშემ სწრაფად გადაირბინა,

ხევში დაეშვა, მოწყდა შევლივით,
ტანი ლერწამის ვადიგრიხა,
მზერას აფრქვევდა ის შეშინებით.
ვაჟი, ვაჟკაცი სირმა-ჩაქურით
კლდიდან გადმოხტა, დაეშვა ფერდობს,
ქალმა მიაპყრო თვალები ურვით
„რად გამოჩნდიო“ და ძლიერ ბღეზობს...
— გოვ, შემომხედე, თაფლის თვალებით,
ნულარ დამფერვლავ ცეცხლის ალევზე...
აჯაფ, რა ვქენი, მიცქერ მხდალივით,
გეყურბანები, უფრო ალახზე...
— ჰო, მაგრე იყოს, ვენდობი სიტყვას,
ღმერთს მაღალს ჩემთვის გაუჩენიხარ.
— ასე იცოდე, რაც უნდა ითქვას,
მკვდარიც რომ ვიყო, მაინც ჩემი ხარ...
ამ დროს უეცრად ისმის ხმა კლდიდან
თავის აიშეს დაეძებს ბაბო.
ვაჟი გადახტა, მოწყდა თვალიდან
„სად წადი, ციცავ, მოდი, აქ გნახო...“
სიომ დაჰბერა, სიომ მთისამა
იწყეს სხივებმა ბრძოლა ტაროსთან...
ქალი ატირა, სიტყვამ მამისამ
„ბაბოვ, არ მივალ აწე წყაროსთან...“

მაიაკოვსკი ნაწერს ატრიალებდა ხელში და ცდილობდა დავერწმუნებოდა, რომ ლექსის ის ადგილი, სადაც ყმაწვილი მას ხვდებოდა, უსათუოდ უნდა გაკეთდეს ისე, რომ ჩანდეს მისი ცხოვრების ახალი და შესანიშნავი მხარე — სულიერი და გონივრული სიმაღლე. აი, ასე რომ ის უკვე სწავლობს მუშაობაში და გოგონას, რომელიც ამდენ ხანს ჩადრის ქვეშ სიბნელებში იყო გამომწყვდეული, მოუწოდოს მხარი აუბას და სიყვარულის ნათელი გზით სინათლისაკენ წაჰყვას და თავადაც დაეწაფოს ყველაზე ძვირფასს და სანუკვარს — ცოდნის წყაროს.

— გესმის! — დიდი თვალების სიღრმიდან მომაჩერდა მაიაკოვსკი, — ასეა, არა?... ასე სჯობს, ხომ..


— დიახ. — მივუგე და გავუღიმე.

— მაშ, ასე, სადამოზე ერთად ვკითხულობთ. შენ ქართულად, მე კი ადრევე საზოგადოებას რუსულად განვუმარტავ ამ შესწორებით, თუ მოვახერხებ ვეცდები თეთრი ლექსით გადავცე შენი „აიშე“.

დაიწყო სადამო... მე მოუთმენლად ველოდი ყველაზე მღელვარე და ძვირფასი წუთების მოახლოებას.

ჯერი ჩემზე მიდგა... გასუსულ დარბაზში წარსდგა მაიაკოვსკი და და-
იწყო... ძნელია გადმოგცეთ მისი ლექსის კითხვის სრულყოფილი დე-
კლამაცია. მისმა ომახიანმა ხმამ, მრავალმხრივმა მიმიკამ, მეტყველმა ექს-
ტიკულაციამ, როგორც ყოველთვის, მაშინაც დიდი შთაბეჭდილება მოახ-
დინა მსმენელებზე და როცა მის შემდეგ მე ლექსი ქართულად წავიკითხე,
იგრიალა ტაშმა მანამ, ვიდრე ისევ არ წამაკითხეს.

სადამოს დასასრულს მაიაკოვსკი გადამეხვია და წარმატებები მისურ-
ვა. ასე უბრალო და ადამიანური გულითადობის ძვირფასი თვისების
მქონე იყო ჩვენი დიდი თანადროულობის უდიდესი პოეტი — მაიაკოვსკი,
რომლის ბრწყინვალე ნაწარმოებები დღესაც ემსახურება მშრომელთა დი-
ად საქმეს — კომუნისმის მშენებლობას.



ეოგფაუზის ხანხუეზეა

გამგზავრების წინ მოსკოვში თოვდა, აქ კი, სტამბოლში, სადაც ეს-
ეს არის ჩამოფრინდით, თითქმის ზაფხულის დღეა.

დღეს თოთხმეტი აპრილია.

ჩვენი ჯგუფი ქართველი და აზერბაიჯანელი მწერლებისაგან შედგება.
ყოველი ჩვენგანი პირველად მოხვდა თურქეთში.

პართალია, ეს ქვეყანა ჩვენს მეზობლადაა, მაგრამ მრავალი მიზეზის
გამო იგი დიდხანს შორს იყო ჩვენგან, ამიტომ მისი დღევანდელი სახე და
შინაარსი დიდ ინტერესს იწვევს, რადგან ბევრი რამ მაინც გვსმენია და
ვიციტ თურქეთის წარსულისა და მისი თანამედროვე ვითარების შესახებ.

საბჭოთა მკითხველი დიდი ყურადღებით ადევნებს თვალს თანამედ-
როვე თურქი პროგრესული მწერლების ნაწარმოებებს. ბევრი მათგანი
თარგმნილია ქართულ ენაზეც. ჩვენ გვყავს პირადი მეგობრები თურქ მწე-
რალთა შორის, რომლებიც უკვე იყვნენ საქართველოში და ახლა ჩვენთან
შეხვედრას სიხარულით ელიან.

საბჭოთა ქვეყნის სამშვიდობო ინიციატივამ, ბოლოს და ბოლოს, თა-
ნაგრძნობა და გავება გამოიწვია თურქეთის ხელმძღვანელთა შორისაც,
რომლებიც იძულებული გახდნენ ყური ეგდოთ თავისი ქვეყნის მშრომელ-
თა დიდი ხნის სურვილისათვის, — გამთბარიყო ჩვენს ხალხებს შორის
დამოკიდებულება. ამიერკავკასიის ორი მოძმე რესპუბლიკის ლიტერა-
ტორთა ჩამოსვლა მეზობელ თურქეთში, ამ საქმის კეთილნაყოფი-
ერ განვითარებასა და ხალხთა ურთიერთ ნდობას ემსახურება.

სტამბოლი ძალიან ლამაზი ქალაქია. ჯერ კიდევ ქველმა ბიზანტიელ-
ებმა მიანიჭეს მას მარადიული სიცოცხლის მიმზიდველობა. კონსტანტინე-
პოლში მათ დადგეს ბევრი ძეგლი და აღაშენეს ტაძარნი თუ სასახლენი,

რომელნიც დღესაც მშვენიერების უპირველეს ქმნილებებს წარმოადგენენ
ნაშუადღევს სასტუმრო „კენედიდან“ ქალაქის გასაცნობად გავდი-
ვართ. ქუჩაში გასვლისთანავე ფესხაცმლის მწმენდავები დაგვედგნენ და
იხვეწებიან ფესხაცმელი გავიწმინდოთ. ყვავილების გამყიდველები კი სა-
განგებო თაიგულს კრავენ და პირდაპირ ხელში გვაჩრიან.

მივყვებით ქუჩებს. ახალი თანამედროვე შენობები ენაცვლება ძველს.
უამრავი მანქანების გვერდით ტვირთაკიდულ კაცებს ვხვდებით, მდიდრულ-
ლად ჩაცმულთა შორის ბევრია მათხოვარი. კონტრასტები ყველგან და
ყველაფერში იგრძნობა.

ჩვენი ავტობუსები აიასოფიასთან ჩერდება. აქ უცხოელთათვის უამ-
რავი სუვენირი იყიდება. ჩვეულებრივად მხოლოდ ბიჭები ვაჭრობენ. ავ-
ტობუსებიდან პირველი ჩამოვდივარ და ვიდრე ყველანი თავს მოიყრი-
დნენ, სუვენირებით მოვაჭრე ბიჭთან მივდივარ, — სტამბოლის ხედების
ფერად ფოტოებს ვათვალიერებ, ბიჭი კი სეტყვასავით მაყრის სიტყვებს,
მიქებს საქონელს და თავის მხრივ მეკითხება:

— სადაური ხართ?

— გურჯისტან... კავკასია... — ვეუბნები.

— ოო! გურჯისტან?

— რა იყო, ქართველი ხომ არა ხართ? — ვეკითხები.

— მე არა. — სწრაფად მეუბნება და ვილაცას ხმამაღლა ეძახის,
ჰამიზ! — უცებ მაღალი, შავგრემანი ბიჭი მოვარდა. გამყიდველი მეუბნება:

— აი, ეს გურჯია...

ახალმოსულს სახეზე სიწითლემ გადაჰკრა. ხელს ვართმევ და ქართუ-
ლად საუბარს ვუწყებ. იგი უარის ნიშნად თავს აქნევს და თურქულად
მპასუხობს.

— არ ვიცი ქართული. ბაბამ კარგად იცის. ნენეი ადრე მომიკვდა და
ქართული ვეღარ ვისწავლე.

— სადაური ხართ ნეტავი! — დავინტერესდი.

— შორს ყოფილა ჩვენი მემლექეთი. ბაბამ თქვა: იქ დიდი წყალიათ-
რონი რქმევია სახელად. აი იქიდან ვყოფილვართ...

— კარგი, ჩემო ჰამიზ! — გულაჩუყებული ვეუბნები, ხელს ვართმევ
და ჩვენებს ტაძრის შესასვლელთან ვეწევი.

აიასოფიას გრანდიოზულობა, სილამაზე და არქიტექტურული სიმდი-
რე პირველმნახელს მაშინვე ატყვევებს. თურქებს ეს ქრისტიანული სამ-
ყაროს ძეგლი თავისად გარდაუქმნიათ; ისლამურ ყაიდაზე მიუშენებიათ
მინარეთები, შიგნით მთავარი საკურთხეველი მექისაკენ შემოთუბრუნებიათ.
ფრესკები და ნახატები გადაუღებავთ, ხოლო ეზოში საავდესე შადრევანო
გაუმართავთ. ლოცვის წინ ხელ-ფეხის განსაბანად შიგ. შესასვლელებში

მარმარილოს უზარმაზარი ორი ქოთანი დაუდგიათ. შემდეგ თურქეთის გამოჩენილ მოღვაწეს — მუსტაფა ქემალ-ფაშას (ათათურქს) აქ ლოცვა აუკრძალავს. აიასოფიას იმ დღიდან მუზეუმის სახე მიუღია. თურქი ოსტატები ცდილან ტაძრის პირველყოფილი მოხატულობანი აღედგინათ. თუმცა კიდევ ბევრი ჭეშმარიტი ქმნილება ბიზანტიური ფერწერისა უხეირო საღებავქვეშ იმალება, მაგრამ ტაძრის ხილვა მაინც გაცუებასა და აღტაცებას იწვევს.

იქვე ქუჩის გადაღმა დგას სულთან ახმედის მიერ აგებული ეგრეთწოდებული ცისფერი მეჩეთი. მას აშკარად ეტყობა აიასოფიას არქიტექტურული გავლენა. ამ ჯამეში ოცი ათასი მორწმუნე ერთდროულად ლოცულობს.

სალამოს ჩვენთან სასტუმროში მოვიდნენ ცნობილი მწერლები და ხელოვნების მუშაკები: აზიზ ნესინი, ილხან თანერი, ჯენგიზ თიუნჯერი და თეატრალური კრიტიკოსი ჰაიათ ასილიაზიჯი. ჩვენს შორის გულითადი საუბარი გაიმართა.

მეორე დღე სტამბოლის ღირშესანიშნაობათა გაცნობას დაეთმო. დიდხანს დავრჩით სულთანთა სასახლეში, რომელსაც „თოფ-ყაფის“ ეძახიან.

ძნელია ჩამოთვალო და აღწერო ამ სასახლის დარბაზებში გამოფენილი ზღაპრული სიმდიდრე: თვალმარგალიტი, სამკაულები, სულთანთა და ხანუმათა ძვირფასი სამოსები, 320-ოთახიანი ჰარემის მოწყობილობა, პარკებისა და შადრევნების სილამაზე... აქ იხილავთ სპარსულ და ინდურ ნახელავს, ჩინურ ფაიფურსა და ქსოვილს, არაბულ ხალაჩებსა და ნუსხაფებს (წიგნებს), ოქროს ტახტებს, სპილოს ძვლის ნაკეთობებს, სულთან ახმედ მეორის ოქროს აკვანს, რომელიც ათი ათასი მარგალიტითაა მოოჭვილი; აქა მსოფლიოში ყველაზე ძვირად ღირებული ოქროს ტახტი, რომელიც აურაცხელი თვალმარგალიტითაა შემკული. ეს ტახტი სპარსეთის შაჰს ეკუთვნოდა.

ვნახეთ ჰარემიდან ბაღზე გადმომდგარი ის მყუდრო აივანი, სადაც საღამოობით სულთანს თავის რომელიმე ცოლთან ერთად განმარტობა უყვარდა. ისინი ყვავილების წალკოტს გადასცქეროდნენ, სადაც კუ ზურგზე ანთებული სანთლებით დადიოდა.

წარუშლელი შთაბეჭდილებებით ვბრუნდებით სასტუმროში.

აქ გვხვდებიან სტამბოლელი ქართველები.

მეორე საღამოს ერთი მათგანი მთელ ჯგუფს ბოსფორზე სავახშმოდ

ეპატიუება. მალე სუფრა ქართულ ყაიდაზე იშლება ნელნელა ლექსების კითხვაში გადადის. პოეტები საუკეთესო ლექსებს კითხულობენ. კარლო კალაძე იწყებს ქართულ ბუნების ხოტბას. არჩილ სულაკაური სევდიანი, გაბზარული ხმით წარმოთქვამს ლექსს „გონიოს ციხეზე“. გივი გოგიჩაიშვილი იგონებს თავის მამას, რომელიც ორმოცი წლის წინათ აჭარაში მასწავლებლად მუშაობდა და მუსლიმან თანამემამულეებს ქართულ წარა-კითხვას ასწავლიდა. იგი შთამბეჭდავად კითხულობს ერთ ცნობილ ლექსს: „ქართლ-კახეთი, იმერეთი, აჭარა და იმერხევი...“ ალექსანდრე გომიაშვილი იხსენებს თავის „ადგილის დედას“, მე სტამბოლიდან ისევ თბილისს ვესიყვარულები, ხოლო ბესო ჟღენტი ჩვეული ორატორული სიტყვით აჯამებს ჩვენს ნაფიქრალს.

მეორე დღეს ცნობილი ზღვის ყურეს „ოქროს რქას“ ბორანით ვსერავთ, ბოსფორში გავლით მივიღივართ მარმარილოს ზღვაში და იქ ე. წ. დიდ კუნძულზე ერთ-ერთ რესტორანში ვსადილობთ.

ისლამური მუზეუმი, რომელიც მეორე დღეს დავათვალიერეთ, ბნელი, ჩუმი და ნაღვლიანი მეჩვენა. ვნახეთ „ყურანის“ მრავალი გამოცემა. საინტერესო იყო დიდი ფორმატის ფურცლებზე ნაწერი არაბული ტექსტი, რომელსაც ოქროს თავსამკაულები ამშვენებდნენ. ჩემი ყურადღება მიიქცია კუთხეში მაღალ თაროზე შემოდებულმა სპილენძის სურამ, რომლის ქვეშ გაჭირვებით ამოვიკითხე „მამელუკის წყლის ჭურჭელი“.

მამელუკის? რამდენი მოგონება, ტკივილი და ერთგვარი სიამაყეც კი გეუფლება ქართველ კაცს. ამ სიტყვის გაგონებაზე. ეგვიპტის პატრონი მამელუკები, წარმოშობით ქართველები, ხშირად ებრძოდნენ თურქ მომხდურებს და სასახლო გამირობასაც იჩენდნენ. ვინ იცის, რომელ მოკლულ მამელუკს ეკუთვნოდა ეს ჭურჭელი!

თავისუფალ დროს სტამბოლის განთქმულ დიდ ბაზარში მივიღივართ. იგი მინიატურული სავაჭრო ქალაქია. აქ ყველაფერს ნახავ და ყველა ჯურის კაცს შეხვდები. აქ ჩამოყავდათ იმ წყეულ დროში მოტაცებული ქართველი ქალ-ვაჟები და ჰყიდდნენ. ყველაფერს ხარბად ვაკვირდები. თუ ფასს გიკლში შეიხედე, ჩნელია, გამყიდველი მოიცილო. გევაჭრება, გეხვეწება, უკან გიკლებს, საქონელს გიქებს, ბოლოს შენი სადაურობითაც ინტერესდება.

ბურსაში გამგზავრების უამც მოახლოვდა. ადრე დილით ჩვენი ტობუსი ბორანზე აჰყავთ, რომელმაც ბოსფორი უნდა გადაკვეთოს და გაღმა ნაპირზე ქალაქის აზიურ ნაწილში, უსკიუდარში, უნდა გადაგვიყვანოს. ამდენ ფუსფუსსა და ყრიამულში ჩვენი ქართული სიტყვაც გაისმის... ვიღაცა მალულად გვითვალთვალებს... ჩვენს ახლოს გაუბედავად ჩერდება... იგი მაღალი პირხმელი მოხუცია. მას დიდი, ნაღვლიანი თვალები აქვს და თითქოს ძალიან ნაცნობი სახე. რადგან შეუნიშნავი არ დაგვჩა მისი მორიდებული მხერა, — ბედავს:

— ჩვენებურები ყოფილხართ... ჩვენ გურჯები ვართ! — და ორ ახალგაზრდას ახლოს იწვევს. ვესალმებით. ხელს ვართმევთ, კარგი ქართულით გველაპარაკება ბერიკაცი, ხოლო ერთ ჭაბუქს, მორცხვად რომ გამდგარა გვერდზე და შორიდან გვიღიმი, ეტყობა უჭირს ქართულად საუბარი.

— როგორა ხართ, როგორ ცხოვრობთ?! — ვეკითხებით.

— აჰა, იშტა, ასე არ გვიშავს! — იქ მამლექეთში ქართველობა ხომ არის მაგრად? — კითხულობს თავის მხრივ მოხუცი. ყველანი ერთხმად ვუდასტურებთ და ვჩქარობთ გემზე ასვლას.

— იყავით, მაგრად იყავით! — მოგვძახის მოხუცი.

* * *

„ესენი ძველი მუჰაჯირები არიან. — ვფიქრობ ჩემთვის მეორე ბორანზე, რომლითაც უკვე იზმირის ყურეს გადავდივართ.— ისინი დაბნეულნი და დამფრთხალნი ისტორიის უკულმართობამ ბედის საძებნელად აქ გაღმობტყორცნა...“

თანდათან ხშირდება ზეთისხილის ტყეები, გორაკები, ტბები და მდინარეები. ალაგ-ალაგ ძველი ნანგრევებიც შეინიშნება. თანდათან ცოცხლდება მოგონებებში ანტიკური მითები. დიახ, ამ ადგილებში ძველი ანტიკური სამყარო ჰყვავდა...

აი მინდვრები თავდება და... მთის მიღწერდებაზე შეფენილი ქალაქი თანდათან გვიახლოვდება.

ბურსაში შევდივართ.

ამ ქალაქის სახელი ხშირად საპყრობილეს მომავონებს...

ეს ალბათ იქიდან დამჩემდა, რომ ნაზიმ ჰიქმეთი თოთხმეტი წელი აქაურ ციხეში იჯდა. ასეთი ეპიზოდიც მახსენდება: 1949 წელს ნაზიმმა ბურსას ციხეში პროტესტის ნიშნად შიმშილობა გამოაცხადა. მთელი მსოფლიო მწვავედ განიცდიდა პოეტის ბედს. იმ ხანებში მოსკოვის გაზეთმა დაბეჭდა ჰიქმეთის ლექსი „შიმშილობის მეხუთე დღე“, რომელიც მე ქართულად ვთარგმნე და „საბჭოთა აჭარის“ მეშვეობით ჩვენს მკითხველს გავაცანი. ქვეშ ეწერა „ბურსას ციხე“. მაგრამ ახლა მე სულ სხვა რამე მალეწვებს...

ბურსას მახლობლად, დიდი ხნის გადმოხვეწილი ჩემი მამიდა ცხოვრობდა რომელიც არ მინახავს არასოდეს. მამიდას სტამბოლიდან ღია ვუგზავნე, ამა და ამ დღეს ბურსაში ვიქნებით-მეთქი.

მიიღო თუ არა ბარათი? შეძლებს თუ არა ჩამოსვლას? შევხვდებით თუ არა ერთმანეთს?..

სასტუმროს წინ, სადაც ჩვენ უნდა დავბანაკდეთ, ბურსელი ქართველების ჯგუფი შეყრილა.

— აქედან არც ისე შორსაა სოფლები, სადაც მხოლოდ ჩვენებურები ქართველები ცხოვრობენ. თუ დრო და სურვილი გექნებათ: — გვთავაზობენ ჩვენი არაოფიციალური მასპინძლები, — წავიდეთ, რომელიმე სოფელში გლეხებს ძალიან გაეხარდებათ!

ჩვენ სიამოვნებით ვთანხმდებით.

მანქანაში ჩასხდომისას შორს ქვაფენილზე ჩვენსკენ მომავალ მოხუც ქალს რატომღაც ვაკვირდები. იგი გაჭირვებით მოიჩქარის, გაშლილ ხელებს იქნევს და თეთრ ლეჩაქს აფრიალებს... კარს ვაღებ და ძირს ჩამოვდივარ...

უნებურად მიღელავს გული — ეს ნამდვილად მამიდაჩემია — ვამბობ და შესახვედრად მივდივარ. იგი უეცრად ჩერდება, თვალებს ხელით იზრდილავს და შეშინებული მაკვირდება...

მე ახლოს მივდივარ და უსიტყვოდ ვეხვევი...

სავალალოდ მძიმეა ბედი ასეთი ადამიანისა... სახეზე თითქოს განვლილ-განცდილის კვალი დაჩენია. ღიმილი. სადღაც შორეულ წარსულში დაკარგვია.. ტუჩები უცაცხაბებს და ცხელ ხელს ხელზე მიჭერს...

* * *

ჩვენი გზა იზმირისაკენ მიდის.

ალიონზე ვემშვიდობებით ბურსას. ქალაქის შუაგულში მიმავალი ავტობუსიდან ვილაცამ სარკმელში გამახედა. ქუჩის გადაღმა მოთეთრო სახურავზე საგუშავო კოშკით შენობა დავინახე.

მალე მშვენიერი, მწვანინანი ველები იშლება. ისევ ზეთისხილის ტყეები, ალაგ-ალაგ ისევ — ანტიკურ ნანგრევთა ნარჩენები.

შუადღისას ეგეოსის პირას პატარა ქალაქ აივალუქში ცოტახნით ვჩერდებით. ზღვაზე გადამდგარი რესტორნის მეპატრონე, ახალგაზრდა შავგრემანი კაცი, ჭერში ჩამოკიდებულ ბადეებიდან ხალისით იღებს ზღვის უცნაურ ბინადართა ფიტულებს და დაინტერესებულ თანამგზავრებს სახსოვრად აძლევს.

ანტიკური ქალაქის პერგამის ნანგრევებმსაკენ მივდივართ.

პირველი ციხე-სიმაგრე აქ სპარსელ მეომრებს გაუშენებიათ მე-7 საუკუნეში ჩვენს ერამდე. შემდეგ ბერძნები მოსულან, ხოლო შორეულ ლაშ-

ქრობაში მიმავალ ალექსანდრე მაკედონელს აქ სამასი ათასი ოქროს მონეტა დაუტოვებია, რომლითაც მესამე საუკუნეში ჩვენს ერამდე ვილაც ბერძენ მხედართმთავარს ქალაქის გაშენება დაუწყია. პირველად პეროკონოსი რქმევია, ხოლო როცა აქაურებს ეგვიპტელებმა პაპირუსი აღარ მიაწოდეს და პერკონელებმა თავის მიერ აღმოჩენილ საწერ ფურცლებს პერგამენტი უწოდეს, ქალაქსაც პერგამი ეწოდა.

ნანგრევთა დათვალიერებისას დაკვირვებული კაცი მიხვდება რამდენად გრანდიოზული იქნებოდა ქალაქი.

ფერდობზე, ამ ცოტა ხნის წინათ გათხრები ჩაუტარებიათ დაცველი დროის ერთ-ერთი პირველი საავადმყოფო აღმოუჩენიათ. სწორედ აქ დაბადებულა მამინ მსოფლიოში ახლაც არსებული სამედიცინო ემბლემა — მაღალი წვრილფეხა თასი ზედშემოხვეული გველით.

* * *

იზმირს ღამით ვესტუმრეთ, ხოლო დილით პირდაპირ მეორე ანტიკურ ქალაქ ეფესისკენ მივდივართ. იგი ჩვენს წელთაღრიცხვამდე მეორე ათასწლეულში აშენებულა. აქ იყო მსოფლიოს ერთ-ერთი შვიდ საოცრებათაგანი — არტემიდას ტაძარი. მხოლოდ მისი კედლებიდან ახლა ჩამონატეხებია დარჩენილა. შენობა კი მე-16 საუკუნეში ვილაც გერმანელს დაუშლია და გაუზიდა. ნაყოფიერების ქალღმერთის არტემიდას დიდებული ქანდაკება კი როგორღაც გადარჩენილა. ახლა იგი სპეციალურად ცალკე აშენებულ მუზეუმის შესასვლელში დგას.

ქალაქის ძველი ქუჩათა ქვაფენილები შემორჩენილან. კარგად გადარჩენილა ელინური თეატრიც, რომელიც შემდეგ რომაელებს თავის სტილზე გადაუკეთებიათ.

აქედან ჩვენი ავტობუსი მიხვეულ-მოხვეული გზით მთაზე აღის. იქ, მაღლა ე. წ. სელჯუქის მთაზე, წმინდა მარიაშის სახლია. გადმოცემით თითქოს აქ გაუტარებია ღვთისმშობელ მარიაშს თავისი სიცოცხლის ბოლო ხანი. რომის პაპის ბრძანებით 1966 წელს ეს მთა წმიდა ადგილად იქნა გამოცხადებული. ამიტომ ახლა აქ რომელ ქვეყნიდან არ მოდის მნახელი, რელიგიის ფანატიკოსები ფულსა და ენერჯიას არ იშურებენ, რათა ინახულონ ეს წმიდა ადგილი.

გორაკის ძირში მიდგმულ პატარა ქვის ეკლესიაში, სადაც თითქოს

მარიამი ლოცულობდა, ერთხელ შესვლა და პირველის გადაწერა მათი
ვის დიდ მოვლენად ითვლება, ხოლო იქვე მოჩუხჩუხე წმიდა წყაროსაც
თუ დაღევ; ყოველი სენისაგან უმალ განიკურნები შიგნით კედელზე მიწ-
ყობილი უამრავი ყავარჯენი ვნახეთ. თითქოს აქ განკურნებულ ხეა-
რებს დაუტოვებიათ.

სადამო და მეორე დილა თვით ქალაქ იზმირის დათვალიერებას და-
ეთმო. გურჯის ხსენებაზე ბევრი იზმირელი კმაყოფილებით იგონებს ლა-
შაშ და მდიდარ საქართველოს პავილიონს, რომელიც ამ რამდენიმე წლის
წინათ აქ იყო გამართული. ისინი მოუთმენლად მოელიან ახალ ქართულ
პავილიონს.

იზმირიდან ანკარამდე გზას ათი საათი მიაქვს.

შუადღისას ქალაქ აფიონში ვჩერდებით. ქალაქიდან მოჩანს გარეუ-
ბანში მდგარი ძალიან მაღალი მუქწითელი ფერის კლდე, რომლის წვერ-
ზე გორიზად აღმართულა ძველისძველი ასურული ციხე-კოშკი.

ანატოლიის სოფლები, ყვითელი თიხის თუ აგურის დაბალი სახლე-
ბით, ტიალი ეზოებით, ცხვრის ფარებით და თეთრნაბდიანი მწყემსებით
ნელა მოცურავენ უკან...

მწვანე ჯეჯილები კლებულობს. ალპიურ საძოვრებს გადავდივართ.
ქოროღლის უღელტეხილზე თოვს, მალე აღმოსავლეთის ფერდობებით
ბარში ვეშვებით და რამდენიმე საათის სიარულის შემდეგ მოწყენილად
გვხვდება წვიმიანი ანკარა.

სწორი და ფართო ქუჩები თანამედროვე შენობებით უმაღლვე გამ-
ცნობს, რომ ქალაქი ახალგაზრდაა, თუმცა ამტკიცებენ, რომ უხსოვარი
დროიდან აქ ქალაქი არსებულა.

ჩვენ ყველაზე მეტად გვაინტერესებს განთქმული ხეთური მუზეუმის
დათვალიერება.

ეს უძველესი დიდი ხეთური ცივილიზაცია დღევანდელ თურქებს თა-
ვისი პირდაპირი წინაპრების კულტურად მიაჩნიათ.

სხვათაშორის სასტუმროს ვესტიბულში შეხვდები პლაკატს, რომელ-
ზეც ესა თუ ის ძველი ხეთური ძეგლია დახატული. ქვეშ კი დიდი ასოე-
ბით წერია: — თურქული ხელოვნება რვა ათასი წლისაა.

მეორე დღეს ათათურქის ცნობილ მავზოლეუმს ვნახულობთ. იქ თუ-

რქეთის რესპუბლიკის პირველი პრეზიდენტის მუზეუმში, სხვათაშორის, ჩვენს ყურადღებას იქცევს ახალგაზრდა საბჭოთა სახელმწიფოსა და თურქეთის რესპუბლიკას შორის დამყარებული მეგობრული ურთიერთობისადმი მიძღვნილი ექსპონატები.

საპატიო ადგილას ჩამოკიდებულია ქემალ ათათურქისათვის ნაჩუქარი კალინინის, ვოროშილოვისა და ბუდიონის ფოტოსურათები.

საქმეში ჩახედული და კეთილგანწყობილი თურქები ჩვენთან საუბრებში ხშირად კმაყოფილებით იგონებენ ხოლმე ჩვენს ორ ქვეყანას შორის არსებულ ნაყოფიერ მეგობრობას და იმედით შეჰყურებენ ურთიერთობის დღევანდელ სასიკეთო გამოცოცხლებას.

სტამბოლისაკენ მიმავალნი ადაბაზართან მიახლოებისას გზის ორივე მხარეზე ვამჩნევთ ნაცნობ პეიზაჟებს, რომელიც გვაოცებს ჩვენებური ეზო-კართა და ბაღა-ბოსტნებით. ალაგ-ალაგ ვხედავთ, — ღარიან წიქვილებს, — ჩვენსავით გამართულ თუთუნის საშრობებს, — სახლებს...

ამ ცნობისმოყვარეობას თურქი გიდი ერდენიც ამჩნევს და მოულოდნელად საზეიმოდ აცხადებს: აქ ამ რაიონებში მრავალი გურჯი ცხოვრობს!

სტამბოლში სასტუმრო „კენედის“ პოლში გველოდებიან: აზიზ ნესინი, ჰაიათ ასილიაზიჯი და ჯენგიზ თიუნჯერი — ჩვენი აქ ყოფნის ბოლო საღამოა და თურქ მწერლებს ქართველი მეგობრებისათვის სხვადასხვა სახსოვარი მოუტანიათ.

სტამბოლში მცხოვრებ თანამემამულეებს მოუსურვებიათ ჩვენთან შეხვედრა და ისინიც გველოდებოდნენ. სამწუხაროდ ერთსადაიმავე დროს ხდება გაცნობაც და დამშვიდობებაც... ვილაცამ გვერდზე მომწია და მაღალი ჭაღაროსანი კაცი წარმომიდგინა — ეს თურქეთის პირველი მხატვარი — ბაღბანია! ეს სახელი „ინოსტრანია ლიტერატურიდან“ მახსოვს, სადაც ამ ნიჭიერი თვითმყოფადი მხატვრის ნახატები დაიბეჭდა. იგი ნაზიმ ჰიქმეთის ქველი მეგობარია: ერთად ისხდნენ ბურსას ციხეში. მე, როგორც ბათუმელს, სადაც მისი მეგობარი ნაზიმი პირველად ეზიარა ახალ სამყაროს, მაჩუქა მის მიერ დახატული ჰიქმეთის პორტრეტი წარწერით.

გამომგზავრების დღეს, ადრე დილით, კარლო კალაძე, იოსებ ნონევილი და მე მივიღივართ სტამბოლის ცენტრთან ახლო მდებარე ქართულ

კათოლიკურ ეკლესიაში. აქ მოხუცი მღვდელი, ჩვენი ვინაობის გავების შემდეგ, ერთგვარი ყოყმანითა და შიშით შეგვიძღვა მყუდრო ნანუკრადჩაბნელებულ ოთახებსა და სათავსოებში, სადაც მრავალ სურათსა და წიგნებში საქართველოა წარმოდგენილი. მაგიდაზეა ქართველიშვილის გამოკვეთილი „ვეფხისტყაოსანი“, კედელზე შ. რუსთაველის. ი. ჭავჭავაძის, ა. წერეთლის, ვაჟა-ფშაველასა და მრავალ ქართველ სასულიერო მოღვაწეთა პორტრეტები ჰკიდია.

მოხუცი მასპინძელი ბოდის იხდის და ერთი წუთით გვტოვებს. იგი მალე ბრუნდება. ძლივს შემოაქვს მძიმე სქელყდიანი წიგნები, მაგიდაზე დებს და სასოებით გვამცნობს:

—ეს სულხან-საბას ხელნაწერი დედნებია. „მოგზაურობა ევროპაში“ და „ლექსიკონი ქართული“

თვითული ჩვენგანი მოკრძალებითა და ბედნიერების განცდით ეხება სულხან-საბას სასოებით ნაწერ ფურცლებს...


ეს წუთები ჩვენი მოგზაურობის შთაბეჭდილებათა ნამდვილი გვირგვინი იყო. უნდა ითქვას, თურქეთში მოგზაურობამ დაუვიწყარი და ღრმა შთაბეჭდილებებით დამაჯილდოვა. ეს ქვეყანა ბუნებრივად ძალიან ლამაზი და მდიდარია, მას უთუოდ თავისი საკუთარი კოლორიტი, საკუთარი სახე და განვითარების გზა აქვს, მაგრამ სამწუხაროდ, აქ ყოველ ნაბიჯზე თვალში გვცემა ამერიკული გავლენები. კოკა-კოლას და პეპსი-კოლას ვეება რეკლამები, ამერიკულ ავტომობილები, ამერიკული კინოფილმები, საღეჭი რეზინა — საკმარისია ამის დასადასტურებლად. თვით მუსიკაც კი, რომელსაც რესტორნებში გაიგონებთ, ამერიკული მოდური ჯაზებიდან მოდის.

მაგონდება იზმირში, სასტუმროს რესტორანში, სადაც ჩვენ ვივახშმეთ, ახალგაზრდა თურქი ავტომატურ მუსიკალურ სკივრთან მივიდა და სიაში დიდხანს რაღაც ეძებდა. მერე გაჯავრებით ხელი ჩაიქნია და უკმაყოფილოდ ჩაილაპარაკა: — დასწყევლოს ღმერთმა სულ ამერიკულია, ერთ თურქულ სიმღერას ვერ მოისმენ!

საუბარში ხშირად გაიგონებთ ხოლმე ჩივილს სკოლებისა და მასწავლებლების უკმარობაზე სოფლად, ექიმების სიმცირეზე... ეს იმიტომ ხდებაო, ასკენიან, ოთხი ახლადდამთავრებული თურქი ექიმიდან, სამი ამერიკაში მიდის სამუშაოდ.

ხალხს სრული დამოუკიდებლობა, თავისუფლება, მეზობელ ქვეყნებთან ურთიერთობის გაუმჯობესება და მეგობრობის განმტკიცება უნდა. ეს სურვილი დღევანდელი თურქეთის მთავარი ძალაა. ჩვენც ერთი დიდი სურვილი წამოვიდეთ სამშობლოში, — იყოს კეთილი მეზობლობა და ურთიერთნდობა საბჭოთა და თურქ ხალხებს შორის!

იყოს მშვიდობა ყველგან!





ი. რურუა — ნავო, იალქნიანო
(მოთხრობა) 3

ჯ. ჯაყელი — ლექსები 12

ნ. კილასონია — ლექსები 15

ნ. ჩხაიძე — წიგნიანი ლაშქ
(მოთხრობა) 17

ო. კუპრაძე — ლექსები 22

ნ. გვარამია — ლექსები 24

ლ. სეიდოვილი — ბუნობა
(ლექსი) 27

ზღვა და აღმოსავლეთი

ჯ. მჭედლიშვილი — მეზღვაური
ნაპირზე დარჩა (ნარკვევი) 30

დედის გონება

ხალხური ლექსები და ანდაზები 34

შევერბოთ ჩვენი კუთხის სიტყვებ
ი 37

ფ. სიმონიანი — მოთხრობები
(თარგმან უკრაინულიდან ნ. ვერძა-
ძემ) 40

ო. შალამაძე — ეპატორინე
ჭავჭავაძის ბარათი (ლექსი) 45

ი. მელია — (ლექსები) 48

ამაგდარი ქალბავ

ს. ჯინჭარაძე — ყვავილების უანგარო
მსახური 49

აჭარის წარსულიდან

ა. ინაიშვილი — აჭარის განთავისუ-
ფლებისათვის ბრძოლის ისტორი-
იდან 52

ი. ბეჰიშვილი — პირველი ტორ-
პედოს გამოყენება 64

კრიტიკა და კუმულიციონიკა

ო. შარაიშვილი — მ. შოლოხოვი
უცხოურ კრიტიკაში 66

ბ. ჭალაძე — „ქალის ტვირთის“
ფოლკლორული წყაროები 71

ი. ლევიანი — რევოლუციური რომა-
ნტიკის ბათოსით 75

ნ. სენაქირიძე — როგორ იჭედებო-
და მენავთობეთა ძმობა 78

მოგონებანი

ბ. მამხაძე — შეხვედრა ვლადიმერ
მაიაკოვსკთან 81

ფ. ხალვაში — მოგზაურის ჩანაწე-
რები 85

რედაქტორი ნანა გვარიშვილი.

სარედაქციო კოლეგია:

ს. ახვლედიანი, მ. ვარშანიძე (პ/მგ. მდივანი), პ. ლორია,
ა. ჩავჭავჭავაძე, ფ. ხალვაში.

რედაქციის მისამართი: ბათუმი, ენგელის ქ. № 21.

ტელეფონები: რედაქტორის — 33-71, პ/მგ. მდივნის — 33-72.

ხელმოწერილია დასაბუქლად 2/IX 1968 წ. საბუქლი 6, საგამომცემლო 5
თაბახი, შეკვეთის № 3203 ემ 00597, ქაღალდის ზომა 60x90, ტირაჟი 1800.

საქართველოს სსრ მინისტრთა საბჭოს ბეჭდვითი სიტყვის სახელმწიფო კომიტეტის
მთავარბოლიგრაფმრეწვის ბათუმის სტამბა № 9 (ლექსებმბურგის. 22).

აჭარის უზრუნველ-გაზეთების გამომცემლობა

3560 40 353.

3.2/124.

საქართველოს
საბჭოთავო კავშირი

**ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ**

„Литератури Аджара“

**ОРГАН АДЖАРСКОГО ОТДЕЛЕНИЯ
СОЮЗА ПИСАТЕЛЕЙ ГРУЗИИ**

ИНДЕКС 78118